

WANT

Wantok
SSH Stacks
UC San Diego
Received on: 04-24-97

NIUSPEPA BILONG YUMI OL PAPUA NIUGINI STRET - 26 YIA NAU

36 pes

Namba 1,190

Wik i stat long Fonde, Epril 17, 1997

50 toea

“Mi no giaman man” Singirok

WENCESLAUS MAGUN i raitim

OLPELA bos bilong Difens, Jerry Singirok i tokim Komisen aste olsem em i no giaman man. Mista Singirok i mekim dispela toktok bihain long Loya bilong Gavman, Mista Marshall Cooke i kolim em mauswara man insait long Nesenel Kot Haus. Long ai bilong Komisina Warwick, Mista Singirok i askim Mista Cooke long rausim dispela tok na tok sori long em.

“Mi wanpela stretpela man. Mi man bilong laikim, strongim na wokim gutpela pasin na olsem wanem tru na kain man olsem Mista Cooke inap kolim mi mauswara man.” Mista Singirok i tok.

Tasol, Mista Cooke i no bin tok sori long Mista Singirok. Olsem na Mista Singirok i lusim Kot Haus na i go aut. Mista Singirok i tok em bai i no inap long wok bung wantaim Mista Cooke sapos Mista Cooke i no tok sori long em.

Long strongim toktok bilong Mista Cooke long kolim Mista Singirok giaman man, Mista Cooke i tok: “Mi no inap long tok sori long Mista Singirok long kolim em mauswara o giaman man long wanem ol stori bilong em (Mista Singirok) insait long dispela Kot i soim olsem em (Mista Singirok) i mekim sampela giaman toktok.”

Ol dispela tok pait i kamap taim Mista Cooke i ritim wanpela toktok

Mista Singirok i mekim taim em i givim tok long ol ami bilong Spesel Fos Yunit (SFU) 2RPIR long Wewak long Mas 11, 1997. Insait long dispela tok Mista Singirok i mekim wanpela tok olsem: “Toktok bilong Sandline i mekim planti bilong yumi i kirap nogut. Ol i bin salim mi i go long London long Epril 1996, long kamapim sampela kain wok bung wantaim namel long ol Executive Outcome, kampani husat i kisim Sandline long wok. Taim mi kam bek, mi bin tokim Gavman olsem ol Sandline i no ol gutpela lain bilong kisim ol i kam skulim ami bilong yumi olsem yupela yet, ol SFU. Mi tok olsem long wanem, namba wan em i olsem kos bilong baim ol Sandline em i dia tumas. Na namba tu, ol praiwet ami bilong Sandline husat bai i kam skulim yumi em ol lain blakman na waitman bilong Saut Afrika.”

Tasol Mista Cooke i tok Singirok i giaman. Mista Cooke i tok; long Mas 11 1997, Mista Singirok yet i sainim ol “blank end user certificates,” we i givim tok orait long PNG gavman long baim ol masin bilong pait insait long kontrak bilong Sandline. “Olsem na Mista Singirok i no inap long tok dispela toktok bilong Sandline em wanpela nupela samt-ing long em,” Mista Cooke i tok. Em i tok tu olsem yumi ken painim insait long “transcript (buk) long pes 400, Mista Singirok i tok: “Mi tokim em long maus bilong mi olsem dispela ofa em i gutpela.”

Sel mani bilong Tolai strong yet



pasin bilong ol tasol ol Tolai i holim yet dispela tumbuna mani bilong ol.

Ol dispela liklik sel yumi lukim i pas long rop i go daun, ol saveman i save kolim Nasarius (pilcosus) camelos von Martens na i wankain long sais long ol liklik bilas bilong ol bebi. Ol i no save painim long nambis bilong Gasel Peninsula tasol ol i save kisim long ol wansolwara provins olsem Wes Nu Briten provins, Manus na Not Solomons.

Taim ol dispela sel i go pundaun long Rabaul, em i wok bilong ol meri long pulapim long rop.

Long nem bilong ples, ol i save kolim ‘Tabu’. Ol i save makim prais bilong em bihainim longpela bilong rop we i wankain olsem 6 fit. Taim ol pulapim pinis, ol i save bungim olgeta wantaim i go kamap olsem wanpela bikpela karamap ol i kolim ‘loilo’. Dispela em longpela bilong ol inap kamap olsem 10 na 1,000 rop. Taim ol i pasim olgeta na raunim wantaim, bai i olsem wil bilong baisikel.

Bikpela karamap bilong sel mani ya taim ol pipel i bungim i go moa yet i save makim strong bilong ol pipel na ol i no save stop long bungim yet taim ol i stap laip yet. Taim wanpela i dai, ol famili bilong dai man i brukim ol dispela Tabu na skelim long olgeta lain husat i kam bung long dai. Tasol sel mani ya ol i save yusim tu long wokim bikpela pati, baim meri, baim kompensesen long stretim hevi, yusim long baim kaika long maket na tu ol i save yusim long viles kot.

• Ellison Kalvovo, wanpela bikman bilong Is Nu Briten provins i holim ol sel mani bilong ol insait long wanpela bikpela bung bilong ol Tolai komyuniti.

LONG namba wan taim ai bilong mi pas stret long lukim wanpela sel mani bilong ol Tolai, em taim mi stap skul long Divine Word Institut long Madang. Wanpela pren bilong mi bin go long

Rabaul na kisim sampela sel mani i kam bek long skelim long ol lain bilong em bihain long singsing. Mi painimaut bihain olsem dispela em long soim bel amamas. Planti sosaiti i senis long

INSAIT

- Moa ripot long - pes 5
- Madang pipel kros long kampani - pes 2
- Ol ileksen stori - pes 3

OLPELA
MUTRUS
I KAM
BEN

MUTRUS

MUTRUS

MAJOR SPONSA BILONG RUGBY LEAGUE INSAIT LONG PAPUA NIUGINI

GOVERNMENT WARNING: SMOKING IS DANGEROUS TO HEALTH

PLIS RIPOI

• **WABEG:** Bekim bek pasin i mekim na 10-pela man i dai long Tari insait long Sauten Hailans provins long dispela wik.

Nau yet, tupela wanpisin i was long wokabout bilong wanpela arapela na sapos ol i lukim wanpela em yet, em bilong kilim dai tasol.

Stesin Komanda bilong Tari plis stesen Inspekta Frank Gamea i tok stap na sindaun long Tari long dispela taim i nogut na plis i wok long sambai redi tasol long wanem samting bai i kamap.

Inspekta Gamea i tok samting we i statim kilim bek pasin em wanpela man i bin kilim dai meri bilong em long Fonde las wik bihain long tupela i kros pait. Bihain long dispela, man i bin hait long haus na taim wanpela hauslain bilong meri i go insait, man ya i kilim dai em na ranawe hait i stap i kam inap nau.

Taim ol hauslain bilong tupela daimeri na man i harim dispela nius, ol i kirap na kilim dai wanpela hauslain bilong man husat i bin wok olsem wanpela medikol odali long Tari haus sik. Man ya i bin wokabout i go long ples bihain long wok taim ol hauslain bilong tupela dai manmeri i kilim dai em. Orait, bihainim dispela, narapela man gen i bin kirap na wokim peibek pasin long kilim dai wanpela Seven De Edventis sios woka bilong ples Pai. Inspekta Gamea i tok man Pai em i no wokim wanpela samting na ol i kilim nating em. Em i no wanlain bilong tupela hauslain husat i stap insait long dispela pait bilong ol, Inspekta Gamea i tok. Plis i no holim pasim yet sampela lain long ol dispela birua.

Long wanlain taim tu siksipela pipel i dai pinis bihain long pait bilong tupela wanpisin long Saut Koroba eria bilong Sauten Hailans provins. Pait ya i bin kamap long las wik na tupela pipel bilong Kobaja wanpisin i dai taim foapela bilong Wita wanpisin tu i dai.

• **N.C.D.:**

Plis long NCD i ripotim olsem mak long 13 stil pasin i bin kamap long siti las wiken. Bos bilong ol plis long NCD na Sentrel provins, Sam Inguba i tok long dispela 13 stil pasin, 8-pela bilong ol em ol raskol i bin hensapim ol man na stilim ka. Mista Inguba i tok plis i painim pinis 7-pela long ol ka ya tasol wanpela em ol i no painim yet. Mista Inguba i no givimaut moa nius long ol ka we ol raskol i stilim tasol em i wari long hevi bilong holim ol samting bilong pait na wokim stilipasin we i wok long go antap gen.

Long las Sarere, 5-pela raskol i bin go long ples bilong pilai long Gerehu, hensapim ol wokman na stilim mani we senta ya i kamapim long dispela de.

Long sem de tu, faipela geng memba i bin hensapim wanpela famili long Magi haiwe na stilim ka bilong ol. Ol raskol i bin tekof long haipait na ka i bin kapsait. Tupela raskol i bin kisim bikipela bagarap na narapela tripela i stap nau long han bilong plis.

• **NCD:**

Foapela yangpela man i dai long Mosbi long wiken bihain ol i bin dringim metiletet spirit. Nem bilong foapela em long Karalamila Aikelave na Owen Nia tupela i gat 23 krismas na ol i bilong ples Uaripi long Galp provins, Kasi John i gat 32 krismas bilong Westen provins na narapela we ol i no autim nem bilong em. Foapela daiman ya i stap insait long grup bilong 18 manki husat i bin dringim ol marasin i miks wantaim sof dring long las wiken. Ol ripot i tok ol lain i bin stilim ol dispela spirit na marasin taim ol i brukim Konedobu Medikel beis stoa long taim bikipela straik i bin kamap long PNG long ol Sandline ovasis ami.

Unagi bai lusim politiks

... sapos em lus nau

MEMBA bilong Mosbi Not Is David Unagi i tokim moa long 5,000 manmeri olsem sapos em lus long 1997 nesenel ileksen, em bai pinis olgeta long politiks. Na sapos em win gen, em bai salensim NCD rijenol sit long 2002 jenerel ileksen. Em bai traime gen olpela sit bilong em Mosbi Not Is.

Mista Unagi i tok i gat wanpela gutpela lida i stap we ol sapota bilong em i ken votim long NCD rijenol sit long dispela yia. Na long sit bilong Not Is, ol pipel i no ken votim tu ol arapela ovasis man husat i laik sanap long ileksen. Na tu ol pipel i no ken votim ol arapela man nabaut. Tasol ol i ken votim John Tari sapos ol pipel i laik. Tasol em yet bai salens gen long dispela sit bilong em we em i bin holim long 10-pela krismas i kam inap dispela yia.

David Unagi lida bilong Piples United Party (PUP) i mekim dispela toktok long Mande dispela wik long Mosbi taim em i laik go baim nominesen fi bilong em.

Mista Unagi i tokim ol manmeri olsem; dispela wik long Mande April 14 em bikipela samting long em. Bikos long dispela de em Betde bilong em we em i tanim kamap 38 krismas. Na tu dispela em namba tu krismas bilong PUP pati bilong em. Na tu dispela de i makim pinis bilong 5-pela yia bilong em long politiks i pas. Na em i kamap olsem kendidet nating gen long salens na traime winim bek sit bilong em long Mosbi Not Is.

Mista Unagi i tokim ol sapota bilong em olsem ol i no ken tru sapotim Bill Skate Gavana bilong NCD bikos man ya em birua bilong em. Em i stori olsem Mista Skate i as bilong planti hevi olsem, pusim ol buldosa long rausim ol manmeri long Erima Setelmen bikos long wok bilong friwe, kisim ol ovasis teksi bisnis i kam long Mosbi, plen long rausim ol setelmen na planti arapela kontrak na kesuel wokman long NCDC wok.

Em i tok Mista Skate bai rausim ol pipel yet olsem na ol i mas rausim em pastaim long em i gat pawa.

Mista Unagi i makim tu ol kendidet



• **Ol sapota bilong David Unagi karim em go long nominet long Tunde long sanap long ileksen**

bilong em long sanap salens long ol sit insait long Mosbi Not Wes na Mosbi Saut. Em i no makim wanpela bilong NCD rijenol tasol em i tok bai ol sapota bilong em bai votim wanpela gutpela man.

Planti manmeri i ting bai Mista Unagi i salens long rijenol sit. Tasol bihain, em i tokaut long Mande olsem tingting bilong ol famili bilong em (mama) i strong long

em i mas sanap yet long sit bilong em long Mosbi Not Is wantaim ol pipel bilong em.

Mista Unagi bai kisim bikipela salens tu i kam long olpela memba bilong palamen, Sir Hugo Begusher na ol nupela lain olsem Sir Joseph Nombri, olpela NCD plis komisina Philip Taku na planti ol nupela lain kendidet.

SDC kampani kisim paia long ol pipel

MOA long 50 papagraun insait long Sogeram eria long Madang provins i tokaut olsem Sogeram Developmen Kopresen (SDC) kampani i no makim tru ol pipel. SDC em pemit holda insait long Sogeram TRP na i stap olsem mausman bilong ol pipel insait long Sogeram projek.

Ol asples papagraun i tok ol i no lukim kaikai bilong wok bilong SDC na ol i pilim tu olsem SDC i no mekim gut wok.

Mista Robin Som wanpela asples papagraun i tok olsem ol pipel i no gat bilip moa long SDC husat i makim ol insait long tupela krismas long taim timba bisnis i bin stat.

Ol ples insait long Sogeram TRP em Yagi, Koro, Musak, Kikirai, Wagusarik, Tebesarik na kamambu.

Tasol ripot i kam long opis bilong SDC long Madang long aste i tok ol pipel i no klia gut long wok bilong kampani. Olsem na ol i mekim ol tok-tok we i paulim ol yet na kamapim planti kain kain tingting na bel hevi.

Wanpela dairekta Sau Hambai i tok 22 bisnis grup bilong ol pipel long ples em seaholda bilong SDC. Na i no narapela lain moa. Na ol dispela 22 bisnis grup i ken raitim proposel long wanem projek o spin op bisnis ol i painim. Na ol i ken askim SDC long helpim projek bilong ol sapos kampani i gat mani. "Kampani i no inap helpim ol na painim projek, ol yet i mas painim projek bilong ol na askim SDC long helpim ol, Mista Hambai i tok.

Mista Hambai i tok tru ol i klia long dispela miting ol pipel bilong plis i bin

holim, tasol i no gat wanpela dairekta i stap long en. Olsem na ol i no klia yet long astingting na ol toktok bilong miting ya. Tasol em i wet tasol long lukim sapos sampela dairekta inap kamap long opis na toktok long ol.

Narapela man insait long kampani i tok tu olsem, kampani i bin salim ka i go long kisim ol Dairekta i kam long bung. Tasol nogat planti man i kalap long ka long kamap na toktok wantaim ol long dispela bel hevi.

Em i tok tu olsem ol lain husat i save stap wok na raun long taun tasol i bin go bek long ples na pulim ol kain kain tingting na kirapim bel bilong ol pipel. Ol dispela lain long taun i bin askim SDC long givim ol sampela helpim tasol nogat. Olsem na ol i mekim dispela kain long pusim bel bilong ol pipel long kirapim hevi egensim kampani, bikman ya i tok.

Long ripot bilong miting bilong ol ples i tok, ol i belhevi tu bikos i gat 9-pela man tasol i save seaholda long SDC. Ol papagraun i no amams long dispela na ol i laik bai bisnis grup insait long Sogeram TRP tu i mas kamap seaholda long kampani. Nau gat 22 bisnis grup i stap pinis insait long Sogeram TRP eria.

Tasol dairekta Sau Hambai i tok dispela i no tru. Dispela 22 bisnis grup em ol seaholda bilong SDC. Na dispela 9-pela man em ol 9-pela dairekta bilong kampani husat i nogat sea tru long kampani ya.

Mista Hambai i tok em i save ol pipel i kisim wanpela loya olsem na loya i ken sekim dispela rekot na tokaut klia long ol pipel.

Embel na Barter sutim tok long Fainens Dipatmen

TOK i sut nau long Nesenel Fainens dipatmen na ol Provinsal Menesmen na Tresara long wanwan provins long ol hevi we ol sios helt sevis i bungim long dispela taim.

Helt Minista Philemon Embel i bin autim toktok ya long dispela wik bihainim ol ripot olsem 17 pipel i dai pinis long Sandaun provins taim sios helt sevis i pasim ol haus sik, edpos na helt senta. Long wanem ol i no kisim hap mani long gavman bilong ranim ol wok.

Mista Embel i tok Ministri bilong Helt wantaim Helt Dipatmen i wokim olgeta samting long sait bilong ol long lukim olsem ol Sios Helt Sevis (CHS) i kisim mani bilong ol. Tasol hevi i stap long Fainens dipatmen na ol provinsal administresen bilong givimaut mani.

I kam inap nau, 17 pipel long Sandaun provins i dai pinis bikos ol CHS haus sik i pas. Ol man wantaim bikipela sik i go long Vanimo haus sik, we gavman i ranim.

Mista Embel i bin tok dipatmen bilong em na helt i wok long pusim fainens na ol provins long givim kwik mani bilong CHS. Tasol ol i no hariap long en. Em i tok ol i salim pinis tu ol kes waren pepa we ol i ken yusim long kisim mani long ol tasol ol wokman long ol provins i tok mani i no go yet long ol provins.

Em i tok hevi i bagarap long foapela provins. Dispela em long Sandaun, Galp, Isten Hailans na Sentrel. Em i tok ol CHS insait long ol arapela provins i orait liklik bikos ol i kisim sampela mani long ranim wok na pe bilong ol wok manmeri.

Mista Embel i tok moabeta ol CHS seketeri, provinsal gavman ejensi na Fainens i toktok na wok gut wantaim long stretim dispela hevi we i wok long go bikipela na sampela pipel i dai pinis long en.

Em i tok gavman i putim Helt na Edukesen long top lista bilong ol prosek long kantri tasol dispela hevi we ol CHS i bungim em hevi long sait bilong administresen wantaim ol provinsal otoriti na Fainens dipatmen. Na em i tok strong long ol long mekim kwik samting long stretim hevi ya.

WANTOK

All departments. Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola for Word Publishing Co. Pty Ltd.

Acting General Manager and Group Editor in Chief: Anna Solomon	Papers distributed by air throughout PNG
Advertising Manager: James DeLusie	Available by airmail subscription within Papua New Guinea and overseas.
Editor of Wantok: Leo Waliwa	
Advertising Deadlines: Display Bookings and Camera ready copy: Tuesday midday. Classified Advertising: Wednesday 2pm.	

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

WANTOK

NIUSPEPA BILONG OL PNG STRET

YU MAS VOTIM GUTPELA LIDA

SAPOS yu laikim gutpela sindaun? Sapos yu laikim gutpela gavman? Sapos yu laikim gutpela lida? Yu mas vot.

I nogat wanpela lida inap go long palamen long laik bilong em yet. Nogat. Olgeta lida bai go long palamen long han mak yu makim long taim yu vot.

Ol Katolik Bisop bilong Papua Niugini na Solomon Ailan i askim olgeta pipel bilong PNG long yusim dispela wanpela na bikpela pawa yumi wan wan i gat long dispela 1997 ileksen long yusim gut. Yusim gut dispela rait. Yusim gut dispela pawa.

Skelim gut ol lida. Makim lida yu gat strongpela bilip bai i makim yu olsem gutpela lida long palamen. Dispela ileksen em i wanpela spesel ileksen long laik bilong yumi ol pipel long PNG. Nau em i 21 yia bihain long indipendens.

1997 ileksen, bai bringim gavman na kantri bilong yumi i go long yia 2002. Insait long ol dispela yia, PNG i ken bungim planti gutpela senis sapos yu vot long dispela yia na makim gutpela lida. Sapos yu no vot? O sapos yu votim lida nogut, yu noken komplem taim yumi bungim ol bikpela hevi long ol dispela yia i kam. Yusim dispela rait bilong yu nau. Na kisim ol narapela lain bilong yu krismas bilong ol i 18 na i go antap i go na vot. Maski long pulim lain i go long makim wantok, wan blut, o sapota bilong yu husat i nogat gutpela pasin. Lusim wantok sistem sapos dispela sistem bai bagarapim yu. Noken bilip long ol las minit kendidet husat i tok ol i bilip long God na i tok sapos ol i win bai ol i kamapim gutpela kristen pasin. Noken bilip long ol lida i baim vot. Noken bilip long ol lida i marit na laik bilong ol i nogut. Noken bilip long ol lida husat i nogat taim bilong ol arapela man. Noken bilip long ol kendidet, i nogat taim long yu "gras rut" man. Noken bilip long lida em i nogat taim long ol pipel bilong em. Noken bilip long ol lida ol i tingting long ol yet. Noken bilip long ol lida i no gat gutpela pasin long ples, komuniti na kantri.

Yusim pawa bilong yu wanpela taim bilong sevim yu yet long bihain taim. Yes vot nau na tumoro yu bai amamas.

Ol ileksen stori wantaim YAKAM KELO

Enny Moaitz traim Lae Open

...Ol saveman bai traим Nalau



ILEKSEN MOROBE

OLPELA primia na biknem meri long Morobe provins, Enny Moaitz bai salens long 1997 nesenel ileksen long Lae Open sit na traим siting memba Bart Philemon.

Enny Moaitz em olpela primia bilong Morobe provins bihain long Utula Samana i bin lusim sia bilong primia na go resis long nesenel ileksen. Enny Moaitz husat em wanpela meri husat i save opim maus long ol toktok na hevi bilong ol meri insait long provins na tu long kantri bai bungim bikpela salens bilong ol man. Tasol em i no nupela long dispela salens bikos em i bin winim salens bilong ol man pinis bipo na kamap provinsal memba na primia. Em i bin namba wan meri long kamap primia insait long Papua Niugini tu. Em i bin kisim bikpela namba ol i kolim, OBE long 1980 long han bilong Gavana Jenerel Sir Tore Lokoloko long wok bilong em long Gel Galds insait long Papua Niugini.

Wanpela biknem man tu long Lae siti em Dokta John Garap husat tu bai salens

long Lae Open sit. Em i siaman bilong Angau Haus Sik Bot. Dokta Garap i bin baim pinis nominesen fi bilong em wantaim Enny Moaitz na tu memba bilong Lae Bart Philemon.

Insait long Lae Open em 11-pela kendidet i nominet pinis. Tasol i gat luksave olsem sampela moa nominesen bai i kam yet long apim namba i go antap olsem 20 o moa.

Long rijenol sit, memba nau na Gavana bilong provins Jerry Nalau bai bungim bikpela salens bilong ol biknem na saveman bilong Morobe provins. Ol biknem man olsem Jonathan Soten husat em Dairekta bilong nupela rifom lo nau o Propinsal na Lokol Levlo Gavman sistem we i senisim olpela provinsal gavman sistem. Narapela bikman tu em olpela Ekting Jas bilong kot na biknem loya insait long kantri, Luther Wenge bai traим rijenol sit ya. Olpela memba bilong Bulolo Mathew Bendum tu bai traим rijenol sit na tu olpela provinsal memba na namba tu primia bilong Morobe provins

James Ibras bai traим tu rijenol sit. Mak olsem 7-pela kendidet i putim nem pinis long traим long rijenol sit. Tasol sampela moa nem bai i kam yet long tude.

Long Bulolo sit em wanpela meri tu bai traим strong bilong ol man. Meri ya em Helen Yatapsa Tukwand. Na em i putim nem pinis wantaim planti arapela kendidet bilong Bulolo Open sit. Olpela memba Samson Napo i putim nem pinis. I mas mak olsem 20 o moa bai salens long Bulolo sit egen-sim Samson Napo.

Long sit bilong Nawae 10-pela man i baim nominesen fi pinis tasol sampela lain bai i kam yet long baim nominesen fi bilong ol.

Morobe Provinsal Ilektoel Opisa Kala Rawali i tokaut olsem ol ilektoel olsem Kabwum na Menyama ol i no kisim yet ripot long nem na namba bilong ol kendidet husat i nominet pinis bikos long sampela hevi long rot bilong salim toktok o waris i go i kam long narapela. Tasol arapela ilektoel olsem Makam em mak olsem 5-

pela i nominet pinis na bai i gat moa i kam yet long tude, long Huon Galp Open em mak olsem 5-pela i nominet pinis, tasol buk i op yet inap apinun tude na moa nem inap kamap tude, Tewai Siagsi em memba Mao Zeming i nominet pinis. Na em bai salensim planti ol komyuniti lida na yut lida. Wankain tu long Finsafen, 8-pela man i baim nominesen pinis na ol i redi long salensim dispela sia bilong memba Yaip Ayini. Planti ol komyuniti lida na yut lida tu i sanap long dispela sia long dispela yia nesenel ileksen. Buk i no pas yet na moa nem inap kamap yet tude.

Mista Rawali i tok ol i lukluk long moa manmeri bai vot long dispela ileksen long 1997. Namba bilong ol manmeri bai abrusim namba bilong 1992 nesensel ileksen, em i tok.

Na mipela i ting bai ileksen insait long Morobe provins bai i ron isi tasol na bai ino gat hevi long en, Propinsal Ilektoel Opisa i tok.

Narokobi, Somare na Lus redi long resis

ILEKSEN SEPIK

OL TRIPELA lapun bilong Is Sepik provins Sir Michael Somare, Bernard Narokobi na Sir Pita Lus i stretim nominesen fi pinis na i redi long pait gen long sia bilong ol.

Sir Michael Somare bai traим salens bilong olpela primia bilong Is Sepik provins Jonathan Senge, husat em wanpela olpela man insait long provinsal asembli bilong Is Sepik provins.

I gat namba olsem 5-pela kendidet i stretim pinis nem bilong ol wantaim Ilektoel

Komisin Opis na i redi long statim kempen bilong ol long rijenol sit bilong Is Sepik. Tasol i gat luksave olsem sampela lain bai i kam yet long tude long stretim nominesen fi bilong ol. Olsem na namba bilong ol kendidet long Is Sepik rijenol inap go antap.

Long ilektoel bilong Wewak Open, Bernard Narokobi i nominet pinis. Arapela lain olsem Melchior Javin na Andrew Warasan bai traим Narokobi long Wewak Open wantaim arapela kendidet moa. Tripela lain tasol ya i nominet pinis

tasol arapela bai i kamap tude.

Long sia bilong Angoram Open, pikinini man bilong Sir Michael Somare Arthur Somare i nominet pinis. Na tu biknem publik sevans man Paul Bengo tu i baim nominesen pinis na i laik traим dispela sit. Memba John Jaminan i no bin baim nominesen fi inap long Tunde apinun. Narapela biknem publik sevans man tu em Gabriel Dusava bai traим dispela Angoram sit. I gat namba olsem 6-pela kendidet i bin nominet pinis long las wik Fonde i kam inap long aste.

Tasol long tude, i gat ripot olsem moa kendidet bai i kam nominet yet na apim namba bilong ol kendidet long Angoram sit i go antap long 10 o moa.

Long sait bilong Wasera Gawi em memba nau Paul Wanjik i redi pinis na i sambai long salensim husat nupela kendidet i laik traим em long dispela sit.

Long sit bilong Maprik em lapun Sir Pita Lus i redi pinis. Na em bai kisim salens i kam long ol yangpela olsem Daniel Dopi, Gabriel Kapris na Jim Gabriel Kauk 9-pela kendidet i nominet pinis.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 3252500
Feks namba: 3252579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



Bogenvil pipel i wari long marasin i sot

HELT atoriti long Buka i wari long marasin i sot long Bogenvil.

Dispela em ol marasin bilong daunim sik malaria olsem klorokwin, penisilin na kwinin sut marasin.

Long ol tok i kam long Buka, eria medikol saplai long Rabaul we i save tilim ol marasin bilong ol provins long Niugini Ailans i givim gutpela helpim wantaim marasin i go long Bogenvil bikos em i luk-save long hevi long provins.

Wanpela opisa long provin-

sal helt opis long Buka i tok ol i save kisim inap marasin long helpim ol sikman i slip long wod. Tasol ol marasin bilong givim long ol man i sik long olgeta de na kam long haus sik i sot long ol. Dipatmen i sot tu long ol marasin bilong daunim sik skin hot, hetpen na ol kain sik olsem. Dispela em long marasin olsem panadol, aspirin na disprin. Ol dispela marasin i save pinis kwiktaim bikos planti sikman husat i laikim ol i save kam long out-pesen dipatmen. Long olgeta

de, i gat namel long 60 na 70 pipel i kam long outpesens insait long haus sik, ol helt senta na edpos long provins bilong kisim marasin long sik malaria, hetpen, kus, skin hot na ol kain sik olsem.

Opisa ya i tok sot long ol marasin i wok long kamap olsem wanpela bikpela wari long provins. Moa hevi gen em planti taim ol marasin ya i no stap long weahaus bilong eria medikol saplai.

Provinsal helt opis i save mekim ol oda bilong marasin

wanpela taim long olgeta mun. Tasol long planti taim, stua i save sot long ol marasin we ol i laikim tru.

"Long sampela taim, stua i save sot long ol dispela marasin tupela o tripela mun samting", opisa i tok.

Em i sutim tok long gavman long dispela hevi.

"Mipela i stap tasol bikos mipela i wok long yusim ol mani bilong rikaren baset long baim ol marasin long Kemis long Mosbi", em i tok.

Bogenvil pipel lusim wanpela gutpela mama

OL MERI long Bogenvil i mas skruim skul na save bilong ol na stap insait long wok bilong stretim hevi long allan.

Dispela toktok i bin kam long olpela seketeri bilong dipatmen ov Bogenvil George Lessi long fiuneral lotu bilong wanpela biknem meri pablik sevan bilong Bogenvil husat i bin dai tupela wik i go pinis long Mosbi.

Dispela meri em leit Salome Silovo. Salome wantaim 42 krismas i bin dai long Epril 2 bihain long sik kensa bilong susu i kisim em. Em i lusim bihain man bilong em Ron na tupela pikinini, Raymond na Sasha Silovo.

Ol i bin karim bodi bilong leit Salome i go long Buka bilong planim em long asples bilong em long Malasang las wik. Fiuneral lotu em ol i bin holim long Malasang Katolik Sios, moa long 1,000 pipel i bin stap long en. Dispela em ol famili, haustain, ol pren na sinia pablik sevan long provins.

Mista Lessi i bin tok long planti taim, leit Salome i bin putim wok bilong em antap na famili bihain. Dispela i kamap long ples klia long taim em i mekim wok long traim daunim hevi long Bogenvil. Long dispela taim, em i wok olsem eksekutyutiv opisa wantaim Bogenvil Restoresens long opis bilong Minista Ogio long taim em i lukautim Bogenvil Afeas Ministri long 1994. Sampela taim dispela wok i bin kisim em i go long ol eria we i stap anit long lukaut bilong ol BRA, tasol em i no bin wari bikos em i laik helpim na daunim hevi na gutpela sindaun i ken kam bek long Bogenvil.

"Provins na kantri i lusim wanpela meri husat i givim em long wok na long planti taim lusim famili bilong em bihain long wokim wok bilong gavman. Nogat planti meri inap wokim olsem Salome", Mista Lessi i bin tok.


Deputi Provinsal Edministrativ Seketeri, Aaron Rigamu i bin makim Dipatmen bilong Bogenvil.

Em i tok leit Salome i wanpela meri husat i bin gat bikpela bilip long ol meri olsem ol i ken helpim long ol wok go het bilong kantri.

Em i bin stap insait long sampela Non Gavman Ogenaisesen (NGO) grup long Bogenvil husat i wok long traim daunim ol hevi na trabel long allan. Em i bin dairekta bilong Faundesens bilong Komunuti Divoelopmen, wanpela NGO grup long provins we i wok long helpim moa long 55,500 pipel insait long ol Bogenvil kea senta. Em bin tok bai i hat long painim narapela man/meri long kisim ples bilong Salome.

Leit Salome i bin wanpela Saiens greduet long Yunivesiti bilong Westen Sidni long Australia. Em i bin kisim Mastas digri bilong em long Sains. Leit salome i bin greduet tu wantaim diploma long Sistems Agrikalsa long Hawkesbury Yunivesiti long Australia.

Long Mosbi tu, leit Salome i bin mekim planti gutpela wok long komyuniti na sios, antap long ol arapela wok bilong em wantaim gavman na praiwet sekta.



CATHOLIC COMMISSION FOR JUSTICE, PEACE & DEVELOPMENT PO BOX 6576 BOROKO, NCD. PAPUA NEW GUINEA

1997 ILEKSEN AWENES

1. Dispela yia 1997 em bikpela yia tru bilong yumi olgeta long tingim kantri bilong yumi na bihain taim bilong em. Yumi inap nau long askim ol ovasis ejensi long helpim mipela wantaim mani bilong mekim baset bilong mipela. Wanem taim bai yumi stretim na daunim kos bilong ol samting long kantri?

2. PNG i mas gat kristen lida. Yumi mas i gat save-man, man bilong yusim het, man bilong was na i no gridiman long go pas long dispela gutpela kantri bilong yumi.

3. Yumi no ken votim man husat i save givim fri bia, mani, kaikai na karim yumi raun long naispe'a ka bilong ol long taim bilong ileksen kempen. Kain man olsem i no gutpela lida na i o inap kamap gutpela lida bilong kantri.

4. Yumi mas vot long man o meri yumi gat bilip long em bikos em bai holim sindaun bilong yumi wanwan, famili, komyuniti na kantri gut long bihain.

5. Sapos yumi makim ol lida husat i no gutpela i go long palamen, ol bai tingim ol yet long bisnis na amamas bilong ol yet, na sindaun bilong yumi long bihain bai bagarap.



• Ol wokmanmeri bilong Red Cross i karim ol kago na helpim i go long Bogenvil pipel.

Homburu kamapim spak na birua pasin long Bogenvil

TOK LUKAUT i go long ol pipel bilong Bogenvil long bagarap ol i ken kisim long dringim homburu o strongpela dring we ol yet i wokim long ples.

Ol i save wokim homburu wantaim ol mau sting frut olsem banana, painapel, faivkona, muli na ol arapela prut moa.

Dispela tok lukaut i kamap bihain long ol atoriti long provins wantaim ol meri, sios na ol arapela grup husat i wari long ol hevi insait long komyuniti, ol ples na ol provins long hevi we dispela samting i kamapim. Moa yet hevi long bagarapim gutpela sindaun insait long ples, komyuniti wantaim hevi bilong lo na oda i wok long go bikpela bihain long ol man i kisim homburu.

Pasin bilong kisim homburu long Bogenvil i kamapim pinis dai, bagarap na planti bilong ol i kisim marasin o slip long haus sik. I gat ol ka birua i kamap na ol man i dai na kisim bagarap bihain long ol i dringim homburu. Sampela man i pundaun na dai taim ol i stap antap long haigraun ol i kolim long klif, bihain long ol i spak longlong long homburu.

Taim Wantok i toktok long wanpela helt opisa long

Sohano haus sik, em i no bin gat rekot long ples klia long ol man i dai na sik bihain long hevi bilong dringim homburu tasol em i tok i tru long sampela man i dai pinis long dispela hevi.

Opisa i tok pasin bilong dringim homburu i save kamapim bikpela bagarap bikos em i gat bikpela alkohol strong na level (90 pesen) long em. Dispela mak i winim ol strongpela dring we ol i wokim long fektori. Homburu i save bagarapim lewa na rot bilong pispis, opisa i tok.

Em i tok inap nau, nogat man i kisim homburu i go long laborator bilong wokim tes long en na glasim strong bilong em. Na pasin we ol man i wok long dringim nating nating em i no gutpela.

Opisa i mekim strongpela singaut i go long ol atoriti long provins bilong putim strongpela lo long daunim dispela hevi.

Wanpela memba bilong pablik long Buka i tok i mas gat strongpela lo long daunim hevi bilong homburu long provins bikos planti man i wok long wokim, salim na dringim homburu. Na moa pipel i wok long dai bihain long dispela.



Primia Sinato mekim senis long ol memba

BOGENVIL Primia Gerard Sinato i wokim senis long ol kabinet memba bilong em taim em i makim tripela nupela ministra i go insait long asembli.

Em i mekim dispela senis insait long bung bilong Bogenvil Tremsisenel Gavman asembli we ol i bin holim long Buka las wik. Ol senis i kamap long kisim ples bilong sampela memba i bin risain long stap insait long resis bilong 1997 nesenele ileksen.

Ol nupela memba we ol i makim ol long dispela wik em long Thomas Koioro, memba bilong Siwai. Em i kisim wok olsem Minista bilong Distrik Sevis. Memba husat i makim ol yut long BTG Richard Lyons em ol i makim em long go pas long Ministri bilong Yut, Wimen, Welfea, Sios na ol NGO. Memba bilong Wakunai Joe Pais em ol i makim em long holim wok olsem nupela Minista bilong provinsal Woks.

Siaman bilong Telei Interim Atoriti Paul Aisa i save helpim primia wantaim wok bilong painim gutpela sindaun i kisim ful taim wok nau olsem man husat i lukautim 3R Bogenvil

program we gavman i go hetim long provins.

Agnes Titus memba husat i lukautim ol meri long Bogenvil na go pas long wok bilong lukautim ol yut, meri, sios, welfea na NGO. Agnes Titus i kisim wok nau olsem minista bilong Lokol Levlo Gavman.

Tupela ministia i bin lusim ministri bilong ol. Em ol long Not Is Interim Atoriti Siaman William Raovi husat i bin holim wok olsem Minista bilong Woks na Cyril Tivai memba bilong Sentrel Bogenvil husat i bin holim wok olsem Minista bilong Lokol Levlo Gavman.

Long taim primia i tokaut long ol senis ya long dispela wok Mande, Mista Sinato i bin tok as (long ol senis) em long skelim gutpela wok na hatwok we wan wan memba i putim. Sampela memba i risain na tu hevi i stap namel long ol grup we memba i makim ol long asembli.

Siaman bilong Sautwes Interim Atoriti na olpela Minista bilong Distrik Sevis Nick Peniai wantaim Terry Mose husat i makim ol sios i bin risain tripela wik i go pinis long resis long nesenele ileksen.

SANDLAIN RIPOT

Ol wok Gavman i mekim long Bogenvil

LOYA o Kwins Kaunsel, Mista Molloy i tokim Komisen ov Enkwairi long April 10 long Mosbi long sampela samting gavman bilong Sir Julius Chan i mekim taim em i kisim gavman long Ogas 30, 1994.

• Septemba 3, 1994, Sir Julius Chan i holim wanpela miting wantaim Sam Kauona long Honiara na paitim toktok bilong painim stretim rot bilong bringim bel isi na gutpela sindaun long Bogenvil.

• Septemba 8, 1994, ol i pasim tok na sainim pepa long stapim olgeta pait long Bogenvil.

• Septemba 27, 1994, ol ami, ol i kolim long Saut Pasifik Pis Kiping Fos i go long Bogenvil. As tingting bilong salim ol dispela ami i go long Bogenvil em bilong sambai bai i nogat pait long Bogenvil na larim ol plen bilong paitim toktok bilong sikan na kamapim bel isi long Bogenvil i kamap. Ol dispela ami i kam long Australia, Nu Silan, Tonga, Fiji, na Vanuatu.

• Oktoba 10 -14, 1994, i bin gat Bogenvil pis konfrens long Arawa. Long dispela miting Francis Ona na Sam Kauona i no kamap. Ol i bin askim ol long kam tu tasol tupela i no bin kam.

• Novemba 25, 1994, ol i sainim Mirigini Sata we ol i laikim long painim sampela rot bilong bringim bel isi na gutpela sindaun i go bek long Bogenvil.

• Mas 8, 1995, Gavman i kamapim Bogenvil Trensisinel Gavman (BTG).

• Epril 10, 1995, ol Bogenvil pipel i votim primia bilong BTG. As tingting bilong BTG bilong bungim ol BRA wantaim PNG Gavman na stretim hevi long Bogenvil.

• Me 18, 1995, Gavman i salim wanpela notis pepa ol i raitim long Waigani i go long ol niusman long tokaut olsem Gavman i redi long lusim rong ol lain i bin mekim insait long dispela pait long Bogenvil.

• Me 24, 1995, Gavman i tokaut long dispela.

• Jun 1995, Gavman i tokaut long amnesti, o i tok em i redi long lusim sin (rong) bilong ol lain i kamapim hevi long Bogenvil long sait bilong PNG ami na BRA.

• Ogas 3, 1995, insait long namba foa miting bilong stretim hevi long Bogenvil, ol i painim sampela gutpela tingting.

• Ogas 16, 1995, ol i holim miting long Honiara bilong stretim rekot bilong Honiara na bringim bel isi namel long PNG na Solomon Ailan.

• Septemba 9, 1995 toktok bilong bringim bel isi long Bogenvil i kamap long Kens Australia. Long dispela miting ol i no bin painim sampela rot bilong bringim bel isi na gutpela taim i go bek long Bogenvil.

Desemba 14-18, 1995, ol i holim gen narapela miting long Kens. Na insait long dispela miting ol i no painim sampela rot tu bilong stretim ol hevi long Bogenvil.

• Mas 7, 1996, Gavman i givim tok orait long ol PNG ami long go bek long Bogenvil na stapim ol BRA.

• Julai 1996, Gavman i salim ol PNG ami ol i kolim long Operesen Hai Spit tu i go long Bogenvil. Namel long dispela taim i kam inap long Mas 17, Gavman bilong Chan/Haiveta i wok long traim long painim sampela rot bilong stretim ol hevi long Bogenvil.


Singirok tokaut long trening bilong Spesel Fos Yunit (SFU)

Wenceslaus Magun
i raitim

INSAIT long Nesenel Kot long April 10 long Mosbi, olupela bos bilong ami, Mista Jerry Singirok i tokim Komisen olsem Spesel Fos Yunit (SFU) bilong PNG ami i gat 62 man. SFU i stat insait long wanpela yia tasol. Ol dispela SFU i stat kisim trening pinis, tasol ol bos i no makim tru husat bilong ol dispela lain ami bai stap insait long SFU inap trening bilong ol i pinis.

Mista Singirok i tok, insait long dispela 62 ami, 40 ami bai stap insait long pait ol patrol na 22 ami bai lukautim opis na saplai bilong ol. "Dispela SFU i stap long ripot bilong Desemba 1996," em i tok. Dispela ripot i tok tu olsem ol dispela ami i gat planti save long pait long bus long Bogenvil.

Em i go het na i tok, ol dispela ami i kisim pinis tes bilong joinim ol SFU na ol i kisim tu tripela wik kos bihain long dispela. Insait long ol dispela ami 20 bilong ol i kisim wanpela spesel trening bilong makim graun na wokim piksa o map bilong eria bilong pait. Gavman bilong Amerika i bin baim kos bilong dispela skul. Insait long



• Jerry Singirok.

dispela skul, ol dispela ami i lain long wokim piksa bilong wanem hap ol birua i stap long en na dispela bai helpim ol ami long go stret long ol dispela hap long pait.

Mista Singirok i tok, ol dispela ami i kisim tu ol kainkain arapela skul. Em i tok, em i wanbel long ripot Kwins Kaunsel, Mista Molloy i tokaut long Komisen, insait long pas bilong Disemba 1996.

"Yes ol FSU i wokim kainkain trening bilong strongim bodi

bilong ol. Ol i kisim skul tu bilong pait long wara na solwara. Ol i kisim skul bilong patrol o wokabout long bus. Ol i kisim skul bilong yusim ol liklik bot long pait. Ol i kisim skul bilong yusim ol mesin bilong pait. Ol i kisim skul bilong bihainim lek bilong ol birua i go na painim ol. Ol i kisim skul bilong bihainim oda long go patrol. Painim ol birua i husat i stap klostu insait long map. Painim ol birua na was gut long ol. Go insait long eria bilong ol birua na holim pasim ol o pait wantaim ol. Dispela patrol i gat faivpela man long wanpela tim. I gat wanpela komanda o bos. I gat wanpela ami ol i kolim 21C. I gat wanpela ami bilong salim signal. I gat wanpela ami dokta. Na i gat wanpela skaut. Olgeta dispela ami bai karim gan ol i kolim long SR88/M16a tupela boks bilong 33 katres na ol han bom o grened.

Mista Singirok i tok ol dispela SFU i no redi yet long go long Bogenvil olsem ol Sandline i laikim. Ol i mas kisim moa trening. Na i mas i gat moa man i joinim dispela SFU. Em i tok, ol ami bos i no inap suvim ol ami.

IRC laikim yet US\$400,000 bilong Spicer

RINSIPEL Advaising Opisa insait long Polisi na Ligel Afes seksen bilong Intenel Revenui Komisen (IRC), Mista Clement Taipala i askim Komisina Jas Andrew Warwick long kot, inap IRC i kisim US\$400,000 (dola) na rausim takis long en aninit long ol bilong Inkam Takis. Em i tokim Komisen tu olsem IRC i givim aut pinis notis i go long ol pipel ol i ting i holim mani long nem bilong Sandlines.

I kam inap tude, Mista Taipala i tok, IRC i no kisim bekim bilong dispela askim na ol i wet yet. Em i tokim Wantok tu olsem aninit long Kastom Ekt, i nogat lo i tambuim wanpela man long karim amas mani i kam insait long Papua Niugini (PNG). Tasol em i tok, aninit long dispela Ekt, IRC i gat lo i tok, husat man i laik go aut long PNG i mas karim amas mani bilong PNG o ol mani bilong ol arapela kantri.

Loya husat i makim Mista Tim Spicer, Mista Reeve, i askim Komisen tu inap Komisen i givim bek dispela mani long ol mausman bilong Sandline Mista Tim Spicer. Mista Spicer i bin karim dispela mani i kam insait long PNG mun Mas. Em i tokim Komisen olsem dispela mani em i bilong Mista Spicer, na Mista Spicer i gat olgeta rait long kisim bek dispela mani. Long Bekim dispela askim, Loya bilong Mista Singirok, Mista Peter Donigi i tokim Komisen pastaim olsem PNG ami i no moa holim na lukautim dispela mani. Em i tok olupela bos bilong ol ami Mista Singirok i no

moa holim dispela mani. Moa yet, em i tok sapos Komisen i painimaut olsem kontrak bilong Sandline i brukim mama lo bilong PNG, PNG Gavman i mas painim mani long bekim bek amas mani ol i yusim bilong baim ol praivat ami Sandlines. Em i tok i luk olsem i gat planti moa hevi i stap yet long kontrak bilong baim ol Sandlines. "Olsem na mi laik askim Komisen long holim pas dispela mani, inap Komisen i pinisim olgeta wok painimaut. Na sapos Komisen i no painim sampela asua long Sandline kontrak orait Komisen i ken givim bek dispela US\$400,000 long Mista Spicer," Mista Donigi i tok.

Komisina, Mista Warwick i tok, em i no inap bekim askim bilong Mista Reeve long tingting bilong Komisen long dispela taim. Tasol em i tok, em bai tokaut long dispela, sampela taim bihain long wanem samting Komisen laik wokim wantaim dispela mani.

"Lo bilong Difens oraitim PNG ami long helpim plis" Singirok

Olpela bos bilong ol ami, Mista Jerry Singirok i tokim Komisen long April 10 long Nesenel kot long Mosbi olsem, insait long mama lo bilong PNG, na seksen bilong Difens Ek, ol PNG ami i ken helpim ol plis, sapos Plis

Komisina i laikim ol long i go na helpim ol. Tasol em i tok, mama lo i no tok, i gat wanpela Praim Minista long PNG i ken yusim ol ami long laik bilong em bikos ol ami i stap aninit long em. Mista Singirok i tokaut long dispela long klaim tingting bilong Kwins Kaunsel, Mista Molloy.

Mista Singirok i go het na tokaut klia w a n e m taim tru ol ami i go helpim ol plis. "Bihainim oda i kam long namba tu praim minista, Mista Chris Haiveta, na i kam insait long opis bilong Plis Komisina, mi bin salim namba wan ami patrol bilong Spesel Fos Yunit (SFU) long go painim ol dispela 21 pipel long ples bilong Mista Haiveta long Kerema, husat i bin lus. Dispela patrol em namba wan bilong Mas 1997," Mista Singirok i tok. Em i tok, aninit long ol dispela kain operesen, bos bilong ol plis i bosim ol ami.

Mista Singirok i tok tu olsem, i tru Nesenel Eksekutiv Kaunsel (NEC) i bosim ol plis na ami we Praim Minista em i siaman. Moa yet, praim minista i siaman tu bilong Nesenel Sekyuriti Edvaisori Kaunsel (NSAC). Tasol, dispela i no min wanpela Praim Minista i ken yusim NEC

o NSAC long bihainim laik bilong em olsem em i laik wokim bilong bungim ol SFU wantaim ol plis olsem wanpela spesel sekuriti grup bilong lukautim em. "Mi pret kain pasin olsem i ken kamap olsem 'Palace Guard', o ol bodi gad bilong kwin long England," Mista Singirok i tokaut long Komisen.

Em i tok i tru, Sir Julius Chan i no tok klia long dispela. Tasol, mi bilip, em i gat kain tingting olsem, na i laikim NSAC long wokim dispela, taim em i raitim pas long Januari 7,

bihain long em i kam bek long Solomon Ailan na i askim long kamapim wanpela 'Rapid Reaction Force' (RRF). Dispela i min olsem, ol ami na plis bai bung na kamap wanpela fos.

"Taim dispel i kamap ol ami i no moa i stap aninit long Minista bilong Ami, na ol plis i no moa i stap aninit long Minista bilong Plis. Nogat. Sapos dispela tingting i go het na i karim kaikai, ol dispela RRF bai i kam aninit long Dipatmen bilong Praim Minista na ol bai ripot i go stret long Praim Minista na NEC," Mista Singirok i tok. "Taim Sir Chan i mekim olsem, mi na ol arapela bos bilong ami bai i nogat kontrol moa long dispela ami, SFU," em i tok.



TOKSAVE

ILEKTREL KOMISINA Reuben Kaiulo bai i mekim wanpela wokabout i go long Hailens rion wantaim Plis Komisina Bob Nenta na ekting Difens Fos Komanda Kenel Jack Tuat. Ol tripela bai glasim ol wok sekuriti bilong ileksen 97 long rion.

Ol bai stretim rot long Plis na Difens Fos bai lukautim ol wok bilong petrolium, ges na maining operesen long taim bilong ileksen.

Mista Kaiulo i bin tokaut long dispela samting long dispela wik Tunde, Epril 4. Mista Kaiulo tok ol kendidet na ol sapota bilong ol i noken mekim pasin nogut long bagarapim wok bilong ol petrolium, ges na maining senta.

"Ol dispela prosek i pulim bikpela mani i kam long kantri bilong yumi na wok bilong ol i mas go het gut long taim bilong ileksen," Mista Kaiulo i tok.

Mista Kaiulo i mekim dispela toktok long Ilektrik Komisen hetkot long Angau Senta, Boroko bihain long wanpela miting wantaim ol bikman bilong petrolium, main na ges kampani.

Chevron Niugini, wanpela bikpela ges kampani, i bin askim Mista Kaiulo, Mista Nenta na Kenel Tuat long tokim ol long wanem kain wok ol plis na difens bai mekim long taim bilong ileksen.

Dispela em namba tri taim ol bikman bilong ges, petrolium na maining kampani i bin miting wantaim Mista Kaiulo na ol bikman bilong Plis na Difens.

Mista Kaiulo tok em wantaim Mista Nenta na Kenel Tuat bai bung ken wantaim ol dispela bikman taim ol i pinisim wokabout bilong ol long Hailens.

Ol bai i go long Hailens long neks wik Fonde Epril 24.

Mista Kaiulo tok ol petrolium, ges na maining kampani i waribai gat trabel long Hailens rion long taim bilong ileksen 97.

Em i tok aninit long ileksen 97 sekuriti operesen, ol i brukim Hailens rion i go long tupela hap. Dispela bai helpim Plis na Difens Fos long mekim save long ol pipel husat i laik mekim trabel long ileksen.

Long olgeta Hailens provins, Lae na Mosbi bai i gat wanpela de tasol bilong vot. Dispela tu bai helpim ol Plis na Difens Fos long stapim trabel long dispela taim.

Long ol arapela hap bilong kantri, taim bilong vot bai inap long 15 de olgeta na bai i stat long Jun 14 na pinis long Jun 28.

Ol nominesen bai i pas tude, Fonde, Epril 17. Wok kempem i stat long las wik Fonde taim ol nominesen i stat na bai i pinis long Jun 13, wanpela de bipo long taim vot bai i stat.

Mista Kaiulo tok lo i stap olsem nogat wok kempem bai i go het long taim bilong vot na husat kendidet o sapota i brukim dispela lo bai i kamap long ai bilong kot.

Tu Minit Tingting

Ol Santu i husat?

Long wanpela de wanpela save-man i go visitim wanpela profet. Em i stori long profet olsem, "Asde long nait mi bin slip long haus bilong tupela naispela yangpela marit. Mi tok save long tupela long plen bilong mi bilong kam lukim yu. Na tupela i laik askim yu long pre bai God i ken salim sampela pikinini long tupela."

Profet i harim dispela tok na em i bekim olsem, "Sore, tasol ating God bai i no givim sampel pikinini long tupela."

Orait, bihain long 5-pela yia dispela saveman i kam lukim profet gen. Em i wokabout i go pas long haus bilong tupela marit ya, na em i lukim tupela naispela yangpela pikinini i ran nabaut na i pilai. Em i askim papapama, "Em tupela pikinini bilong husat?"

Na tupela i bekim tok, "Bilong mitupela."

Nau saveman ya i kirap nogut na papa bilong famili i tok save long em olsem, "Long taim yu bin visitim mipela samting olsem 5-pela yia bipo, yu bin lusim mipela na wanpela rabisman i bin kamap. Mipela i bin marimari long em na givim kaikai na bet long em. Orait, long taim em i laik lusim mitupela, dispela rabisman i bin blesim mi na meri bilong mi. Bihain long dispela na tupela pikinini i kamap."

Orait, nau saveman i kamap long haus bilong profet ya na i krosim em liklik na i tok, "Pastaim yu bin trikim mi na tok bai dispela tupela marit i no gat pikinini. Tasol nau tupela i gat tupela pikinini. Olsem wanem?"


Na profet i smail na i tokim saveman olsem: "I luk olsem wanpela santu i bin helpim tupela marit ya. Yu save, ol santu ol inap senisim ol plen bilong God yet."

Harim! Tude, nau tasol i gat sampela santu i stap namel long yumi. Tasol ol niusman na ripota i no save raitim stori bilong ol na putim long ol niuspepa. Nogat.

Ol santu ya, em ol husat? Santu em i man o meri i stap klostu na nabaut long yu. Yu lukim pasin na sindaun bilong em na yu ting, "Em i gutpela man o meri tru." I gat dispela kain gutpela pipel i wok wantaim yumi long olgeta de we yumi pilim ol i santu na i holi.

Ating wanpela pablik sevem em i wanpela holiiman tru. Inap long 20 yia samting em i bin kam olgeta de long wok. Oltaim em i save helpim ol manmeri i kamap long opis bilong em. Ating wanpela nes o odeli o doktaboi em i santu long wanem, long olgeta de na nait em i save lukautim ol sikman. Na em i no kaunim ol awa. Ating wanpela tisa em i santu long wanem, em i save wok na i no lukim klok. Ating wanpela mama em i santu, em i save taitim bun olgeta de long haus na gaden.

Ol i stori long lapun Bisop Leo i bin wok bus long hap bilong Sepik



FRANK MIHALIC i raitim

na long taim em i wokabout long rot, em i painim wanpela lain lapun meri i wokabout krungut long wanem, ol i karim ol hevi pela mekpas saksak. Em i lukim na i tok, "Sapos ol gutpela kain pipel olsem bai i no kamap long heven, bai mi no gat sans olgeta."

Sampela taim yumi save lukim ol pikinini i helpim papamama long ples na ol i save harim tok bilong ol tisa long skol. Na yumi save tok o ting olsem: "Em nau! Em wanpela gutpela boi o meri." Na i tru, yumi tok stret.

Na olsem profet long stori i bin tok: "Ol dispela kain holi na santu pipel ol inap senisim plen bilong God wantaim ol prea bilong ol. Bilong dispela na yumi save pre na askim ol. Bilong dispela na wan wan kantri i gat was- santu bilong lukautim em. Was-santu bilong PNG em i Santu Maikel. Em i wanpela spesel ensel i holim wok bilong God. Maria mama bilong Jisas em i was-santu bilong Australia na Amerika. Santu Bonifas i lukautim Jemani, na Santu Fransis i stiaim kantri Itali, na Santu Kasimir i lukautim kantri Polan. Olgeta kantri i gat was-santu bilong em.

Na tu kain kain wok i gat santu bilong makim. Santu Josep em i makim ol kamda. Santu Monika, mama bilong Santu Augusti, em i makim ol mama. Santu George e i makim ol polisman na soldia. Yangpela meri Santu Agnes i lukautim ol yangpela meri.

God na yumi tu i laikim ol gutpela holi pipel em yumi save kolim ol santu. Yumi wan wan yumi inap kamap santu sapos yumi taitim bun. Yumi mas sindaun gut. Yumi mas wokim gutpela wok. Em taim.

Sapos yu laik kisim sampela tok stia, yu lukim Matyu 5:3-11. God na yumi tu i laikim ol gutpela na holi pipel em ol santu tasol. Yumi tu inap kamap santu sapos yumi taitim bun long mekim gutpeal pasin. Yumi mas i stap gut. Na yumi mas i wok gut. Na yumi mas stadi gut. Em tasol-na yumi tu i kamap santu.

Lukim Matyu 5:3-11 na bai yu painim moa tok long kamap santu.

Vokesen Sande dispela Sande

BIKPELA toktok long hetman bilong Katolik Sios long wol, Pop John Paul 2 i laik mekim long Vokesen Sande em long pre strong long Bikpela bai i salim moa wokman i go long kari-maut wok bilong em.

As long yumi i mas pre em i bikpela samting moa yet, taim Jisas yet i bin tokim yumi long mekim.

Vokesen Sande em i dispela Sande we sios kalenda i putim long pre strong long moa yangpela man-meri bai i tingting long kamap olsem ol pater, bruder, sister, na ka:ekisbi-long go hetim strong wok bilong God long sios.

Asdaiosis bilong Mosbi bai i selebretim 34 yia Wol De bilong preia long Vokesen i stap nau long en

long Sande Epril 20. Long wankain taim tu, dispela de em i festede bilong Jisas Gutsep o gutpela wasman bilong sipsip.

Pater Emilio Soon husat i stap olsem Vokesen Dairekta bilong Asdaiosis na peris pris bilong Badili Katolik peris i bin redim sampela program bilong makim dispela de. sampela bilong ol em:

• Wanpela sios sevis long Sen Joseph's Katolik Sios long Boroko las Sarere bilong lonsim Vokesen Sande. Asdaiosis edministreta Pater Michael Igo bai i go pas long dispela sevis.

• Bilong stap wan wantaim sios long wol long bekim singaut bilong Kraus yet husat i bin singautim yumi

long prea long Bikman bilong Haves, ol i bin kisim hap tok ya," Pre i go long Lod bilong Haves" olsem hettok bilong Wol Preia De long dispela yia.

• Ol bai i karimaut ol toktok long vokesen i go long ol.skul na peris.

• Tanim ia i go long redio bilong harim ol intevyu long ol pater, ol sister, ol seminari lain na bruder long wok na laip bilong ol.

Long wankain tu opim ai long EM TV long lukim wanpela spesel program we i lukluk long vokesen, na

• Noken lus tingting long painim wanpela kopi bilong dispela niuspepa long lukim na save ol samting we bai i kamap long makim dispela bikpela de.

Nupela bos bilong ol Sister ov Sariti

... Mada Teresa i lusim



• Mada Teresa, lephan, wantaim nupela Superia General Sista Nirmala.

• Sister Nirmala em i nupela Mada supiria o bos bilong ol Sister long Misinaris ov Sariti long wol. Em i kisim ples bilong Mada Teresa.

Bihain long tupela mun bilong lotu na bikpela tingting, ol Sister bilong Misinari ov Sariti i bin makim wanpela Sister bilong India yet long kisim ples. Sister ya i wanpela Hindu tasol em i bin kamap wanpela Katolik na joinim ol Misinari ov Sariti. Mada Teresa i lapun na em i wok long sik planti na olsem ol i makim nupela sister long kisim ples na go hetim wok we Mada Teresa i bin kirapim moa long 50 yia i go pinis long Kalkata. Mada Teresa i bin wanpela yangpela sister taim em i lusim asples kantri bilong em, Albania bilong go mekim wok misinari long India. Ol misinari ya i wok long lukautim na mekim wok namel long ol trangu lain long Kalkata. I gat moa long 1,400 riljes sister na bruder i wok long 600 horns we ol i save lukautim ol trangu lain insait long 100 kantri long wol.

Nupela supiria, Sister Nirmala i bin holim wok olsem dairekta bilong spirituel wing, stat yet long 1979. Em i save go pas long dispela wok long planti ol horns long India, Yurop, Latin Amerika na Yunaitet Stets.

Sister Nirmala em i memba bilong haikas long India ol i kolim long Brahman. Em i bon long Bihar, ples we i gat planti trangu lain stret long India. Papa bilong em i bin wanpela ami opisa. Bihain long Sister Nirmala i pinisim kolis skol em i bin joinim Misinaris ov Sariti klostu long pinis bilong yia 1950.

Ol bisop askim pablik long stap belisi

OL KATOLIK bisop i askim strong pablik long stap wantaim bel isi bihain long ol hevi we i bin kamap long kantri tupela wik i go pinis.

Ol i autim dispela toktok insait long 10-pela de anuel jeneral konfrens we ol i holim i stap long Alexishafen konfrens senta insait long Madang provins. Twenti-wan bisop bilong PNG na Solomon Ailan i bin statim dispela bung bilong ol long Mande Epril 8 na pinis long Fonde, Epril 17.

Ol ripot i kam long ol bisop i tok sampela long ol bikpela samting we bung bai i lukluk na glasim em long hevi long Bogenvil, hevi long ol strongpela posin marasin (drugs), hevi long mani i sot bilong ranim ol wok long ol haus sik we sios i papa long ol na sampela bilong ol i pas pinis, sik nogut AIDS/HIV i wok long go bikpela long kantri na nesanel jeneral ilek-sens we i no stap long-we tumas nau bikos long mun Jun em bai ileksen taim.

Long olgeta yia, ol bisop i save sindaun na glasim ol bikpela samting we i karamapim sios, ol pipel na kantri. Wankain samting i save kamap long samting olsem 110 Katolik Bisops Konfrens long olgeta hap bilong wol.

Long dispela bung, ol bisop i bin stat wantaim ol ripot bilong ol stetmen we ol lei o ol man nating husat i wok long ol komisen i kam aninit long Bisops konfrens. Dispela em ol komisen olsem jastis na pis, komyunikesen, lites, edukesen, famili laip na Baibel apostulet. Insait long bung, ol bisop i save glasim ol ripot we bihain long en ol i save redim ol stetmen bilong putim wantaim olsem wanpela ful ripot.

Ol bisop i bin tok strong olsem i gat nid long ol pipel i stap wantaim bel isi bihain long ol hevi we kantri i bin bungim long tupela wik i go pinis.

"Glasim tingting long mining bilong Ista Aleluia"

Sister Ausilia Loresto Esp i raitim

"Dispela em de God i mekim na olsem yumi i mas amamas, Aleluia."

Ol tingting bilong yumi long dispela laip we yumi gat long en nau i mas tanim i go long presim o apim nem bilong God. Dispela em bikos taim yumi apim nem bilong God bai yumi amamas long laip bai yumi kisim long bihain taim. Nogat man inap long redim em yet long narapela laip inap long em i trenim em yet nau.

Yumi apim nem bilong Bikpela long laip bilong yumi long graun na long wankain taim tu, yumi askim em long wanem samting yumi laikim long em.

Yumi preisim God wantaim pasin amamas na ol askim wantaim bikpela tingting olsem em bai i harim singaut bilong yumi. Bikpela i tok promis long yumi long ol samting we yumi no lukim yet tasol yumi save olsem Kraus husat i mekim dispela promis bai i no lus tingting long tok bilong em na yumi i amamas.

Moabeta yumi i no lusim tingting long samting we Bikpela i promisim yumi long en inap yumi kisim.

I gat tupela hap long taim, wanpela em nau. Dispela em laip yumi stap long en nau we i gat taim bilong ol trabel na traim. Na narapela laip bai i kamap bihain we em i laip bilong stap amamas wantaim ol angelo na santu long presim Bikpela. Bilong skelim ol dispela taim

sios i brukim litejikel sisen long 2-pela hap. Wanpela em taim bipo long ista na narapela em taim bihain long ista.

Orait, taim bipo long ista i makim ol taim yumi stap long en nau wantaim ol hevi bilong dispela graun. Na taim bihain long ista we yumi wok long stap long en long dispela taim i makim ol taim bilong amamas we bai yumi i bungim long narapela laip bilong yumi long bihain taim.

Wanem samting i kamap long yumi bipo long ista taim em ol samting we yumi bungim long dispela laip bilong yumi nau. Na ol samting i kamap bihain long ista i poin i go long promis na ol arapela samting we yumi no kisim yet. Dispela em as long pasin we yumi save mekim long hapim kaikai na preia bipo

long ista. Bikos ista i pinis yumi i mas givim biknem i go long God antap. Dispela em mining bilong "Aleluia" we yumi save singsing long en.


Pasin we Jisas i bin karim pen em yumi i mas lukim olsem tok piksa long laip bilong yumi taim ol hevi i kamap. Em i soim olsem yumi bai i karim pen long laip bilong yumi na dai. Pasin we Jisas i bin kirap bek gen i soim yumi olsem em dispela laip we bai yumi kisim long bihain taim.

Orait, long dispela taim yumi mas givim biknem long God, i no long maus tasol long tingting na laik bilong yumi. Yumi save givim biknem long God taim yumi bung wantaim long sios. Taim tasol yumi wokim sin em yumi stap long apim nem bilong God.

Votim man i save kaikai buai

**OPIM
AI**

wantaim
JOE KAU



OLOMAN! Olgeta man-meri i laik sanap resis long ileksen. I mas gat sampela switpela samting i stap long palamen na ol i laik go long hap. Olsem wanem? Yu no inap wokim gutpela samting taim yu stap ausait long palamen?

Olgeta i tok ol i laik helpim ol asples. Olgeta i tok ol bai daunim ol hevi i stap nau long kantri. Mi no ting dispela em i astingting bilong ol long resis long go insait long palamen. Ol samting i kamap bipo i soim olsem namel long taim ol i win na taim ol kamap long palamen haus ol i lus tingting long ol gutpela toktok ol i mekim na lus tingting long ol asples.

I gat bikpela askim. Yumi laikim wanem kain man o meri i mas makim yumi long palamen?

Mi yet, bai mi makim

husat man o meri i stap longpela taim wantaim mi long setlemen o long ples. Dispela man o meri i mas save long kaikai rais na tinpis

o kaukau na saksak. Em i mas save long tok pisin, tok Motu na tok ples. Ol pikinini bilong em i mas skul wantaim ol pikinini bilong mi long ol skul i stap long ples mipela stap long en. Na taim em wanpela famili memba bilong em i sik, em bai joinim lain wantaim mipela long wanem edpos o klinik i stap klostu long ples mipela stap long en long kisim marasin. Na bikpela samting, dispela man o meri i mas laik long kaikai buai.

I bin gat sampela kendidet husat i winim dispela; man husat bin sanap long las ileksen na mi bin sapotim na vot long ol. Tasol ol dispela lain mi vot long ol i no win. Na husat i bin win? Em ol lain husat i bin gat planti mani long baim ol vot. Em ol lain husat i bin baim planti katen bia wantaim

kaikai na givim long ol pipel long taim bilong ileksen. Em ol lain husat i bin tok olsem ol bai kamapim ol gutpela samting taim ol i go insait long palamen.

Yes. Ol dispela lain i go insait long palamen. Bihain long 5-pela yia kantri bilong mipela i stap we? Ol i salim kantri bilong mipela i go long Wol Beng. Ol i salim kantri bilong mipela i go long ol maining na ol timba kampani. Ol i salim kantri bilong mipela i go

long ol ovasis lain. Na mipela ol asples, ol i lus tingting olgeta long mipela.

Dispela ileksen mi no ting bai senis. Planti pati i autim ol gutpela polisi. Tasol i no wanpela i tokaut wanem gutpela samting ol i bin wokim bipo long taim ol i stap long palamen long helpim ol asples.

Mi laik tokaut tu long mak bilong planti lain husat i stap nau long palamen. Bipo ol i save werim sais 32 trausis. Nau ol i putim sais 40

trasis. Ol i gat haus bilong ol long Mosbi. Mi harim olsem sampela i gat ol haus i stap long Australia tu. Ol i lus tingting long tokples pinis. Ol pikinini bilong ol i skul long Australia. Taim ol i sik oligo long praivet dokta o long haus sik long Australia. Sampela i gat namba tu meri. Ol i no save wanem samting em ol PMV bas. Na planti bilong ol i no save kaikai buai.

Yumi noken pundaun long switpela toktok

bilong ol kendidet olsem ol bai helpim mipela long taim ol i go insait. Yumi noken pulapim bel bilong mipela long bia na kaikai bilong ol dispela lain. Nogut bai yumi nekdrai na hangre narapela 5-pela yia moa.

Ol bikman bilong ami i tokaut pinis olsem ol soldia i no inap mekim-save nating long ol arapela manmeri long Mosbi. Ol i tok olsem, wanem belhat bilong ol soldia ol i lusim nau

long han bilong wok painimaut em jas Andrew i go pas long en.

Tasol las wik mipela harim olsem ol oldia i singaut gen olsem Sir Julius i mas resain. Mi no ting dispela ripot i tru. Mi ting olsem smapela lain husait i no soldia i laik yusim nem bilong ol soldia long apim nem bilong ol yet. Mipela noken larim ol dispela lain long bagarapim gutpela wok ol soldia i mekim i kam inap nau.

PMV GOLD CARD

Your Passport to Saving Money!

**25%
OFF!**



EVERY PMV DRIVER IS ENTITLED TO A PMV GOLD CARD. YOUR NUMBERED GOLD CARD ALLOWS YOU A 25% DISCOUNT OFF THE RETAIL PRICE EVERY TIME YOU BUY FROM ZORBA PARTS, TOBA SPARES OR NEW GUINEA MOTORS GENUINE SPARES.

OTHER BENEFITS INCLUDE:

- SPECIAL DEALS
- GIVE AWAY PRIZES
- EXPRESS SERVICE
- MONTHLY NEWSLETTERS

CALL INTO ZORBA PARTS, TOBA OR NEW GUINEA MOTORS GENUINE SPARES IN PORT MORESBY TO COLLECT YOUR CARD!

**NEW GUINEA
MOTORS**

**TOBA
MOTORS**

**ZORBA
PARTS**

STEADSHIPS AUTOMOTIVE

**MANAGER: MARK HORSTMAN
TOBA/NGM SPARES
PH: 321 3489
FAX: 320 0648**

**MANAGER: MARK WOOD
ZORBA, GORDONS
PH: 325 3588
FAX: 325 3771**

Senis long lotu na man i kam tude

BAI i nogat pis o beisi insait long Wol, sapos nogat wanbel na belisi namel long ol kinkain lotu na bilip. Na bai nogat pis namel long ol lotu, sapos nogat gutpela bel na toktok namel long ol lotu.

**GLASIM LEWA
na
TINGTING**
wantaim
**Eddie
Saunders**



(tok inglis ol tok: No world Peace without religous peace; no religous peace with religious dialogue.) Dispela em hap tok bilong Hans Kung, wanpela saveman bilong ol lotu na ol woa insait long wol. Em mekim dispela toktok insait long wanpela buk i glasim ol senis o developmen i kamap insait long wol. Nem bilong buk em-Global Trends. I gat moa long 30 woa insait long wol i kirpa long as bilong pait long lotu na bilip.

Sampela yumi save em pait namel long ol kantri ya, Kantri Israel na Palestina, em ol Ju na Muslem i pait, na i stat long yia 1968, Noten Ailan, Katolik na Protesten, i stat long yia 1969, Filipin, Muslem na Kristen, stat long 1970, kantri Banglades, ol Budis na Kristen, stat long 1973.

Na woa i stat las em long yia 1992, namel long Muslem na Kristen long kantri Tajikistan. Na galf woa long Midel Is, yumi save long nem bilong Sadam Huain i lotu woa tu, sapos yumi glasim gut bai yumi save. Na i gat moa mi no raitim. Bai mi glasim long ol wok i kam. Na dispela riliges o lotu woa i kam insait na kaikaim na sigirapim gutpela bel na tingting bilong yumi, Papua Niugini nau. Yumi mas lukaut long dispela, na abrusim. Em tingting bilong narapela man, i laik bagarapim sindaun na laip bilong yumi. God i givim yumi tingting jna save long glasim na luksave long em. Long taim bilong ol lotu i stat dispela woa tu i stat.

Pait ya i stap long nem bilong lotu. Wanpela lotu i tok mi trupela lotu na arapela i strong, olsem ol trupela lotu. Na husait em i trupela lotu long dispela graun? Ol pipel paul nambaut. Na mekim ol ron i go i kam olsem ai pasman i no save long rot, na painim God na lotu. Dispela pait o tingting wini na bagarapim lewa na tingting na bringim bel hevi long yumi ol gutpela manmeri bilong God. Dispela em i tru tok. Muslim i tok kristen i no tru. Na kristian i tok ol muslim i save traim long bagarapim bel isi bilong God insait long man. Na ol Muslim yet tu bruk bruk na sutim tok i go kam namel long ol yet. Na ol kristen tu i winim tru Muslim long lotu bruk bruk pasin na pait.

Lahir kisim Metal Rifaining Operesen

METALS Rifaining Operesens (MRO) kampani bilong Mosbi na Rothschild Australia Limited (RAL) bilong Australia i winim kontrak wantaim Lahir Gol kampani long lukautim ol wok bilong gol rifaineri inap long pinis bilong 1998.

Rotschild i stap insait long benking na gol treding bisnis taim MRO i stap insait long bisnis bilong metal rifaineri o glasim gut ol minerel olsem ol metal.

Kontrak em tripela kampani ya i bin sainim long las wik bilong karamapim ol samting olsem

glasim ol metal, skelim na go pas long wok bilong gol rum long Lahir. Dispela ol wok em MRO bai i go pas long en olsem i stap aninit long kontrak.

Orait, wok bilong glasim ol metal na gol samting taim i stap aninit long lukaut bilong RAL em bai MRO long Mosbi na narapela ausait kampani we Rotschilds i poroman gut wantaim bai i skelim.

Long dispela yia, Lahir Gol kampani i tingting long kamapim 175,000 auns hevi gol. Long neks yia, 1998, kampani i lukluk long winim dispela mak

wantaim 550,000 auns hevi. Sapos gol main ya i kamap long ful prodaksen taim bilong em, em bai i stap insait long 15-pela top lista kantri long wol bilong kamapim gol.

Dairekta bilong Lahir Gol Andrew Vickerman i tok kampani bilong em i gat wok bilong lukim olsem em i kisim ol PNG kampani yet long karimaut ol wok long Lahir na olsem em i amamas long kirapim wok bisnis wantaim MRO na Rotschilds.

Manesing dairekta bilong MRO Tom Hunter na Mista Vickerman i bin tok wok we

MRO i mekim long sekim na glasim ol minerel long hap bilong main long Lahir yet bai i mekim isi ol lojistik, pepa wok na ol arapela wok moa long ol maina na rifaina. MRO i tok amamas tu long winim dispela bisnis kontrak bikos i bin gat sampela ausait kampani tu husat i bin stap insait long resis bilong kisim kontrak ya. Dispela i soim tu olsem i gat bilip long wok we MRO i mekim.

MRO i gat planti lokol pipel i wok long en. Na tu em i wok long Misima Mains insait long Milen Be provins. Dispela em

tupela long ol as we em i winim kontrak. Rothschild i bin wok long sait bilong siping na minerel rifaineri insait long 12-pela krismas.

Long saining bilong kontrak pepa las wik, Lahir Gol i bin kisim tupela bikpela poto bilong Lahir Allan wantaim narapela i gat Lahir opis long Mosbi olsem presen bilong en. MRO bai i kisim ol pipel bilong Lahir yet long ol wok bilong karimaut tes na glasim ol menerel samting, wankain tasol olsem ol i mekim long Misima main.

Wok agrikalsa na bisnis long PNG pulim mani

WOKMANI o ikonomi bilong Papua Niugini i bin groa long las yia, winim mak bilong 1995.

Na mak we ikonomi i bin groa long en em long 1.0 pesen mak bihain long 1995 we ikonomi i bin go daun long 2.9 pesen.

Gavana bilong beng ov PNG, Koiari Tarata i bin tokaut long dispela samting las Fraide insait long las kwotali ripot we beng i redim bilong karamapim laspela trpela mun ikam inap long Desemba las yia (1966).

Mista Tarata i bin tok as long ikonomi bilong kantri i go antap gen em long strongpela wok long agrikalsa sekta we i pulim moa mani i kam insait long kantri. Wankain tu long konstraksen, komes na manufeksaring sekta.

Taim ol dispela samting i wok long kamap, emploimen sekta tu i bin go antap long mak bilong wok i stap long ol man long kisim. Long mun Septemba las yia, mak i bin go antap long 8 pe sen winim mak bilong 1995. I bin gat tu 18 pesen go antap long velu bilong ol jenerel impot o ol samting we i save kam insait long kantri, ripot i tok.

Long sait bilong agrikalsa i bin gat gutpela wok kamap long olgeta agrikalsa prodak las yia. Dispela em long kakau, kopra, kopi na ol arapela moa diwai krop olsem we PNG i save groim long salim na pulim mani long en. As long agrikalsa sekta i kamap gut na winim ol arapela eria long pulim mani bilong kantri em bikos stat long namel bilong 1994, prais bilong ol dispela samting i go antap, ripot i tok.

Konstraksen sekta we i karamapim ol wok long bildim ol haus, rot, bris, ples balus na ol nupela bikpela prosek i bin go antap na dispela i as long ol bikpela prosek we gavman na intenesenel ejensi i fandim long kirapim. Na tu ol wok divelopmen o wok go het long Lahir Gol prosek long Nu Ailan provins. Ripot i tok ol ol wok go het long ol dispela eria na agrikalsa sekta i bin stapim ol wok go daun long maining sekta.

Inflesen levul (o hevi taim prais bilong ol samting i go antap na ol man i tromoi bikpela mani na i no long planti samting) i bin go daun long 1966 bikos gavman i bin putim strongpela polisi o lo long pasin bilong yusim pablik mani insait long laspela tupela yia. Narapela samting tu em veliu bilong PNG Kina i bin stap gut long 1966 na i no stap daun long ol mani mak bilong ol arapela kantri. Ol dispela gutpela divelopmen i mekim na Sentrel beng i bin inap long slekim tait polisi wantaim mani long las yia.

Ripot i bin autim olsem inflesen levul long kantri i bin go daun 11.6 pesen mak long las yia na dispela i bin go daun long 5.7 pesen long mak bilong 1995 we i bin stap long 17.3 pesen.

Bikos prais bilong ol minerel prais i bin go antap long wol maket, dispela i bin apim mak bilong ol samting we kantri i salim i go ausait wantaim 5.7 pe sen mak long 1966.

Mista Tarata i tok long 1966 kantri i bin kamapim K432 milien moa mani we i go antap long K188 milien winim mak bilong 1995 we i bin stap long K244 milien. Ripot i tok dispela em rekot moa mani we kantri i kamapim insait long las 7-pela yia.

As long kantri i bin mekim moa mani em kanri i bin pulim i kam long ol arapela kantri taim gavman i salim ol sea bilong Orogen flout. Narapela as tu em long ol mani i stap long ol akaun ovasis na maining sekta i bin rausim bilong peim ol konstraksen wok, moa long Lahir Gol main.

Ripot i autim total revenyu o mani we kantri i kamapim long 1966 olsem K1,897.7 milien. Dispela em i 10.2 pesen moa long mak bilong 1995. Mani we kantri i mekim long sait bilong takis long 1966 em long K1,526.3 milien. Dispela i K319.1 milien moa long ol risit we teks dipatmen i bin bungim long 1995. Takis we ol i bin kisim long pe bilong ol man, ol kampani na ol arapela dairek takis i bin rekotim bikpela hap long dispela mak.

Mista Tarata i bin tok mani mak long mani we gavman i tromoim long 1966 i bin nap long K1,860.7 milien na dispela em i 6 pe sen i go antap winim mak long 1995.

Rikaren baset bilong 1966 i soim olsem mak i stap K 1,607.8 milien. Long dispela ol nesene dipatmen i bin tromoi moa mani wantaim mak i stap long K720.6 milien taim ol provinsal dipatmen i sanap long K521.8 pesen. Mak bilong ol nesene dipatmen i bin stap antap bikos long ol bikpela prosek olsem wok divelopmen bilong Jacksons ples balus na Bereina/Malalaua haiwe prosek.



APPLIANCE

Sell Out!



K93 • Gas Light complete with Pole and Full Cylinder of Gas

• Gas Light and Pole only **K52.65**

BORAL GAS



The quick **SAFE**
clean natural energy
saver **for PNG**



K930
• 180 Ltr Chest Freezer



giving you time
BACK to enjoy
the good **LIFE**



K1,162
• 230 Ltr Chest Freezer

BORAL GAS OUTLETS

PORT MORESBY	PH: 321 4248
LAE	PH: 472 3177
RABAU	PH: 982 1177
WEWAK	PH: 856 2125
MADANG	PH: 852 1341
KIMBE	PH: 983 4117
KBSA Hardware	
Mt HAGEN	PH: 545 1216
Highlands Gas	



• 2 Burner Cast Iron Stove with Regulator and Hose **K46**



Japan i givim moa komputa long CGTHS

WENCESLAUS MAGUN i raitim

Japan i givim 40 komputa kos bilong ol olsem K114,000 aninit long Grent Asistens Program bilong Grasruts Projek long Karitas Teknikel Hai Skul bilong ol meri, long Mosbi, long Epril 10. Dispela bai makim namba foa taim Japan i helpim CGTHS.

Long taim bilong givim ol dispela komputa, Embasada bilong Japan long Papua Niugini, Mista Yasuhide Hayashi i tok em i amamas tru long lukim ol 9-pela sista bilong Ripablik ov Korea, wantaim bos bilong ol Sista Stella An i ronim CGTHS.

Em i tok, ol dispela lain sista i save givim olgeta laik, tingting, na bel bilong ol bilong mekim wok. Mista Hayashi i tok, ol i gat pasin bilong laikim ol arapela, tok tru, rispektim ol arapela na bel na tingting bilong ol i klin na i klia long mekim ol gutpela wok. Mista Hayashi i tok, dispela em sampela bilong planti ol gutpela pasin ol dispela lain sista i gat we em i painim aut.

Long ol sumatin bilong CGTHS, em tokim ol olsem, ol i laki tru long kam kisim skul long CGTHS. "Yupela i ken lainim sampela gutpela pasin long laip bilong ol man long dispela ol lain sista," Mista Hayashi i tok. "Plis yusim gut dispela taim yupela i kam skul na traim long kisim planti save," em i go het na tok.

"Mipela i kam na givim ol dispela komputa nau long wanem, mipela i painim aut olsem CGTHS i nogat inap komputa. Dispela i mekim hat long yupela ol sumatin long stadi. Mipela i ting dispela ol komputa bai helpim yupela long stadi," Mista Hayashi i tok. Em i tok tude, yumi mas save long yusim komputa sapos yumi

laik mekim gut wok. "Maski long wanem ples na taim yumi stap, komputa bai helpim yumi tru long ol wok bilong yumi," Mista Hayashi i tok.

Sista An i givim bikpela tok tenkyu long gavman bilong Japan long Mista Hayashi. Em i tok, long Mas 1996, Japan i helpim CGTHS wantaim samting olsem US\$100,000 bilong wokim wanpela klasrum. Na long Januari 1997, Japan i helpim ol gen long 40 komputa long samting olsem US\$83,000.

"Mipela i kam na givim ol dispela komputa nau long wanem, mipela i painim aut olsem CGTHS i nogat inap komputa. Dispela i mekim hat long yupela ol sumatin long stadi. Mipela i ting dispela ol komputa bai helpim yupela long stadi," -Hayashi

"Japan i givim mipela tu wanpela tisa, Mista Hiroshi Sugino wanpela man i kam aninit long JICA program. Na tude bai mipela i witness narapela bilong ol bikpela helpim Japan i wok long givim mipela hia long CGTHS," Sista An i tok.

Insait long dispela seremoni, ol gred 8 sumatin i amamasim Mista Hayashi na ol lain bilong em wantaim sampela naispela singsing tumbuna i kam long Milen Be provins. Sampela ol gred 9 meri tu i sekim ol yet, wantaim ol stail danis bilong ol waitman.


• Japan Embasada. Mista Yasuhide Hayashi i givim wanpela bilong ol komputa i go long bos meri bilong CGTHS. Sista Stella An long Epril 10.



Lukluk insait long ken Sprite, sapos yu lukim nem **BALL** yu **WINIM** wanpela Basketball. Sapos yu lukim nem **DRINK** yu **WINIM** wanpela ken **SPRITE**.

Kisim ken drin bilong yu long stoa we yu baim drin. Kisim bal bilong yu long **COCA-COLA** depot klostu long yu.

Olgeta prais mas igo long namol long nau na 27th dol long mun June, 1997



PNG LAIPSTAIL



• Kanage sindaun mauswara wantaim ol bikman long ples na i no luksave olsem tupela wil bilong em i slek na hangamap i kam daun. Em stori i go na pilim olsem kol win i kisim em stret long bun. Em lukluk i go daun na luksave olsem em soim bikpela piksa pinis. Em nau em giaman paulim wanpela tok. "Hei yupela ol pipel harim pastaim, ai bilong yumi olgeta manmeri i save stap long senta bilong antap na tambolo. Olsem na yumi save lukluk go fowet na wokbaut stret long namel bilong antap na tambolo. Sapos ai bilong yumi i stap stret antap long het bilong yumi, bai ai bilong yumi olgeta taim i lukluk long san na skai. Na yumi tu bai wokabaut i go antap long san na skai". Taim olgeta bikman i laik traim tanim ai bilong ol i go antap long skai, baga nogut i stretim lek na jekim tupela slek taia bilong em i go bek insait long trausis.

Bro Kanage, Wewak

• Kanage em komiti bilong ples. Long ples bilong em i gat wanpela klinik i stap. Wanpela taim ol nes na dokta bilong Marpi haus sik i bin go long ples bilong em long lukim nupela klinik ya. Ol nes na dokta i go kamap na olgeta manmeri long ples i kam bung long givim wari bilong ol.

Ol pipel i givim wari bilong ol pinis orait komiti Kanage kirap na tok olsem, "yes mi laik kamapim wanpela wari bilong mi yet. Em nau wari bilong em olsem, mi stap long ples kol na mi laikim wanpela frisa bilong putim marasin". Komiti Kanage i tok olsem na dokta kirap na askim, "komiti Kanage, yu laikim frisa bilong putim wanem kain marasin?". Na Kanage tok, "dokta ol setpela marasin i gat yelopela het na grinpela flak bilong em raunim bodi bilong em". Ol dokta na nes i no wanbel tru long dispela toktok bilong Kanage

Rodsen Manuel, Maprik

• Kanage raun long Maprik maket long Sarere na bungim wanpela yangpela meri Dagua i sindaun salim pis long maket i stap. Kanage i go na askim em, "hei susa, amas long pis bilong yu na yu?". Meri Dagua harim na het i go daun na em lap isi long em yet. Kanage sanap wetim ansa tasol nogat bekim. Meri Dagua lap yet. Em nau Kanage kirap gen na pinisim tok olsem, "maski long pis, mi ken baim yu na lap bilong yu tasol".

Ronze Galldux, Marpi

• Kanage salim kaukau long Mendi maket. Wanpela waitman i wok long baim ol kaikai i kam na Kanage i luk stil long em pinis. Olsem na Kanage i kirap na singaut, "10 toea long kaukau, 10 toea long kaukau". Em wok long singaut singaut i go i go inap waitman ya i kam klostu long em. Em nau Kanage i amamas moa yet na singaut strong. Taim waitman ya i harim em lukluk stret long Kanage na tokim em, "Yu singaut strong long wanem? Olgeta manmeri i gat ai long lukluk na baim". Kanage kirap na bekim, "em wiken tu ya na ai bilong planti manmeri i no sut tumas long kaikai bilong bodi. Ai bilong ol i antap antap tumas na sut long kaikai bilong filings tasol". Waitman ya i paul tru long mining bilong toktok bilong Kanage na em lus nating long maket.

Lwi Memei Pangil, Mendi

WENCESLAUS MAGUN i raitim

"Baksait long olgeta man husat i sindaun gut, kisim biknem, gutpela wok na amamas, i gat ol meri i stap." Dispela em wanpela tok bokis na i min olsem ol meri i stap na yumi ol man i stap. Tasol planti taim, long laip bilong yumi ol man, yumi no ting dispela tok i tru. O sapos wanpela man i mekim dispela kain tok, wantu bai yumi pasim ia bilong harim em o tokim dispela man long pasim maus.

Nogat wanpela bilong yumi bai tok olsem em i kamap long hul bilong ston o diwai. Ol mama bilong yumi i bin karim bikpela pen long karim yumi. Na ating em i moa beta, yumi respekim ol meri. I gat planti man i luksave long dispela na tru tumas, ol i save mekim gut long ol meri. I tru yu no inap long painim planti kain ol man olsem. Wanpela bilong ol dispela kain man em Akbisop bilong Pot Mosbi Akdaiois, Sir Peter Kuronku, husat i dai long las yia. Akbisop Sir Kuronku, taim em i stap laip yet, em i save laikim ol man i nogat namba long sosaiti. Em i man bilong laikim ol lain i stap long ol skwata setelmen. Em i save laikim ol yut. Em i save laikim tu ol liklik pikinini na ol meri. Long laip bilong em, oltaim em i save painim kainkain rot bilong helpim ol dispela lain, sosaiti i givim baksait na i lus tingting long ol.

Wanpela han mak Sir Kuronku i wokim bipo long em i dai, em bilong askim ol Karitas Sista, insait Roman Katolik sios long kam long Mosbi na opim Karitas Teknikel Hai Skul (CGTHS), bilong skulim ol yangpela meri long samap, kuk, taip, yusim komputa na kisim save bilong gred seven, i go inap long gred ten.

Taim mi askim bosmeri bilong CGTHS Sr. Stella bilong wanem as tru na Akbisop Sir Kuronku i singautim ol lain bilong em long kam na kirapim CGTHS em i tok: "As ting-

ing bilong Akbisop Sir Kuronku bilong singautim mipela i kam na kirapim dispela skul em olsem: Em i laikim bai husat ol meri i kam kisim save long dispela skul inap long painim gutpela wok, na lukautim laip bilong ol yet, famili bilong ol na kantri bilong yumi. Sir Kuronku i bilip olpela long kamapim gutpela meri, famili, sosaiti na kantri, yumi mas givim gutpela skul long ol meri. Ol meri i mas kisim gutpela save, bai ol i ken yusim dispela save long lukautim ol arapela. Em i bilip olsem ol mama i namba wan tisa insait long famili laip. Na sapos yumi laikim ol gutpela pikinini orait, yumi mas kamapim ol gutpela mama, bai ol dispela mama i ken givim gutpela skul long ol pikinini na sindaun bilong famili bai i kamap gutpela. Taim yumi i gat planti gutpela famili, yumi bai i gat planti gutpela pipel. Na planti gutpela pipel bai kamapim planti gutpela wok. Olgeta dispela gutpela wok, bai kamapim gutpela ples na kantri bilong yumi na bai yumi amamas long stap long dispela graun."

Wantaim dispela tingting, Sir Kuronku i singautim ol Karitas Sista bilong Miyazaki, long Japan, long kam na mekim dispela driman bilong em i karim kaikai.

Pater Antonio Cavoli: Karitas Sista

Ol Karitas Sista em ol lain sista, pater Antonio Cavoli wanpela pater bilong ol lain pater bilong oda bilong Salesian pater i kamapim. Mama i karim pater Cavoli long Itali na em i kamap pater long 1914. Long 1937 em i kamapim ol oda bilong ol Karitas Sista. Em i kamapim ol Karitas Sista bilong helpim wok bilong lukautim ol yut. Bipo long Pater Cavoli i kamapim ol Karitas Sista em i save lukautim planti ol pkinini i nogat papamama. Ol dispela pikinini i lusim papamama na ples bilong ol bihain long namba tu wol wo. Pater Cavoli i bilip ol Karitas Sista tu bai skruim wok em i

statim. Na tru tumas i kam inap tude, ol Karitas Sista i skruim wok em i statim i go long planti kantri long wol. Ol dispela sista i save wokim ol sosel wok, olsem lukautim ol sikmanmeri na pikinini long ol haus sik, harim hevi bilong ol pipel na helpim ol dispela lain long painim rot bilong stretim ol dispela hevi ol yet, skulim ol pikinini long skul, helpim ol pater long wok insait long peris, olsem skulim ol kristen long tok bilong God na wok wantaim ol yut. Moa long 800 Karitas Sista tude i stap wol. Ol i wok long Brazil, Peru, Bolivia, Italy, Saut Korea, Germany, Philipines, America, Australia na Papua Niugini.

Ol namba wan lain Karitas Sista, Sr. Martina Chang, 52, husat i dai long Disemba 1995 na nau bodi bilong em i slip long matmat long Karitas Teknikel Hai Skul long Mosbi, Sr. Scholastica Pyo, Sr. Bernardo Min, Sr. Florentina Cho na Sr. Varvara Park i bin kam statim wok bilong ol long Aramiri parish insait long Kerema daiosis long 1986. Bikpela tingting bilong ol Karitas Sista long PNG em olsem ol i laikim planti ol yangpela meri husat i laik givim laip bilong ol long mekim wok bilong God long kam joinim ol. Sapos yu wanpela meri i gat kain tingting olsem, plis rait o ring i go long Vokesen Dairektres, Karitas Sista, P.O. Box 2125 Boroko, NCD, Ph. (675) 323 4545 o Feks. (675) 230 575.

Sariti Teknikel Hai Skul (CGTHS) - 1995

Taim Akbisop Sir Kuronku i painim aut olsem i gat sampela ol lain pater na sista husat i save mekim wok bilong lukautim ol yut, kain olsem ol lain bilong ol Salesian Pater na ol Karitas Sista, olaman, em i amamas tru. I no long taim em i askim ol Salesian Pater long kam na kamapim teknikel skul bilong Don Bosko bilong skulim ol pikinini man long sampela teknikel save. Orait taim dispela wok i kamap na i go het

gut, Sir Kuronku i no westim taim. Nogat. Kwiktai em i salim tok i go long bos bilong ol Karitas long salim ol sista tu long kam long Mosbi na kamapim wanpela teknikel skul tu bilong ol meri husat i pinisim gred siks.


Long 1992, tupela sista, Sr. Stella An na Sr. Clothilda Moon i lusim Korea wanpela provins bilong ol Karitas Sista, bihainim dispela askim bilong Akbisop Sir Kuronku na i kam sua long Mosbi bilong statim dispela skul. Tude, Sr. Scolastica Pyo, Sr. Augustin Kim, Sr. Veneranda Lee, Sr. Florentina Cho, Sr. Balbina Lee, Sr. Rosa Oh, na Sr. Enda Lee i kam joinim Sr. An wantaim Sr. Moon. Wantaim ol dispela sista em ol sevenpela tisa bilong Pilipins, Mista Peltcano Arnaldo, Mista Jesus Aparejado, Mista Quiachon Perfecto Casino, Mista Bautista Joveyl, Mis. Rachael Vidal, Misis. Esguerra Amelta na Misis Antonina Shrivastav. I gat tu tupela voluntia tisa long CGTHS. Ol dispela tupela tisa em long Mis Nancy Chorpensing wanpela Piskop voluntia long Amerika, na Mista Hiroshi Sugino wanpela JICA voluntia bilong Japan. Ol Karitas Sista i kirapim CGTHS long 1995. CGTHS i stap long Is Boroko long Mosbi.

Sariti Teknikel Hai Skul: As Tingting

Sapos yu laik go kisim save long CGTHS o salim pikinini meri bilong yu i go long dispela skul, ating i gutpela yu mas save tu long as tingting bilong dispela nupela skul. Em hia sampela ol as tingting bilong CGTHS:

- skulim ol meri bambai ol i mas save long God tri wan. Na bilip long God olsem Roman Katolik Sios i tisim;

- skulim ol meri bambai ol i sanap strong long tok i tru na mekim pasin i tru na i gutpela. Ol dispela meri i noken les long wok. Taim ol



• Ol sumatin bilong Caritas GTHS wantaim Mayor bilong Buchan city, Saut Koria, Mista Kim Jin Sun.

meri i mekim olsem, ol i ken helpim ol arapela pipel. Ol i ken bringim gutpela sindaun long famili, ples, sosaiti, na kantri. Insait long dispela pasin ol i ken kamapim tu planti gutpela wok.

skulim ol meri bilong kisim teknikel save. Ol meri i mas save long samap, kuk, lukautim haus, bodi bilong ol yet, famili na sosaiti,

long CGTHS, yu mas givim ol dispela samting long bos bilong CGTHS:

Namba wan, yu mas givim kopi bilong setifiket taim mama i karim yu. Yu mas givim kopi bilong pas bos bilong olpela skul yu bin pinis skul long en na dispela pas i mas tokaut long pasin bilong yu taim yu stap long dispela skul. Na yu mas

las yia) i laikim ol meri, long Mosbi

kisim save bilong taip yusim taiprait, na save long yusim komputa wantaim pasin bilong wok long opis, na kisim save bilong gred seven i go inap long gred ten. Wantaim olgeta dispela save, ol dispela meri husat i kam skul long CGTHS inap long kisim wok taim ol i pinis skul o statim bisnis bilong ol yet, na mekim ol wok bilong ol wantaim spirit bilong God.

Hai Skul Program

Olsem ol arapela hai skul long PNG, CGTHS i save skulim ol sumatin bilong ol long Inglis (English), Maths (Mathematics), Saiens (Science), na Sosl Saiens (Social Science). Antap long dispela ol i save tisim tu Rilijen (Ethics), Musik, Ats (Arts), na Pisikal edukesen (Physical Education) em ol pilai na ekksesais nabaut, na Komes (Commerce) o lain long statim na ronim bisnis. Moa yet, i gat stes wan na stes tu bilong kisim save long ol teknikel sabjek. Long stes wan, taim ol sumatin i mekim gred seven (7) na eit (8) ol i bai kisim namba wan skul bilong samap, kuk, wok olsem sekreteri na lain long taip na lain long yusim komputa.

Long stes tu, taim ol sumatin i mekim gred nain (9) na ten (10), ol bai kisim moa save o ol i kolim dispela speselaisesen. Insait long speselaisesen ol bai kisim moa save long samap. Em i olsem ol i ken samapim ol klos bilong ol manmeri na pikinini, kukim ol bret na kek, na lainim sampela moa ol we na stail bilong kukim kainkain gutpela kaikai, kisim moa save bilong wok sekreteri na we bilong wok long opis na lukautim opis olsem sekreteri, na kisim moa save long yusim komputa. Ol i ken yusim komputa bilong tanim toksave i go long kod (encoding) na tu yusim ol mesin bilong mekim wok bipo ol man i save mekim long han (automation).

Husat inap go skul long CGTHS?

Yu mas i gat gutpela mak long gred siks setifiket sapos yu laik go skul long CGTHS. CGTHS i save kisim ol sumatin bilong olgeta sios, provins na kantri long PNG. Wanem sumatin i laik wokim gred seven long CGTHS i mas pinisim gred siks long wanpela bilong ol praimeri skul PNG gavman i luksave long en; Em i mas pasim tes bilong go long CGTHS na kisim tok orait i kam long bos bilong CGTHS bhain long bos i painim aut moa long em; Em i mas stap long Nesanel Kapitil Distrik (NCD); Em i ken kam long wanpela bilong ol arapela kristen sios tasol em i noken tok baksait na bagarapim ol arapela sios; na em i mas putim han mak bilong em wantaim papamama na was papamama bilong em long pepa i soim olsem em i wanbel na bai bhainim ol as tingting bilong CGTHS.


Lo o Polisi bilong go skul long CGTHS

Sapos ol i kisim yu long go skul

givim wanpela kopi bilong pas bilong pater long peris bilong yu o pastor we i tokaut long pasin bilong yu long komuniti. Skul fi bilong 1997 na 1998 bai sanap olsem long mak bilong K650. Tasol yu ken baim samting olsem K350 long namba wan taim, taim yu go long statim skul. Ol bai yusim dispela mani long baim tupela yunifom, wanpela ID kad, wanpela dairi buk, na ol kopi buk. Bai yu kisim ol teks buk long dinau (loan). Dispela mani yu baim, yu i no inap long kisim bek. Yu ken baim arapela hap bilong K300 insait long tripela tem (three terms) olsem K100 long wan wan tem inap yu pinisim olgeta skul fi. Yu mas save tu olsem sapos yu brukim o bagarapim wanpela samting bilong skul, em bai yu baim ol dispela samting. Na sapos yu lusim skul na yu no toksave long bos bilong skul, em bai ol i makim olsem yu no kam long skul long dispela de, taim, mun na yia long rekot bilong yu. Sapos yu laik lusim CGTHS yu mas toksave. Sapos nogat, em bai yu mas mas baim yet skul fi. Husat i laik go skul long CGTHS i mas glasim gut ol dispela tok, na i wanbel wantaim ol, bipo long em i go skul.

Pasin bilong lusim CGTHS

I nogat wanpela hai skul long PNG i wankain olsem CGTHS. CGTHS em i namba wan teknikel hai skul na i save skulim ol sumatin meri long olgeta save yu inap lainim long ol arapela hai skul long PNG. Antap long dispela, yu inap kisim ol arapela teknikel save yumi glasim pinis we ol arapela hai skul long PNG i no save tisim. Long dispela as, CGTHS em i spesel skul. Moa yet, wanem sumatin i kam skul long dispela skul, i no inap bhainim wankain pasin bilong skul, sapos em i lusim CGTHS. Olsem na husat meri i tingting long go long dispela skul, i mas glasim gut olgeta as tingting, lo na pasin bilong CGTHS na i mas wanbel long ol pastaim long em go kisim save long CGTHS. CGTHS i no tambuim ol sumatin



long lusim dispela skul, tasol ol bai amamas sapos ol sumatin i go stat na pinisim olgeta skul bilong ol long CGTHS. Em i gutpela long ol sumatin yet na long ol famili bilong ol na tu long CGTHS.

CGTHS Plen - Gred 12 na wanem moa?

Samting olsem 135 sumatin i bin go stat skul long CGTHS long 1995. Long 1996, samting olsem 250 sumatin i go skul. Na dispela yia, i gat samting olsem 280 sumatin olgeta i skul i stap long CGTHS. I gat gred seven, eit na nain long dispela yia. Bos bilong CGTHS Sr. An i tokaut tu olsem, ol bai i no inap kisim moa gred seven sumatin long narapela yia. Em i tok stat long 1999 ol i tingting long kisim ol sumatin long gred eit long ol top ap skul long NCD bilong mekim tasol gred nain. "Mipela i tingting long hapim level bilong stadi long CGTHS long 1999 i go long gred nain (9) i go inap long gred 12," Sr. An i tok. "Mipela i plen tu long opim wanpela jimnasium o skul bilong tisim ol sumatin bilong lukautim bodi na tingting bilong ol, bai ol i ken kamap strong na stap gut na amamas." Em i tok ol i tingting tu long wokim wanpela dabel stori haus we ol i tingting long mekim 10pela klasrum long dispela

• Pater Antonio Cavoli



NEM: Jossi Raim
KRISMAS: 18 (meri)
ADRES: SIP AOG Sios, PO Box 1135, Mt Hagen, WHP.
LAIKIM: Pilai spot na harim musik na go lotu, raitim pas long ol pren na painim gutpela poroman.

NEM: Sapina Krustana
KRISMAS: 18 (meri)
ADRES: SIP AOG Sios, PO Box 1135, Mt Hagen, WHP.
LAIKIM: Go lotu, raitim pas, singim gospel musik, na serim ol samting na painim gutpela poroman bilong stap wantaim bhain.

NEM: Roslan Kerowa
KRISMAS: 18 (meri)
ADRES: SIP AOG, PO Box 1135, Mt Hagen, WHP.
LAIKIM: Mekim penpren, raitim olpas na bekim ol pas hariap na go lotu na painim man bilong maritim.

NEM: Aknuss Kaki
KRISMAS: 18 (meri)
ADRES: SIP AOG, PO Box 1135, Mt Hagen, WHP.
LAIKIM: Go lotu, harim musik, bekim ol pas, na painim gutpela kristen man bilong maritim.

NEM: Joe Olgm
KRISMAS: 25 (man)
ADRES: SIP AOG, PO Box 1135, Mt Hagen
LAIKIM: Mekim penpren, raitim pas na ritim Wantok niuspepa.

NEM: Kelly Nema
KRISMAS: 18 (man)
ADRES: c/Richard Minapo, PO Box 39, Kokopo, ENBP.
LAIKIM: Pilai gita, volibal, waswas long solwara wantaim ol pren, na singsing lotu na mekim ol tok pilai na senisim presen.

NEM: Rodney Stewart
KRISMAS: 20 (man)
ADRES: St John seminary, Kairuru Island, PO Box 107, Wewak, ESP.
LAIKIM: Ritim niuspepa, go lotu long olgeta Sande, mekim tok pilai, harim PNG lokol musik, lukim EMTV na bekim olgeta pas.

NEM: Peter R Mara
KRISMAS: 23 (man)
ADRES: PO Box 438, Kimbe, WNPB.
LAIKIM: Raun wantaim ol pren na lukim arapela provins, waswas long solwara, lukim ragbi lig gem, marit long sampela hap provins na senisim ol poto na bekim olgeta pas.

NEM: Alberta Esi Himpah
KRISMAS: 21 (meri)
ADRES: PO Box 79, Kojokrom/Sekondi, Ghana
LAIKIM: Ritim ol swit leta, paitim man na swim long wara.


NEM: Comfort Asamoah
KRISMAS: 20 (meri)
ADRES: PO Box 79, Jackson Street, Kojokrom, Sekondi Ghana.
LAIKIM: Swim long wara, mekim pren, pilai kompyuta gem na painim man.

NEM: Mavis Quansah
KRISMAS: 22 (meri)
ADRES: PO Box 79, Kojokrom City, Sekondi Ghana
LAIKIM: Mekim pren, ritim stori na pilai tenis.



• Bos bilong CGTHS, Sr Stella An i skulim ol sumatin bilong Gred 9 long yusim komputa.

YUMIFM TOP 20 This Week!



LW	T/W	SONG	ARTIST
7	1	LULU	QUAKES
3	2	MELBOURNE CITY	TELEK
1	3	KEPKO	TARIKANA
6	4	COME HOME NAU	XB1
2	5	VUVU	TARIKANA
4	6	MANI PENI	REKS
5	7	MANAM ISLAND	QUAKES
8	8	LAMBADA RAGGAE	DAVID ANDREW
9	9	LILI	QUAKES
11	10	KAKAUL	KANAI PINERI
12	11	DESI	TELEK
10	12	KOLWIN	SAGO THORNS
15	13	HEISI LALOKAU	JERRY TEMU
0	14	JUDITH	JR KOPEX
13	15	PILISI	HITSY GOLOU
18	16	NUAGI YAVI	SAGO THORNS
0	17	IA LYNETTE	LEONARD KANIA
20	18	YU KEN DANCE	BANEX OA
0	19	AI DAUE	WALI HITS
16	20	NUAGI YAVI	SAGO THORNS

NAUFM

YUMIFM

PNG FM PTY LTD
Trading as
NAUFM and YUMIFM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995



Bekim dinau

Bipo bipo tru tupela brata i save pait long wanpela meri. Tasol meri ya em i meri bilong liklik brata. Tasol bikple brata i save laikim dispela meri na i save pait wantaim liklik bilong em. Wanpela taim tupela brata i laik painim flying fox long hul bilong ston na tupela igo.

Tupela igo long rot na katim al long pela canda naigo. Tupela igo antap long traipela peles nogut na tupela taitim canda igo daun long taraipela peles nogut igo hul bilong ston stap. Tupela taitim pinis na tupela tok pait long igo daun pes. Tupela tokpait pait igo na bikpela strong na salim liklik brata igo. Na liklik brata laik igo na em iting o mi mas igo hariap na em igo hariap na kamap long hul na holim ston na lusim canda nau seim taim bikpela brata katim canda na canda igo daun long peles nogut.

Nau bikpela brata igo long peles na maritim meri bilong liklik bilong em na stap. Nau liklik brata stap long hul bilong ston antap long peles nogut na em nogut we long igo em crai na singaut tasol al man ino harim singaut na em i slip angere na em i kilim all flying fox na traim long san na kaikai stap. Al lain bilong em wok long painim em stap. Al man i askim brata bilong em na em i tok mi no save long dispela man ya em i go na em tu wok long painim stap.

Al man wok long painim igo inap nau al i lusim inap wan mun nau al man lusting na ol stap nau. Wanpela taim susa bilong em na man bilong em igo long gaden clostu long traipela peles nout nau meri ya harim wanpela nois i kam long wanpela hap nau em i harim istap nois i kam gen nau em wok long painim, bainim stap na em lukluk nambaut long peles nogut. Wanpela waitpela samting wok long wokim nois stap nau em i lukim na tokim man bilong em. Nau tupela karim sampela banana mauna sampela suga can, kaukau samting igo nau tupela ran tasol igo. Tupela catim sampela longpela canda na igo lukim ya peles we tupela brata pasim canda istap. Na tupela marit tok em mas em tasol ya nau tupela pasim canda na salim igo daun



long peles nogut, Nau canda wok long mekim nois nau tupela salem sampela banana nau igo nau em kaikai na mekim bois can. Nau tupela givim sampela banana na suga can nau em kisim na kaikai nau kisim strong nau em kam antap. Na tupela lukim ya man skin i lus na olsem sick man. Nau susa bilong em holim em na crai nau man bilong susa bilong em karim em na oi igo long haus pig na tupela kilim wanpela pig na givim em na em kaikai na kisim skin can nau em kisim bunara bilong tambu bilong em nau igo long gaden na lukim ya tupela marit stap. Man stap antap long wanpela suga na rausim tara lif stap na meri digim kaukau stap nau man ya go tasol givim wan long man nau em kisim spear na pundaun i kam daun nau meri lukim na

crai ikam holim man ya nau man ya kirap na kilim em tu nau em igo long peles na tokim ol man long peles olsem mi kilim wanpela pig long gaden na yupela igo lukim na ol man igo long gaden na lukim ya tupela marit stap nau ol man i tok em asua bilong tupela yet olsem na em bekim dinau bilong em. Ol i tok olsem na ol kisim tupela marit na planim tupela long matmat na ol stap.

Em tasol long liklik stori tumbuna bilong mi. Yu husait i laik dispela stori na yu laik lukim dispela traipela peles nogut orait welcome. Mi stap long Wau long 7 Block.

Name Bonny Netti
Blaru Emay
Morobe province



Papamama i no laikim mi prenim man long narapela hap

tu.
Mi gat 19 krismas pinis na mi ting olsem mi inap long mekim ol bikpela disisen mi yet. Yu ting olsem wanem?

Capable

Dia Pren,

Dispela wari long hevi yu autim yu autim em i kamap long olgeta hap bilong PNG tude. Ai bilong planti ol yangpela pipel bilong yumi long tude i op long ol nupela samting taim planti papamama i save tasol long ol samting bilong ples na tumbuna.

Yu traim tu long glasim ol wari bilong yu long ai we papamama bilong yu i ken lukim? Ol i mas holim pas yet long ol tumbuna pasin kastam bilong ples. Olsem na ol i

laikim yu long stap klostu long ol taim ol i wok long go lapun.

Taim tupela man na meri husat i no kam long wanpela hap na ol i gat ol kain kain kastam i bung na marit, i save gat hevi i stap we ol bai i stretim pastaim. Papamama bilong yu i mas luksave long ol kain hevi we ol dispela kain marit i bungim.

Tasol bikos ol i laikim yu tru na ol i no laikim yu long bungim wankain hevi, ol i tok strong long yu bilong painim wanpela boipren long provns bilong yu yet.

Yu wokim wanpela samting long mekim papamama bilong yu i amamas long mekim pren wantaim ol wan provins manki bilong yu? Papamama i no makim yu long wanpela man long provins bilong yu yet?

Yu save sindaun na toktok long ol dispela samting wantaim papamama bilong yu? Sapos yu painim olsem dispela em i hat, orait, wanpela hauslain bilong yu iken helpim yu. Tasol yu mas stap isi na gat andastending sapos yu laik winim papamama long wanbel long laik bilong yu.

Papamama i bungim pinis boipren bilong yu? Sapos bekim bilong yu em nogat, orait, dispela em sans bilong ol long painaut sapos ol i laikim em long taim ol i save long en. Sapos yu givim sans long tupela papamama. Ol bai i lusim pret pasin na dispela rot tu bai i senisim tingting bilong ol na ol bai i tok yesa na amamas long yu i maritim dispela man bilong arapela provins.

Laipplain

Lukluk insait long Is Nu Briten

CCRI i mekim bikpela wok long helpim kopra na kakao bisnis

LONG HAP bilong Kerevat long Is Nu Briten, i gat wanpela bikpela wok i kamap long Papua Niugini Kokonas na Kakao Rises Institut (CCRI) long painimaut moa long kokonas na kakao. Ol saveman i save stadi gut long pasin kokonas na kakao i gro na wanem kain rot i gutpela long groim gutpela kakao na kokonas.

Gavman i bin baim tupela olupela plantasin Tavilo na Kervera long 1979 na 1986 na i kirapim dispela wok.

Tavilo em i ples we i gat neseri bilong kokonas na kakao na ol i save salim i go long olgeta hap long kantri. Ol didman i save go trening tu long dispela hap.

As bilong kirapim dispela institut em long mekim kain kain wok long pasin bilong planim na kamapim gutpela kwaliti kakao na kokonas. Ol i mas redi tu long painim rot bilong stretim wanem kain hevi i kamap long kokonas na kakao. Ol i mas stadi na painim rot bilong kamapim gutpela kwaliti kokonas na kakao na givim dispela skuli i go long ol pipel.

Bisnis bilong kakao na kokonas i painim bikpela hevi long hap bilong Rabaul long 1994 taim maunten i paia. CCRI i bin mekim bikpela wok tu long helpim ol lain i wok long stretim gen ples. Neseri long Tavilo i bin i saplaim ol haibrid sid na nupela diwai kakao i-go long ol fama.

Nau i gat 10-pela kakao neseri i stap long ol ples nabaut long provins na ol i wok bung wantaim ol lain bilong DPI. I gat 10-pela ples we ol i traim ol nupela haibrid na ol bikpela na liklik SG2 haibrid long fam.

Ol i traim testim tu ol haibrid kakao long Tavilo long painimaut wanem kain kakao bai inap gro gut long Is Nu Briten. I gat wok i kamap tu long testim 30 liklik draia long lukim wanem kain pasin em i gutpela long draim kakao.

CCRI i helpim ol fama long blok na ol i wok bung wantaim ol didiman na fama long strongim kakao na kokonas bisnis.

Yuropean Union (EU) i bin givim mani long stetim ol bagarap i bin kamap long Institut long taim bilong maunten paia. Ol i yusim dispela mani long baim ol masin na ka na stretim ol bagarap i bin kamap long ol haus na gaden kakao. Ol i pinisim wok nau long ol haus na masin na nau ol i wok long planim haibrid kakao long 80 hekta blok.

Progem bilong stadi long kakao i gohet yet na ol i testim kain kain kakao long painim kain kakao we inap karim hariap na inap long abrusim sik bilong kakao. Ol i miksim SG2 haibrid wantaim ol narapela i kam long ovasis kantri long painim dispela top kakao diwai.

Ol fama i save lusim bikpela mani sapos ol i planim kaokao em i no inao karim gut. Tude, ol save man i wok long painim rot bilong mekim ol dispela diwai i karim gut. Ol i katim han bilong olupela diwai na putim nupela han bilong gutpela diwai i go na dispela rot bai i helpim diwai long karim gut.

Ol groa i ken kisim gutpela profit sapos ol i draim gut kakao bipo long ol i salim. Nau i gat nupela pasin bilong draim kakao we i no dia tumas. Ol i traim yusim ol liklik fementer i bokis na

sola draia long 30 ples insait long Is Nu Briten. Dispela liklik bokis i helpim long draim kakao sid. Na ol sola draia i no nidim fuel o paia long draim sid, dispela i mekim kakao i drai gut tru.

I gat tupela sik i save birua long ol diwai kakao, Blak Pod na Stem Kenka. Olgeta yia, dispela tupela sik i save bagarapim planti diwai tru. Nau i gat wanpela saveman bilong sik Blak Pod i wok nau long CCRI long painim rot bilong abrusim dispela sik.

Nau i gat wanpela nupela seksen bilong CCRI i mekim wok bilong painimaut wanem kain ol narapela bisnis diwai inap gro gut wantaim lain kokonas. Sapos fama i groim ol kaikai na narapela bisnis diwai namel long ol lain kokonas, bai em inap long kisim gutpela bekim long hatwok bilong em.

I gat wok i kamap tu long stretim gen ol olupela kokonas plantasin. Ol i traim nupela haibrid kokonas nau long Madang. Ol i testim tu ol sotpela na longpela kokonas long lukim wanem kain kokonas bai i gutpela long planim long plantasin.

I gat kain kain samting yu inap kamapim long kokonas. Na nau ol i wok long glasim ol narapela rot bilong yusim kokonas bikos tude planti pipel i wok long tingting long kamapim kopra tasol. Ol i no klia long ol narapela rot we ol i ken pulim mani long kokonas.

Ol binatang i save kilim diwai kokonas. Dispela bagarap i save kamap planti long ol plantasin long Niugini ailan rijon we moa long 70 pesen bilong PNG kopra i kam long en. Gavman i kisim mani long EU long painim rot



• Kain kain kaikai ol man wok long bunim long dispela hap.

bilong stapim dispela binatang nogut.

Wanpela gru ol i kolim COGENT i maskim CCRI long go pas long stadi na mekim ol wok painimaut long diwai kokonas. Ol i wok long bungim nau ol longpela na sotpela kokonas long PNG long mekim dispela wok.

Rot bilong kisim toksave i go long ol pipel tu em i bikpela samting. Mani i go insait long wok bilong painimaut gutpela kokonas na kakao. Orait i mas gat toksave i go long ol fama. CCRI i bin spendim mani long raitim 4,000 ol liklik buk na niusleta na ol posta long 1996. I gat tu ol trening kos na ol semina na fild de wantaim ol fama.

Kokopo i saplaim kago i go long planti ples

Bisnis i wok long kamap strong nau long hap bilong Kokopo na ol pipel i lukim tu olsem i gat moa spitbot i wok long go sua long bris long Kokopo.

Olgeta de planti spitbot i wok long kam sua wantaim ol pasindia na kago. Sampela i save wet liklik taim tasol na i go bek long ples bilong ol. Sampela bai i wet wan de samting na ol pasindia i baim wa'em samting ol i kam long baim na bihain ol i go bek long ples.

Bipo long maunten i paia, olgeta bikpela stua na bisnis i stap long Rabaul. Maunten paia i bin bagarapim ol dispela samting na ol pipel tu i kisim taim bikos i no gat moa bikpela stua long baim saplai bilong ol.

Kokopo i bin liklikaun tasol na i no gat wankain bisnis olsem i stap long hap. Tude ol bikpela bisnis long Rabaul i kirapim wok nau long Kokopo olsem na ol pipel tu go long Kokopo long kisim saplai bilong ol.

Nau i gat ol kain bikpela stua olsem Carpenters, Steamship, Barlow, Andersons na ol narapela bisnis tu i sanap pinis long Kokopo.

I no ol pipel bilong Is Nu Briten tasol i save go baim ol samting long Kokopo. Ol pipel bilong Lak-Kandas long Nu Ailan i save ran long spitbot i go kamap long Kokopo. Ol i tok ples bilong ol i longwe long Namatanai na Kavieng na i dia tumas long baim ka i go long dispela tupela taun olsem na ol i save kalap tasol long spitbot na go long Kokopo.

Planti ol pipel long Nu Ailan i kam long Kokopo long baim ol samting bilong wokim haus. Ol i tok pe bilong kapa, nil na ainpos i dia mas long taun bilong ol olsem na ol i mas go yet long Kokopo na Rabaul we pe i orait na baim ol dispela samting.



• Ol manmeri i amamasim wanpela bikpela de bilong ol.



INDUSTRIAL CENTERS DEVELOPMENT CORPORATION

PUBLIC NOTICE

ISLANDS REGION INDUSTRIAL CENTRE ULAVEO - KOKOPO - EAST NEW BRITAIN

The management of ICDC is pleased to advise all our valued prospective tenants who have applied to locate at our industrial Centre that sub-division planning has been completed sit clearing and connection of basic facilities will soon commence.

For both planning and facilities allocation purposes, the corporation kindly request that those companies which had expressed interests and those that are interested but have yet to register their interest to the make contact with the Management and reconfirm their interest or otherwise by writing to:-

**Managing Director,
Industrial Centres
Development Corporation,
P.O. Box 1571,
Boroko,
NCD.**

Further information can be obtain by contacting Messrs. **Anton Kulit** or **Andy Kua** by Phone on **323 2913** or Fax on **323 1109**.

A copy of the sub-division plan showing sizes and numbers of plots available is shown here to guide you.

Authorised by:-

Stanis J.B. Bai OBE
Managing Director

RUMBAM GAPI
 Consulting Engineers, Professional Project Managers and Planners
 RUMBAM GAPI PTY LTD
 P.O. BOX 1426
 BOROKO
 NATIONAL CAPITAL DISTRICT
 Ph. 3232023
 Fax. 3232370

Project Title
**PROPOSED ISLANDS REGION INDUSTRIAL CENTRE
 ULAVEO PLANTATION, KOKOPO
 EAST NEW BRITAIN PROVINCE.**

Drawing Title
**PROPOSED SUBDIVISIONAL LAYOUT PLAN AND
 PHYSICAL PLANNING ZONES FOR PHASE 1 DEVELOPMENT.
 PORTION 2892 & 2895 MILLINCH KOKOPO**

Client

**INDUSTRIAL CENTRES
 DEVELOPMENT CORPORATION
 P.O. BOX 1571, BOROKO
 NATIONAL CAPITAL DISTRICT**

Date	JAN 1997
Drawn	1:2000
Checked	SK-1
Drawn No	95065
Checked No	SK-1



PROPOSED LAND USE	NO. OF LOTS	ZONE	AREA	CLOUR NOTATION
INDUSTRIAL	101	GENERAL INDUSTRIAL	28,522ha	
COMMERCIAL	8	COMMERCIAL	3,160ha	
ADMINISTRATION	2	GENERAL INDUSTRIAL	1,570ha	
PUBLIC UTILITY	3	PUBLIC UTILITIES	1,673ha	
OPEN SPACE	6	OPEN SPACE	1,055ha	
ROADS	4	PUBLIC UTILITIES	6,345ha	
DRAINAGE	4	PUBLIC UTILITIES	1,100ha	
TOTAL AREA			43,425ha	

PREDOMINANT ALLOTMENT SIZE = 75m X 35m = 2631a

Lukluk insait long Is Nu Briten

Rabaul Taun Atoriti i was strongim gen wok bilong klinim ples.

BIPO long maunten paia long 1994, Rabaul i bin gat nem olsem wanpela klinpela na naispela taun stret long PNG. Na ol pipel husat i strongim wok bilong klinim taun oltaim em Rabaul Town Authority.

Bihain long maunten paia, Taun Atoriti i opim opis bilong ol long ples Vunatagia long Kokopo distrik. Ol i bin opim dispela opis long stretim olgeta wok na givim las pe bilong ol wokman bipo long ol i lusim Rabaul na i go bek long ples bilong ol. Planti bilong ol dispela lain i bilong ol ples long hap bilong Mamose.

Bipo long maunten paia, i bin gat 34 opisa na 47 leba i wok wantaim Taun Atoriti. Planti ol leba i bin wok wantaim Atoriti inap 10 yia sampela i winim 15 yia. Tasol long taim maunten i pai, ol wokman tu i nogat wok nau planti bilong ol i save stap long ol setelmen nabaut long taun na haus bilong ol i bagarap.

Bihain long maunten i paia, Atoriti i no klia sapos wok bilong em tu pai i pinis o nogat. Orait komiti i go pas longstet ov emejensi i askim Taun Atoriti long lukautim wok bilong ol komyuniti gavman long Kokopo na Vunamami. Gavman i makim Isimel Puipui long Dipatmen bilong Is Nu Briten long go pas

go pas long wok bilong Taun Atoriti.

Oianti pipel i wok long muv i go long Kokopo na Vunapope bihain long maunten i paia. Na Taun Atoriti i wari nogut sik i kamap sapos ol pipel i no was gut long kaikai na wara. Planti bilong ol i slip long Kokopo so graun we i no gat gutpela ples bilong putim kaikai na toilet na kisim gutpela wara saplai. Planti pipel i wok long baim kaikai long rot na sik i ken kamap isi tru.

Namba tu taun manesa, Ephraim Wartovo i tokim helt inspekta bilong Atoriti wantaim wanpela helt inspekta bilong Helt Dipatmen long sekap gut long ples i save salim kaikai. Ol i tokim ol pipel long wasim gut han na i mas karamapim gut kaikai na putim kaikai long klinpela ples. Ol i raun long olgeta hap long Kokopo na Vunapope long mekim dispela wok.

Taun Atoriti i helpim wok bilong rausim pipia, klinim ol rot long Kokopo taun na maket. Long taim bilong krismas 1994, Kokopo taun i kamap wanpela klinpela taun stret.

Bihain long stet ov imejensi i pinis, provinsal gavman i makim Clement Irasua long go pas long wok bilong Kokopo, Vunamami na Rabaul Taun Atoriti.

Long 1995, Mista Irasua i go pas long wok na skruim wok i go bikpela. Ol inspekta i raun na sekap long ol stua olgeta de. Ol trak na man i wok long rausim pipia stat long Tokua ples balus i go inap long Kokopo na Vunadidir.

Bihain long wanpela yia, sampela lain i muv i go bek long Rabaul na kirapim gen bisnis bilong ol. Orait taim Taun Atoriti i lukim olsem, ol tu i stat long kisim pipia long Rabaul na ol ples klostu long Septemba 1995.

Orait ol meri i stat long salim kaikai arere long rot. Taun Atoriti i wari tu long dispela bikos ol bikpela trak i ran long rot na das bilong maunten paia i kirap na karamapim kaikai. Ol i traime helpim ol mama na wokim gutpela bet we ol meri i ken salim kaikai.


Long taim maunten i paia, Henry Tokubak i bin kisim ol bet long maket na putim ol i stap long haus bilong em. Taun Atoriti i go lukim em na ol i kisim ol dispela bet na stretim ples we ol meri i ken salim kaikai long Page Park.

Em nau, i no longtaim maket long Page Park i kamap bikpela maket long Rabaul we ol pipel


i go moa long pes 17



• Sampela lain kam salim kaikai na ol arapela kam raun tasol.



• Ol meri salim ol kaikai na buai bilong ol long Kokopo market.



• ANTAP: Nupela stua bilong ol PNG Growers Assosiesen na Courts.

• LEPHAN: Ol kumu nau i kamap gut tru na pulap long market.

Kokopo i saplaim kago i go long planti ples

BISNIS i wok long kamap strong nau long hap bilong Kokopo na ol pipel i lukim tu olsem i gat moa spitbot i wok long go sua long bris long Kokopo.

Olgeta de planti spitbot i wok long kam sua wantaim ol pasindia na kago. Sampela i save wet liklik taim tasol na i go bek long ples bilong ol. Sampela bai i wet wan de samting na ol pasindia i baim wanem samting ol i kam long baim na bihain ol i go bek long ples.

Bipo long maunten i paia, olgeta bikpela stua na bisnis i stap long Rabaul. Maunten paia i bin bagarapim ol dispela samting na ol pipel tu i kisim taim bikos i no gat moa bikpela stua long baim saplai bilong ol.

Kokopo i bin liklikaun tasol na i no gat wankain bisnis olsem i stap long hap. Tude ol bikpela bisnis long Rabaul i kirapim wok nau long Kokopo olsem na ol pipel tu go long Kokopo long kisim saplai bilong ol.

Nau i gat ol kain bikpela stua olsem Carpenters, Steamship, Barlow, Andersons na ol narapela bisnis tu i sanap pinis long Kokopo.

I no ol pipel bilong Is Nu Briten tasol i save go baim ol samting long Kokopo. Ol pipel bilong Lak-Kandas long Nu Ailan i save ran long spitbot i go kamap long Kokopo. Ol i tok ples bilong ol i longwe long Namatanai na Kavieng na i dia tumas long baim ka i go long dispela tupela taun olsem na ol i save kalap tasol long spitbot na go long Kokopo.

Planti ol pipel long Nu Ailan i kam long Kokopo long baim ol samting bilong wokim haus. Ol i tok pe bilong kapa, nil na ainpos i dia mas long taun bilong ol olsem na ol i mas go yet long Kokopo na Rabaul we pe i orait na baim ol dispela samting.

Lukluk insait long Is Nu Briten

Rabaul Taun Atoriti i was strongim gen wok bilong klinim ples

i kam long pes 16

bilong Balanataman na Livuan i karim kaikai i kam salim.

Opis bilong Rabaul Taun Atoriti i stap yet long Vunatagia na Is Nu Briten Provinsal gavman i givim tokorait long Atoriti i yusim haus we ol provinsal memba bilong Watom, Duk ov Yok na Pomio i save slip long en. Dispela haus i stap long Malaguna rot klostu long Rabaul Beker.

Tupela bilong ol senia opisa, Freddy Lemeki na Bernie Masatt i kisim wok bilong lukautim dispela opis long Rabaul na Kokopo/Vunamami.

Orait Atoriti i stat long givim wok long ol yut na meri long klinim Rabaul taun na maket. Long dispela taim i noi gat ol bod memba yet na Atoriti i stap aninit long provinsal gavman.

Moa pipel i wok long go bek long Rabaul na taun i kamap gen. Maket tu i kamap bikpela na Atoriti i wokim tupela moa pablik toilet. Ol i saplaim tu wara

i go long maket. Dispela maket i kamap warpela klinpela maket stret.

Long Mas 28, 1996 ol i makim bod bilong Rabaul Taun Atoriti. Ol dispela pipel em Ephraim Juilee husat i siaman na namba tu bilong em Jeffery Stevenson wantaim ol memba David Loh, Joe Kalama, Bruno Lavutul na Nadup Jawin.

Taun Atoriti i go pas long ol dispela sevis, bisnis laisens, inspektim ol bisnis, rausim pipipa, klinim taun, rausim baket pekpek, putim lait long ol strit na lukautim wok bilong planim ol man i dai.

Husat manmei i laik kirapim bisnis long taun i mas baim laisens fo long K114. Husat manmeri i laik salim mit i mas baim laisens long K34, Haus kaikai laisens em K34, laisens bilong ol poisin samting em K34, laisens bilong entatenmen em K34 na ol lain i laik salim ol seken han klos i mas baim K64 laisens.

Olgeta dispela laisens em i bilong wanpela yia

tasol stat long Januari 1 i go inap long Desemba 31 long pinis bilong yia.

Long taim bilong givim laisens, ol inspekta i mas go sekap pastaim long ol bisnis haus orait taim ol i raitim ripot bilong ol go na ripot i orait, ol Atoriti i ken givim nupela laisens bilong wanpela yia.

Long Septemba 1995 i kam inap nau, i gat samting olsem 145 bisnis i kamap gen insait long Rabaul taun.

I gat fi bilong kaunsil long rausim pipipa. Husat lain i laik Atoriti i rausim pipipa bilong ol i mas baim fi long wan wan mun. Hia em mak bilong mani;

Ol bisnis K8.25
Ol stua K49.68 we ol wokman i mas rausim pipipa olgeta de.

Ol stua K41.40 we wokman i rausim pipipa tupela taim long wik.

Taun atoriti i wok bung wantaim Elkom long saplaim lait long ol strit insait long taun olsem bai ol manmeri i ken wokabut gut long nait.




• Dispela market i pulap long kaukau.



• Buai em wanpela bikpela samting long olgeta market long Rabaul.




• Kainkain stall basket, em bai yu painim long Rabaul tasol.



MG & SS

SECURITY SERVICES



24 HOURS - 7 DAYS

Providing Quality Services to:-

- CORPORATE CLIENTS.
- RESIDENTIAL.
- TRADERS.
- BANKS.
- GOVERNMENT DEPARTMENTS.
- PRIVATE ENTERPRISES.

Budget Rates on:-

- STATIC GUARDS.
- SPOT CHECKS.
- FAST RESPONSE UNIT.
- SECURITY CONSULTANCY AND INVESTIGATION.
- SPECIAL SECURITY ASSIGNMENTS.

Back up by:-

- 24 HOURS POLICE RADIO LINK.
- 24 HOURS SUPERVISORY MANAGEMENT UNIT.
- CRIMINAL INVESTIGATION EXPERTISE.
- BETTER KNOWLEDGE ON PAPUA NEW GUINEA CRIMINAL LAWS PROCEDURES.

Why pay
too much or too little
for what we can do
better

Call:
LEO DION (QPM) or
ALLAN ORRIS
Security Operation Manager, Kokopo
on Telephone: 982 8554
Fax: 982 8444

WE SIMPLY CARE !!

Lukluk insait long Is Nu Briten

IRCI i helpim long kirapim Is Nu Briten

Gavman i bin kirapim ol industrial senta long ol provins. I gat wanpela long Lae na long Is Nu Briten ol i kirapim Ailan Rejon Developmen Senta (IDCIC). Dispela senta long Is Nu Briten i mekim tu wok bilong kirapim gen ol bisnis bihain long maunten paia i bagarapim ples long 1994.

Ol gutpela haus na ples bilong bisnis tu i wanpela rot bilong pulim ol ovasis bisnis i kam insait long kantri. Dispela em tingting bilong gavman long taim ol i gohet long kirapim ol industrial senta.

Long Is Nu Briten, gavman i kirapim industrial senta nau long Ulaveo. Ol i pinisim plen bilong namba wan hap bilong projek na nau ol i wok long namba tu hap.

Stori bilong senta

Insait long progrem bilong gavman long stretim ol bagarap long Is Nu Briten ol i putim dispela plen long kirapim wanpela industrial senta. Dispela senta bai i pulim bisnis i kam bek long Gasel Peninsula na tu, em i ken kamap senta bilong Niugini Ailan Rijon.

Namba wan industrial senta long kantri i bin kamap long Malahang long Lae, Morobe provins. Na mani bilong kirapim dispela senta i bin kam long dinau gavman i kism long Asian Development Bank.

Ol i opim dispela senta long Malahang long 1993 tasol i kam inap nau i no gat planti bisnis i go insait na kirapim wok. Wanpela as bilong dispela em bikos rot long Bumbu i go kamap long senta i nogut tru.

Stadi

I bin gat wanpela stadi i kamap long painimaut moa long wanem kain industrial senta i mas kamap long hap bilong Rabaul. Ol i bin askim ol kwesten na skelim ol bekim. Na ol i bung wantaim ol lain bisnis kampani na ol gavman opisa long toktok long dispela samting.

Narapela ples

Ol ples ol i glasim long kirapim dispela senta i no bin stap klostu long Rabaul. Namba wan as bilong dispela em bikos ol i wari long maunten paia na guria i bagarapim wanem kain bikpela wok i kamap long hap. I gat wari tu olsem ol insurens kampani bai i no inap long tok orait long ol lain i laik kism inserens long ol bagarap em maunten paia i kamapim.

ICDC i no gat mani long mekim wok bilong baim gen wanem kain ol bikpela bagarap i kamap long taim bilong maunten paia o guria olsem, na i gat dispela hevi tu i

stap. Olsem na ol kampani o bisnis yet i mas baim dispela insurens na dispela i kamapim narapela wari gen. Ol kampani bai i tingting planti long dispela na i no laik go insait wantaim IRIC long dispela industrial senta.

Stadi i bin makimtripela ples we dispela senta i ken kamap. Ol lain i go pas long wok bilong glasim eria i bin go lukluk raun long tripela ples ya, Ulaveo, Takubar na Kabakaul. Olgeta ples ya i stap long hap bilong Kokopo.

Ol i glasim na ol i tokaut olsem Ulaveo na Takubar i gutpela ples long sanapim dispela senta. I gat gutpela poin bilong dispela tupela ples.

Askim long IRIC

Bikpela askim long kirapim Ailans Rijonal Industrial Senta i kam long tupela grup;

- ol bisnis husat i bin stap long Is Nu Briten bipo long maunten i paia. Nau ol i no gat ples long wokim bisnis na

- ol nupela bisnis i laik kirapim wok long Rabaul tasol ples i bagarap na i no gat gutpela hap bilong statim bisnis bilong ol. Sampela bilong oi dispela bisnis em ol ovasis lain na ol narapela i bilong ol arapela provins.

Ol bisnis i stap nau

Ripot i tok ol bisnis i stap long Malaguna rot i no kism bikpela bagarap tumas long taim maunten i paia. Planti bilong ol i wet inap guria na paia i pinis nau na ol i klinim gen ples na kirapim bisnis bilong ol. Tasol i gat bikpela hevi nau bikos ol insurens kampani i no givim gutpela bekim long ol bisnis husat i laik kirapim wok gen long Rabaul olsem na ol kampani i tingting long muv i go long narapela ples.

Ol liklik bisnis long Rabaul we i gat 2,500 bipo long maunten paia i no stap nau. Planti bilong ol i stap long hap bilong Malay taun na i bin bagarap long taim maunten i paia. Ol kain bisnis olsem printing, samapim klos na ol liklik bisnis olsem i pas pinis.


Nupela bisnis

Bipo long Maunten i paia i binggat askim i kam long ol bisnis


husat i laik go wok long haop bilong Rabaul. Sampela bilong ol em bisnis bilong lukautim kakaruk, flaua mil, tuna faktori na jus faktori. Sapos ol dispela kampani i gat laik yet long kirapim bisnis long hap bilong Is Nu Briten, orait ol i ken kam insait long IRIC.

Main long Lihir

Bikpela gol main long Lihir tu em i gutpela long pulim bisnis i kam long IRIC. Insait long agrimen bilong main i gat toktok i stap long ol lokal bisnis i mas saplaim ol samting i go long main. Lihir Join Vensa na ol sab kontrekta bilong en i mas givim sans long ol lokal bisnis long saplaim ol samting i go long main. Agrimen i tok ol i mas givim sans pastaim long ol lokal bisnis na sapos i no inap., orait ol i ken askim ol ovasis lain long saplaim wanem samting ol i gat laik long en.



• Ol man bung wantaim ol buai na kaikai i redi tasol long go long ples bilong amamas.



• Nupela opis bilong ol Cocoa bod long Kokopo. Ol foto i kam long Edna Diuva.

barlow

BARLOW INDUSTRIES PTY LTD
KOKOPO ROAD, RABAU, AND KOKOPO

MANUFACTURERS OF:

WALL CLADDING, ROOFING IRON,
WATER TANKS, GUTTERS AND OTHER
SHEET METAL PRODUCTS.

barlow

P.O. BOX 458, Phone - Rab: 982 1811/12, 982 1554, Kokopo: 982 8592
Rabaul, E.N.B. Province Fax: 982 1592
Papua New Guinea

barlow

PLUMBERS & BUILDERS SUPPLIES
KOKOPO ROAD, RABAU AND KOKOPO

SUPPLIERS OF:

GENERAL HARDWARE, BUILDING MATERIALS,
TOOLS, PLUMBING ACCESSORIES AND FITTINGS

barlow

P.O. BOX 458, Phone - Rab: 982 1811/12, 982 1554, Kokopo: 982 8592
Rabaul, E.N.B. Province Fax: 982 1592
Papua New Guinea

Lukluk insait long Is Nu Briten

Barike Land gest haus i wetim yu long Kokopo

Rosalyn Albaniei i raitim

LONG taim yu go raun long Rabaul bai yu slip we? Sapos yu no gat wantok o famili ating bai yu gat tupela tingting long raun i go long dispela ples bilong maunten paia. Mi tu i tingting olsem bikos mi no bin raun i go yet long Rabaul. Mi save harim tasol stori na ritim buk na lukim piksa bilong Rabaul i slip sori i stap bipo long maunten paia i bagarapim ples.

Tude, Rabaul em i no olsem bipo. Ol liklik taun olsem Kokopo i kamap bikpela nau na i kisim ples bilong Rabaul. Ol kampani na bisnis i go sindaun nau long Kokopo. Tasol sapos yu wanpela lokal turis na i laik go raun long hap bai yu slip we. Tasol yu no ken wari. Nau i gat wanpela liklik haus bilong lukautim ol lain olsem yu i kamap pinis long Kokopo. Ol i kolim dispela liklik haus slip, Barike Land Guest Haus. Dispela haus bilong lukautim ol lokal turis em bipo i haus bilong Andrew Yanien na famili bilong em bipo long maunten i paia.

Stori bilong bisnis

Andrew na famili bilong em i kirapim dispela bisnis bilong lukautim ol turis long taim maunten paia i bagarapim ples. Long taim maunten i paia, Andrew na famili bilong em i bin ranawe i go hait nabaut long bus wantaim ol narapela lain. Long taim olgeta guria na paia i slek daun em i go bek long Kokopo na lukim olsem ol narapela samting i bagarap tasol haus bilong em i sanap yet.

Orait em i luksave olsem ol ausaitman husat i go raun long hap bai i painim ples bilong slip bikos planti ol hotel na kain haus slip olsem i bagarap pinis. Em i toktok wantaim tupela pren bilong em Konrad Tiriman na Manaseh Yeandian long mekim haus bilong em i kamap liklik ples slip bilong husat ol pipel i go raun long Kokopo. Ol i wanbel wantaim em na helpim em long stretim gut haus na ol i opim dispela liklik gest haus long Kokopo long Mas, 1996.

Haus is stap we?

Husat manmeri i laik go long dispela gest haus bai i mas ran inap 45 minit samting long Tokua ples balus. Dispela gest haus i stap long Malaguna Rot. Em i stap klostu long maket na ol stua. Plis

stesen na pos opis tu i stap. Na sapos yu laik go long beng, yu no ken wari bikos PNGBC na BSP i stap klostu na yu ken wokabout isi tasol i go.

Ol rum

Ol rum long gest haus i gutpela na prais i no dia tumas. I gat spes bilong 10-pela pipel. Yu ken askim long singel rum o rum i gat tupela bet na rum i gat dabol bet long en. I gat wanpela bikpela ples bilong sindaun na ples bilong kaikai we olgeta pipel i bung na kaikai. Ples waswas na toilet i no stap insait long rum, yu mas yusim wantaim ol narapela manmeri long haus. I gat televisen na yu ken pinisim laik long lukim.

Ol narapela samting

Husat manmeri i laik go raun nabaut long Rabaul o ol ples insait long Gasel i ken toksave. Orait bai ol i stretim rot wantaim ol lain husat i mekim bisnis bilong karim ol turis raun long lukim ples. Sapos yu gat laik long glas, em i orait tu bai ol i ken stretim laik bilong yu. Em nau, mi tu i klia long dispela ples slip long Kokopo. Mi no gat famili i stap long hap so ating sapos mi gat sans long raun i go long Kokopo bai mi go sekap long dispela haus slip ol i kolim Barike Land Guest House.



• Hatwok bilong ol mangi na soim gutpela disain.

Man Karkar i sua long Rabaul

... na wok wantaim kampani inap 33 yia

MI YET i no bin bungim wanpela man o meri husat i bin wok moa long 15 wantaim wanpela kampani, olsem na wet tasol long bungim Wangak Nawil, sevisman bilong Pot Sevis long Rabaul.

Rekot bilong kampani i tok Wangak i bin stat long 1964 we em wok long rausim kago long sip na bihain em i kamap kamda na penta na mekim ol narapela wok tu. Em i stap wantaim dispela kampani tasol inap long 33 yia olgeta.

Stori bilong Wangak, em i stori bilong planti ol lapun tude husat i bin lusim asples taim ol i yangpela man na i go painim wok long taun na nau ol i laupun na i no save moa long asples bilong ol.

Wangak em i bilong ples Wadau long Karkar ailan, Madang. Tokples bilong em i Takia. Em i tok em i no klia tumas long kris-mas bilong em tasol em i tingim yet dispela de em i lusim ples. I kam inap nau, Wangak i no bin go bek gen long asples bilong em.

Wangak i bin skul tupela yia tasol na em i kalap long sip na i go long Madang long painim wok. Em i kamap long Madang na i kisim wok long wanpela tabak kampani ol i kolim New Guinea Tobacco Company. Em i wok gut i stap na wanpela de sampela wantok i kam lukim em long kompaun bilong kampani. Na ol i tokim em olsem ol i kisim tu yia kontrak long wok long wanpela plantesin long Kerevat, Is Nu Briten. Wangak i harim stori bilong ol wantok na bel bilong em i sut. Em tu i laik bihainim ol i go long Rabaul. Orait em i no toksave long kampani bilong em na i kirap baim tiket bilong Rabaul na lusim bikples na i go long Is Nu Briten. Dispela em i las taim Wangak i krungutim bikples, i kam inap nau, em i stap tasol long Is Nu Briten, i kam inap nau. Wok long plantesin i orait, tasol bihain long tupela mun, Wangak i tingting planti bikos em i laik go painim wok long Rabaul taun. Orait, wanpela wantok i go lukim em na i tokim em olsem wanpela kampani, Coyer Watson i painim ol leba long rausim kago long sip.

Wangak i kirap kisim ol kago bilong em na bihainim wantok i go long Rabaul na em i stat wok long rausim kago. Long dispela taim i no gat ol bikpela foklif, ol man yet i mas rausim kago na em i hatwok tasol

Wangak i no wari, em i wok tasol. Tasol em i tok em i amamas long taim kampani i ksim ol mesin long mekim dispela wok bilong rausim kago. "Mi amamas tru taim ol mesin i kamap long wanem ol i givim malolo long skin bilong mipela," em i tok.

Em i tok long taim em i stat wok bris long Rabaul i liklik samting nating. Tasol isi, isi ol i skruim wok i go inap em i kamap bikpela bris tru. Em i wok wantaim Coyer Watson inap Steamships i kisim dispela bisnis, orait bihain Is Nu Briten Development Coporation i bung wantaim Steamship long mekim dispela wok na nem i senis i go long East New Britain Port Services Pty Ltd (ENBPS). Wangak i lapun nau tasol em i bin kamap long hap taim Rabaul i liklik taun na em i lukim Rabaul i gro i go bikpela na em i lukim maunten paia i bagarapim ples long 1994. Em i bin stap tu long taim Mataungan Association i bin kamap na ol trabel i kirap namel long gavman na dispela grup. Tru tumas, Wangak i wanpela bilong ol lain bikples husat i stap olgeta long Rabaul na i no tingting moa long go bek long asples bilong ol. Mi askim em watpo na em i no laik ranawe i go bek long asples long taim ol trabel i kamap. Na em i tok, "Dispela em i ples bilong mi nau."

"Mi amamas long wok hia."

Wangak i no marit na em i no save bai em i mekim wanem long taim em i ritia. Em i wanpela wokman husat i winim planti yia tru long wok wantaim East New Britain Port Services. Na em i lukim Coyer Watson i mekim dispela wok, orait bihain Steamship i tekova na las yia taim Steamships i bung wantaim bisnis han bilong Provinsal gavman na tekova long wok. Rabaul em i ples bilong em nau na em i tok long taim em i dai, bai ol i planim em long Rabaul. Wangak i tok em i stap planti yia long Rabaul tasol em i no klia yet long tokples Kuanua. Em i holim pas yet tokples bilong em Takia.

Ol wanwok bilong Wangak i tok em i wanpela man husat i save kam hariap long wok olgeta de. Na em i save wok gut. Sapos gras i karamapim ples bai em i holim srip na katim. Sapos i gat wok long pentim haus bai em i pentim, manaesa bilong ENBPS, Peter Cohen i tok. Kampani i luksave long wok bilong Wangak na long dispela mun, Epril 4, ol i givim em wanpela setifiket. Em i kisim tu aiglas na mesin bilong kolim wara. Wangak i tok em bai wok yet wantaim kampani na i ting bai ol i luksave yet long ol wok bilong em.



LEASING FINANCE



CONTACT:
PORT MORESBY

Ph : 321 7765


KOKOPO

Ph : 982 8555



Fax: 982 8658



"We speak the kina language"



GAZELLE RESTORES ATORITI



Sir Henry ToRobert KBE: " Mi amamas long ripot long gutpela wok bilong Gasel Ristoresen Atoriti long hariap na gutpela tru bringim ol helpim we i bikpela samting long Ristoresen Progrem long ol pipel bilong Is Nu Briten. Bikpela wok i stap long mipela nau em long kirapim na karimaut dispela progrem we i namel na balens na i gutpela long olgeta pipel".

Toktok bilong Misin

Taim stret bilong karimaut gutpela Ristoresen Progrem disain long bringim bek gutpela sindaun bilong ol Is Nu Briten pipel long sampela gutpela ol bin sindaun bipo long 1994 na ol taim bipo we volkanu i no kamap yet. Na tu lukluk gut long strongpela na gutpela kaikai bilong wok i kamap; na daunim planti ol bikpela bagarap inap kamap bihain long birua bilong volkanu long laip bilong ol pipel, ol haus na samting na ol sindaun bilong olgeta manmeri.



Minista Giheno stapim fly in-fly aut long PNG

Dia Edita,

Mi amamas tru long sapotim tingting long askim Minista bilong Maining na Petroleum Mista John Giheno long i mas lukluk gut i go insait long stopim pasin bilong fly in-fly aut bilong ol wokman bilong ovais we i save wok insait long ol maining kampani insait long Papua Niugini.

Mi laik sapotim dispela toktok taim em bin kamap long haus palamen na mi bin harim long radio Morobe long Oktoba, Plis minista i tru olsem yumi wok long toktok olsem kantri i wok long sot tru long mani tasol, long lukluk bilong mi, mi lukim olsem kantri i save mekim bikipela mani tru i kam long ol dispela mainin projek long kantri, tasol gavman i no save menesim gut dispela ol mani, bikos i gat planti tumas ol fly in-fly aut long kantri.

Mi bilip bikipela mani bilong kantri i wok long i go aut long dispela kain rot we i yumi i wok long painim mani bilong ronim kantri.

Lukim em i bikipela mani tru taim ol wokman i slip long Kens Australia na i go i kam olgeta de long wok long Misima ailan na i go bek. Salim dispela mani, man bikipela mani tru ya. Na mi bilip sampela narapela ol maining insait long kantri tu i wok mekim i stap tu ol maining kampani husat bai i wokim maining bihain taim bai i bihainim wankain pasin tu na wokim fly in fly aut sapos Papua Niugini i no lukluk hariap na stopim

Plis gavman bilong kantri, inap yu hariap long stopim dispela kain pasin na tokim ol maining kampani husat ronim ol maining projek insait long kantri long kamapim ol haus bilong ol wokman long maining sait long stap na wok.

Na ol i ken i go aut long ol brek long lukim ol famili bilong ol we i no inap kos tumas, lukim ol i kisim bikipela mani na i go spendim long Australia long slip long ol hotels na i no kam stret long Mosbi, nogat ol flai i go stret na wok long main sait. Tingim mani bilong kantri i no save stap insait long kantri long dispela kain pasin.

Plis lukluk na stretim, nogut yumi i wok long dinau yet long mani na kantri bai i bruk olgeta.

Guti Kawa
sako Kantri Wau

Bodi bilong yumi em haus holi

Dia Edita,

Mi laik bekim pas bilong tupela susa ya, Vero Tsirang na Mary Klembasi. Pas bilong susa Vero i tok olsem. Pasin pamuk i bagarapim Rabaul taun. Na pas bilong susa Mary Klembasi em i bin tok olsem, God i givim gutpela naispela bodi long yumi, yumi mas lukautim gut na yusim long litimapim nem bilong em na i no long pasin pamuk.

Mi sapotim pas bilong tupela susa ya. Em i tru. Wai na Sentrel provins i bagarap long dispela kain pasin tasol, plis traim na yusim tingting liklik, yumi i no pik na dok, plis larim wanpela man tasol i bosim tingting maus, ai na lek han bilong yumi, em holi sprit bilong God tasol.

Plis putim yau na harim gut yumi mas i gat rispek. Harim gut i lo namba 6. Yu noken brukim marit. Lo namba 9. Yu noken mangalim meri bilong narapela man. O man bilong narapela meri lo namba 6 and 9 i tambuim yumi long bihainim wanem kain apsjin? Lo namba 6 na i tambuim yumi long mekim samting nogut i gat sem long tingting o long toktok o long lukluk o long mekim.

Harim gut dispela tok, yu mas rispektim bodi bilong narapela man o meri, na bodi bilong yumi tu.

Harim yumi noken mekim sem pasim, na yumi noken mangalim man o meri bilong mekim sem pasin wantaim em.

Bodi bilong yumi em i haus holi bilong holi sprit (1 korins 6:19) Em tasol liklik sapot bilong mi.

Sori Pren
PNG

Ol giaman papagraun paulim planti man

Dia Edita

Mi laik putim dispela toksave i go long ol pablik bai yupela pablik ken lukim start long 1990 i kam inap nau planti man bilong man bilong Tari na Payela husat i giaman papa bilong Mt Kae i wok long trikum planti manmeri long ples na taun.

Na tu ol save raun long Hagen Kundiawa Goroka Mosbi na trikum planti ol bisnisan ol man wok long opis nambaut na tu ol man na meri holim liklik wok nambaut na giaminim ol na ol

save kisim bikipela mani bilong ol dispela lain.

Ol dispela giaman mausman o giaman komiti save grisim ol na tok taim Mt Kare mine kamap bai yu holim posisen olsem bai yu kisim kontrak olsem giaminim gut tru na kisim mani bilong tranqu ol man.

Mi wanpela papa tru bilong graun tasol mi stap long ples. Mipela ol man tru stap long ples na ol dispela pipia man karim doti sutkes raun na raun long

opis nambaut bilong wanem hap tru ya.

Noken blusitim ol manmeri na kisim mani nating.

Mipela harim pinis olsem gavman i no inap long givim aut minging lis. Husat tru bai baim ol wok long Mt Kare?. Gavman mipela harim pinis olsem ol no inap long givim minging lis olsem na plis ol man noken trikum ol manmeri raun.

Maya Igin
Hagen

Noken daunim ol arapela ben

Dia Edita,

Mi wanpela manki Pindiu long hap bilong Finsafen long Morobe Provins, nau em pes taim bilong mi long rait long Wantok Niuspepa.

Yes nau mi laik bekim pas bilong Brata ya Nizca L Pelligo bilong Finsafen na ol tambu bilong em, em ol man husat i bin komplem long em na bihain ol i bin raitim pas na daunim ol ben bilong Finsafen eria olsem Reks band na ol narapela tu. Yes ol tambu bilong Nizca L Pelengo, sapos yupela i laik komplem orait

komplem long tambu bilong yupela tasol na no ken komplem long ol ben bilong Finsafen, long wanem tingim Pelligo em i narapela man na em i no Rex ben ol ol narapela ben bilong Finsafen, na taim yupela i komplem long Pelligo yupela i wok long kolim ol ben bilong mipela na mekim kainkain toktok long ol. Mobeta yupela komplem long Nica J Pelligo tasol.

Mipela ol strongpela sapota bilong Rex ben i no laik bai yupela i bagarapim nem bilong ben bilong mipela, sapos yupela i

laik komplem orait komplem long Pelligo band tasol, na ino ol ben bilong Finsafen reggae taun.

Na laspela tok em igo long ol man husat i save komplem long ol narapela ben long nau yet na bihain tu olsem plis lusim kain pasin olsem na stap isi na sapos yu no gat laik long harim narapela ol ben plis no ken putim long pablik olsem. Yu husat i laik sapotim o ino wanbel liklik orait plis inap yu ken rait na mi ken lukim.

Tapson Yani
Pindiu Patrol Post,
Lae.

Ol meri wokim hait bisnis

Dia Edita,


Mipela ol manki long Kabiufa i no save amamas long ol meri i stap long Kabiufa Isten hailans provins. Ol i save mekim planti paul pasin long raun na mekim nabaut wantaim ol man na bagarapim ol planti man long ples. Ol i mekim meri hait pasin na kisim mani long wok bilong ol. Dispela i pasin nogut tru bilong sem. Bikos ol ino gat rispek long bodi bilong ol.

Dispela kain pasin bilong salim ol yet i kamap olsem tred stua. Tred stua yu save go na baim kaikai em sem olsem. God papa i no wokim meri long salim em na mekim bisnis. Olsem na yupela ol meri long Papua Niugini mas yusim het na wok gaden. Husat i laik sapotim mi o egensim mi rait tasol.

Aaron Ken Paul
Kabiufa, Goroka.

STRONGPELA EMPLIFAIA bilong ka Kaset bilong Ileksen

Em i ileksen tul bilong yu long bikipela ka long 1997. Yu ken pilaim ol toktok yu rekotim long dispela bekpela na strongpela PA sistem.



Characteristic

1. Em i ken strongpela na i ken stap longela taim.
2. I noken wari long pawa. Em i gat sot seket was bilong em.
3. Yu ken yusim 12 volts ka, bateri o AC 240v pawa poin long pilaim dispela emplifaia.
4. Em i gat tupela tupela spes bilong konektim tupela maikrofor.

Specifications

TYPE: Mixer Power Amplifier
POWER OUTPUT: 15 watts, less then 3% THD at 1 kHz
RATED power.
FREQUENCY RESPONSE 150Hz-15kHz ± 3 dB
INPUTS: MIC-1, MIC-2 (-42dB) 10k ohms/50k ohms
AUX (-20dB) 10k ohms/50k ohms

POWER SUPPLY: AC OR DC 12V
DIMENSIONS: 245X220X78mm
WEIGHT: 3.4KGS

1. Power switch
2. MIC-1 volume control
3. MIC-2 volume control
4. TAPE/AUX volume control
5. Play polit lamp
6. Cassette holder
7. Polit lamp
8. MIC-1 phone jack
9. MIC-2 phone jack
10. AUX phone jack

K550 i karamapim wanpela yunit PA ka emplifaia Kaset pilaia, wanpela maikrofon, wanpela bikipela spika yu ken pasim long ka. Ol lain i stap ausait long NCD i mas salim arapela K50 antap long baim balus long salim i go long yupela. Plis raitim Benk Sek or Salim Mani Kwik long:



KEYSTONE TRADERS PTY LTD
P.O. BOX 7904, BOROKO, NCD.
PHONE: 323 6618 FAX: 323 6648
Attn: THE MANAGER

(Price quoted excludes installations).

Available at
KEYSTONE SHOP ORI LAVI HAUS, UNIT 1, GROUND FLOOR
TOLEC ELECTORICS, P O BOX 822, LAE

Raitim pas long dispela
adres:

WANTOK NIUSPEPA
P. O. BOX 1982, BOROKO
NATIONAL
CAPITAL DISTRICT.

Salim pas i kam long:



Husat tokim yu long pilai poka masin?

Dia Edita

Mi laik bekim pas bilong dispela man Henry Punai i bin kamap long Wantok Oktoba 24 Septemba 1996.

Yu bin tok olsem yu wanpela grasrut manki long Wewak taun na olgeta taim yu save i go pilai poka na yu no save win liklik na tu yu bin tok olsem yu save pilai hevi bet olsem K70 na K90 tasol yu tok yu i no save win liklik

Brata dispela mani em bikpela mani na kain mani olsem yu inap baim kaikai o yu inap baim ol senis nambaut olsem kolos.

Wanpela man save pusim yu long pilai poka na yu save sikirap na i go pilai mi askim yu.

Na sapos yu yet save i go pilai watpo na yu komplem long pasim poka. Sampela mipela save pilai na poka save sevim mipela na stap.

Olsem na brata sapos yu no win liklik moabeta yu mas givap long poka na noken komplem moa long wanem nogat wanpela man save pusim yu long pilai yu yet save i go pilai na ken yu toktok planti.

Alu Telabe Hagen

Savings & Loan Society long Morobe i stap we

Dia Edita,

Mi gat wanpela komplem na mi laik autim komplem bilong mi i go olsem mi wanpela memba bilong Savings and Loan Society. Ol rauswara nating o giamanim mi na mi putim mani bilong mi long dispela benk dispela haus mani i stap we.

Mipela planti manmeri i bin memba long dispela beng bilong Saving and Loan Society. Tasol nau mipela planti manmeri na ol memba i no save long wanem hap dispela benk i stap nau.

Ating gavman kaikai mani bilong dispela Savings and Loan Society, mi sapotim Bing Limap em tok long namba 1.162 pas long Fondee Oktoba 3, 1996. Inap gavman na Wantok Niuspepa long toksave long opis o benk ya i stap we? Em tasol komplem bilong mi.

Mr Roy L. Korono Timini viles, Morobe provins.

Amos Yamandi noken krungutim Erap

Dia Edita,

Mi wanpela grasrut man bilong Erap, mi i laik komplem o toksave long memba bilong Nawaeb. Mista Amos Yamandi wantaim ol komiti bilong em olsem.

Taim bilong ileksen i kam klostu pinis. Olsem na mipela ol pipel bilong Erap ino laik tru long larim fes bilong yu Amos Yamandi wantaim ol komiti bilong yu i karim raun posta na kempen raun long Erap eria.

Sapos wanpela komiti bilong yu karim posta bilong yu i kam, em bai i go long matmat tasol.

Sapos yu Amos, kisim wantaim K500,000 orait bai yu i kam insait long Erap eria. Na tu mi i laik toksave long ol pipel bilong Nawaeb olsem yupela i mas was gut long Amos wantaim ol komiti bilong em.

Sapos ol i bagarapim yupela long mani orait yupela i ken kisim na kaikai na noken givim vot long em, na yupela i mas givim vot long wanpela rait man bilong karim hevi bilong yumi ol pipel bilong, Nawaeb, na noken givim vot nating long kain long man olsem Amos Yamandi i no gat wanpela liklik save long politik nogat tru.

Em i gat save long dring bia na kaikai mani bilong yumi ol pipel na amamas raun tasol.

Mipela harim meri bilong Amos i laik sanap resis wantaim man bilong em, em mipela i sapotim em i mas traim yu husat meri i laik traim mipela bai givim ful sapot long yu. Em tasol na yu husat i laik sapotim mi o egenisim mi rait tasol long Wantok Niuspepa.

Johnny Boi Gidaba Erap, Lae

Telefomin pipel lukaut gut long votim man

Dia Edita,

Salim vot bilong mipela long 1997 mi laik autim bel hevi na tingting bilong mi i go long ol pipel bilong mi long Telefomin Distrik.

Nau em taim bilong nesenel ileksen i kamap klostu nau na bai yumi tingting long makim husat man yumi laikim. Em long wanpela tasol long givim vot long en tasol.

Nau em taim bilong planti man husat i laik sanap long ileksen tu long go aut na stat

grisim ol manmeri long pulim vot bilong ol. Ol bai grisim ol manmeri long pasin bilong givim mani kago kaikai. Givim sevis na arapela jamting moa. Olsem na mi askim ol manmeri long telefomin distrit.

Na ol pipel ken luluk na was gut long dispela kain pasin. We bai i kamap long ol dispela kain gris lida. No ken makim ol man bilong hangre tasol long wokim nem na kisim pawa.

Mi ting nau em taim bilong mipela ol pipel Telefomin.

Mipela mas lukluk gut we man inap long bringim develop i kam insait long ples orait yumi mas votim em tasol: Sapos yupela ol pipel bilong mi long Telefomin yupela sapos yupela givim nabaut nabaut long vot orait bai yupela yet ples bilong yumi em bai kamap develop o: Nogat. Mi tokim yu givim bot nabaut nabaut bai yu kisim o bus bai kamap olgeta a? O nogat. Nau long dispela taim yumi ol manmeri mipela mas luluk gut votim em.

Long wanpela strongpela maus bilong yumi Telefomin Distrik we bai yumi makim em stret nau bai yumi lukim Telefomin bai kamap develop o nogat.

Long bipo mipela i no save na Telefomin em nem tasol i nogat develop long olsem na mi komplem na bel hevi i stap tenkyu.

Onok Sukboyok Western provins

Hevi i bilong pipel yet

Dia Edita,

Mi laik mekim komplem bilong mi i go long ol plisman bilong Goroka olsem: yupela i no mekim wanpela gutpela pasin nau i bihainim lo bilong Gavman. Yupela i mekim rabis pasin tru long mipela long kam pait wantaim mipela na paitim mipela nabaut na kilim sampela bilong mipela indai pinis. Olsem na mi laik askim yupela ol dispela plisman, bilong Goroka taun.

Dispela kain pasin em i kam long Gavman long ol plisman aninit long nem Papua Niugini O?.

Tingim, dispela pait em i no samting bilong yupela ol plisman Goroka na mipela ol Makam. Em samting bilong mipela Makam na ol dispela lain man husat i bin mekim dispela kain pasin bilong kilim man indai. Na mipela wan-

taim ol inap long stetim isi long gutpela pasin na kamapim gutpela tok bihain. Tasol, eksen yupela dispela plisman i laik (so op, olsem na hariap tru yupela i kam subim nus pinis long dispela pait.

Olsem na mi laik mekim wanpela tok igo long yupela dispela plisman. "Harim, ino gutpel long yupela ikam bikhet long mipela na soim mipela strong bilong yupeala, plis, inap na i moa gutpela long yupela i mas karim yupela yet na i go daun long Bogenvil na traim. Tok stret na yupela i go, na salim ol ami i kam bek long bes. Na bai ol i givim yupela pawa. Bilong wanem, nogut yupela i westim taim bilong yupela wantaim mipela. Go hariap long Bogenvil bai inap. Na yupela bai igat sans

long kisim biknem, Makam i no inap Bogenvil bai inap'. Yes mi laik toksave tu long pablik olsem, tingim gen tok i stap long olpela Testamen. Gavman bilong Babilon i kam pait wantaim ol Israel na winim pait na kisim olgeta manmeri na pikinini wantaim olgeta samting i go Kalabus long Babilon.

Narapela tok tu mi laik toksave long pablik olsem, "yumi olgeta i noken tingting tumas long biknem bilong dispela taim yumi mas tingting laip i stap gut oltaim oltaim na biknem insait long Kingdom bilong God Triwan long heven." God i ken blesim yupela ol dispela plisman." Em tasol na mi bai amamas tsol long yu husat laik sapotim o agensim mi.

Zeph. K. Madl Lae

Enga i gutpela pipel

Dia Edita

Pssin bilong Enga em gutpela. Brata na sista bilong PNG mi tokim yupela. Yupela tok Enga paitim man nating nating ya. Em paitim yupela long wari. Enga em i no save pas.

Yu husat man o meri mekim pastaim na Enga save i go long pait. Yu husat man Hagen o Simbu, Goroka o Kekemo. Yu mekim pastaim na Enga save kamap bikpela. Mi tokim yupela i save em na sekim pasin bilong man Enga.

Pasin bilong em yupela insait. Yu husat man o meri slip na kaikai wantaim ol pipel bilong Enga na sekim pasin bilong ol.

Brata na sista yu nogat mani. Taim yu askim buai o smok em bai tok kisim tasol. Em gutpela manki Enga, brata yu pait wantaim tupela man em Enga sapotim yu na paitim tasol.

Lasam Poromapa Mosbi

Bus kanaka man i no save long musik

Dia Edita,

Mi wanpela meri bilong Madang tasol na yet mi stap long Wewak insait long Is Sepik provins. Nau mi laik sapotim pas bilong brata bilong mi Fiam Mel insait long Madang husat i bin bekim pas bilong brata ya Nizoz J Pellengo bilong Finsafen i bin kamap long Jullai 18 na 25.

Mi laik tokim stret brata Pellengo olsem brata yu tok long ol manki Madang slip long ward bilong TB.

Brata mi ken tokim yu stret olsem yu mas jeles yu i luk olsem olgeta musik bilong Madang save bagarapim tru sindaun bilong ya o ating yu no bilong arere long rot na bai yu lukim pawa ben na bai yu save.

Yu mas wanpela nating bus kanaka insait long bikbus tru we ol manmeri i no save harim musik yet.

Emmarencia Saleman Wewak

Henganofi Open memba i no helpim tumas

Dia Edita,

Mi wanpela manki bilong Faycintina. Mi sapotim dispela tok bilong brata Ave Asi i bin kamap long Wantok nius long Ogas 22, 1996.

Brata em i tru ya, memba bilong mipela John Giheno em i stap 15 yia long haus palaman tasol, em i no lukluk long pipel bilong Faycintina na rot i go bagarap olgeta na no gat gutpela sevis tu. John Giheno, em yu kisim vot long pik o dok o rat o ol man? Ol man i givim vot long yu long helpim ol pipel. Na em yu stap wei na ol pipel i

no save lukim pes bilong yu, vivise em rait man tasol em kiamanin kot na yu win long bai ileksen.

Olsem na mi askim memba, sapos yu sanap gen, inap yu promis long mipela ol pipel bilong dispela ples olsem bai yu helpim mipela wanpela taim liklik o nogat?.

Husat brata o susa laik sapotim o egenisim dispela tok, em laik tasol.

Jersey. W Mosbi Siti

Sapos yu laik salim pas bilong yu. Salim long dispela adres: WANTOK NIUPEPA P. O. BOX 1982, BOROKO, NATIONAL CAPITAL DISTRICT. • Yu mas pas bilong wantaim trupela nem bilong yu.

Ginson Saonu em lida bilong wok hat

Dia Edita,

Mi rait long yupela inap givim spes long putim sampela tingting bilong mi kamap long Wantok nius bai arapela i ken luksave.

Mi wanpela manki Kabwun i stap long Lae na mi lukim memba bilong Kabwun Ginson Saonu i save wok hat tru long kirapim developmen insait long Kabwun Distrik. Mi bilip sapos em i stap longpela taim long palaman bai Kabwun Distrik bai senis na planti developmen bai kamap.

Wanpela samting memba Saonu save mekim na mi save amamas em olsem, em save raun lukluk long ilektoret bilong em klostu, klostu na em save igo long Komba, Selepet, Timbe na Saprmaufa olgeta. Long

dispela rot memba i save gut long hevi bilong ilektoret bilong em na ol pipel i luksave long em olsem memba bilong ol stap na wok. Olpela memba bipo ol i no save raun olsem. Taim bilong kempen ol save i stap long Mosbi na Lae na ol i save i go i kam tasol long Kabwun stesin tasol.

Olsem na mi askim memba Saonu long srukim dispela gutpela wok bilong yu. Wanem hap ol votim yu o nogat yu mas i go na lukim ol. Dispela em pasin bilong yupela lida.

Yu husat brata laik sapotim o nogat em tingting bilong mi putim kamap.

Zaime Kaliwa Kabwun

NOTICE TO CANDIDATES FOR ELECTION '97

Do you want to get your message to the grassroots population of Papua New Guinea?

WANTOK is the nation's only Pidgin language newspaper and our competitive rates enable you to advertise your policies at a reasonable cost.

For example:

FULL PAGE only	K731.50
HALF PAGE only	K365.75
QUARTER PAGE only	K209.00

SPOT COLOUR only	K200.00
FULL COLOUR only	K800.00

INSERTS at only K60.00 per thousand.

CALL THE ADVERTISING DEPARTMENT

T O D A Y !

Phone: 325 2500 - Fax: 325 2579



WORD PUBLISHING COMPANY, P.O. BOX 1982, BOROKO, NCD.



WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214
Jeffrey Mallou Ext. 215
Jack Mahuru Ext. 217

FOR SALE!!

(1) YAMAHA P 85 (AWM) ELECTRONIC PIANO

- VOLUME CONTROL - HARPSICHORD
- CHORUS - VIBES
- PIANO 1 + 2 - TRANSPOSE/MIDI
- ELECTRIC PIANO - SUBTAIN PEDAL

K1000.00 ONO

(2) ROLAND JAZZ CHORUS 77 GUITAR AMPLIFIER

- LOW + HIGH INPUT - BASS
- DISTORTION - REVERB
- HI - TREBLE - FIXED + MANUAL CONTROL
- TREBLE CHORUS
- MIDDLE - CONTROL FOR CHORUS RATE

IDEAL FOR ALL PURPOSE/WIDE REPERTOIRE
LEAD GUITARISTS. MUST SELL!

K900.00 ONO

CONTACT: VALI DAVID PH: 325 2500

MIPELA I SALIM



THE Independent

Baim wanpela kopi tete na lukim
ol nius bilong PNG, wol na
kainkain nius bilong spot tu.

*Pepa
bilong yumi
stret!*

**LONG
60t
tasol**

BAIM NA RITIM!



TOK SAVE I GO LONG OLGETA MANMERI HUSAT I GAT SEA WANTAIM INVESMEN KOPRESEN FAN BILONG PNG - 1995 WIN-MONI (DIVIDENDS)

Bod na Menesmen bilong Invesmen Kopresen bilong PNG i amamas tru long tokaut long yupela, ol gutpela sea-holda long kaikai bilong olgeta wok Kopresen i bin mekim long i kam inap long Desemba 31 1995.

Invesmen Kopresen i bin mekim K4,894,004 profit long 1995, bihain long ol odita i bin sekim buk bilong yumi. Dispela i bin wanpela gutpela sain, bikos long 1994, yumi bin mekim K2,841,556. Tasol long 1995, profit i bin karap olsem 72 pesen.

Long dispela as, Bod husat i bihainim tok bilong Menesmen, ol man husat i save lukautim moni bilong yumi i bin tok orait long apim win moni (dividends) i go antap 16 toa long wan wan sea.

Mipela i salim pinis olgeta win moni sek bilong yupela long Pot Mosbi Pos Opis long April 15. Yu bai kisim sek bilong yu long pos opis bilong yu liklik taim.

Wantaim dispela, Bod na Menesmen i laik tok sori long skurim taim bilong salim win moni bilong yupela hariap. Mipela i bin leit bikos, mipela i bin wet long ol odita i kam sekim olgeta buk bilong yumi pastaim. (Odita i no bin sekim buk bilong mipela inap long Mas 13, 1997).

Mipela laik tok klia long yupela olsem, ol wokman/meri bilong mipela i wok hat tru i stap long 1996 win moni bilong yupela. Bai mipela redim olgeta samting long Ogas na salim ol win moni bilong yupela i kam long dispela taim. Yupela i ken amamas, bikos long 1996, mipela i bin mekim moa profit, winim 1995.

Yupela bai amamas tu long harim olsem, Invesmen Kopresen i bin mekim bikpela moni olsem K12.4m na win moni ol odita i no sekim yet olsem K8.2m long 1996. Dispela em i antap tru winim na brukim rekot long taim Invesmen Kopresen i bin stat 26-pela krismas i go pinis.

Dispela i soim olsem, long dispela taim nogut kantri bilong yumi bin stap insait long en las yia, Invesmen Kopresen i bin sanap strong tru na mekim bikpela moni. Dispela tu em kaikai bilong ol gutpela saveman na meri husat i save ranim fan bilong yumi.

Antap long olgeta, gutpela kaikai bilong wok bilong Invesmen Kopresen insait long dispela 26 yia i tokaut long em yet. Mipela i bin givim win moni i go long olgeta manmeri i gat sea wantaim Invesmen Kopresen long las 15 yia. Tasol dispela em wanpela bikpela samting na brukim tru rekot. Ating em mas fes long PNG.

Narapela bikpela samting tu long Invesmen Kopresen em, mipela i bin inves long planti bikpela kampani na tu long kain kain bisnis. Fan bilong yupela i gat sea long sampela biknem kampani husat i gat nem long salim samting insait long kantri bilong yu.

As ting ting na rot we Invesmen Kopresen i save ran em long kisim bikpela win moni i kam long yupela ol manmeri i gat sea long liklik kos tasol. Dispela plen i bin givim mipela gutpela kaikai long gutpela taim na taim nogut wantaim, na tu helpim long kamapim sampela gutpela resalt.

Go bek long 1995 na 1996 resalt, na tu tingim gen ol dispela namba i stap antap, Invesmen Kopresen i bin mekim dispela moni long 1992 -1996:

Mama Moni	-	04.37%
Win moni	-	07.17%
Bungim tupela wantaim (mama na win moni)	-	11.56%

Dispela gutpela resalt i soim olsem, Fan bilong yu em olsem wanpela gutpela invesmen, we i save mekim gutpela moni na bringim bikpela win moni i kam long yupela long sotpela taim tasol.

Bod na Menesmen bilong Invesmen Kopresen ov PNG i no pret long tokaut long yupela olgeta olsem, asosesen wantaim ol moni bilong yupela i bin mekim bikpela win moni long kantri. Long dispela as, mipela askim yu long putim moa moni wantaim mipela long apim invesmen bilong yu i go antap. Long dispela rot, yu ken tok aut long yu yet olsem, bai yu gat bikpela moni long bihain taim. Na tu ol bai ol wan lain bilong yu bai i no inap sot long moni bihain.

Long pinisim olgeta tok tok, mipela ol memba bilong Invesmen Kopresen bilong PNG Bod, Menesmen na ol wokman/meri i laik salim tok amamas bilong mipela i go long yupela olgeta, ol gutpela sea holda, long soim laik wok long givim mipela moni yet.


FAN ADMINISTRETA
(INVESMEN KOPRESN BILONG PNG)



• ANTAP: Hops! daunim het nogut bai het bilong yu i raus. Skulbois soka salens.



• ANTAP: Strongpela soka salens long Mosbi las wiken namel long Babaka na GFC. Babaka win.



• ANTAP: Nesenel sofbal eksen long Mosbi las wiken. Oi meri Mosbi win gen . . . RAITHAN: Oi skulbois soka long Mosbi las wiken tu i go strong moa.



Kaputs yut ragbi tas grenfainal

LAS BETS Eels: Ol Malio em primia na sampion tas kalap bilong Gerehu Stet 5 insait long Kaputs Tas Resis insait bilong Mosbi Siti.

Las Sande moa long 1000 manmeri na pikinini i bin witnessim wanpela stail pilai bilong ol manki bilong Gerehu. Olgeta 6-pela klap i bin pilai insait long dispela resis. Em wanpela fida resis bilong Gerehu Unaited Klap husat nau i pilai insait long bikpela Mosbi Ragbi Lig Resis.

Ol klap em: TDM Bulldogs, BSB Roosters, Riverside Warriors, Highway 76 Raiders na ol Malio yet. Olgeta tim i sampion na wina. Tasol lo bilong gem na laip i tok, wanpela i mas kism namba antap long arapela. Bai ol i mas pait long pilai na kism dispela namba.

Dispela taim ol Malio i wel nating insait long Gerehu stet 5 swamp o tais putim tripela trai long winim ol Raiders i lukim trai lain bilong ol Malio wanpela taim tasol.

Ol manmeri i lukim pilai i tokim Wantok Nius olsem stail bilong manki i moa yet. Na sampela mama na susa i no sindaun gut taim ol boi i stailim insait long pilai graun. Ol Raiders i traim long paitim ol Mailo, tasol ol i wel gut tru na slip antap long trai lain bilong Raiders tripela taim. Skipa bilong ol Last Bets Tony Navara i kism top pilaia awod. Pe bilong dispela pilai. Bikos em brukim banis bilong ol Haiwei 76 na tu pasim na bagarapim ol trai bilong ol. Na kepten bilong Haiwei Mathew Maro soim tu stail bilong em olsem lida na plaia long dispela gem.

Koneta bilong dispela resis Kelly John i amamas na aiwara i pundaun taim kaikai bilong hat wik bilong em i bin karim kaikai. Em tok tenkyu long olgeta sponsa, mama na papa, olgeta lain yut insait long dispela resis i sapotim em. Em tok tenkyu long katolik sios na Fr. Patrick Bai, Peris Pris bilong St Paul long Gerehu stat 5 long larim ol i yusim graun bilong long kamapim dispela yut spots program. Dispela stapim ol yangpela long mekim ol pasin i no stret long siti.

Yut long Gerehu bung na pilai wantaim

EDDIE SAUNDERS i raitim

OL YANGPELA (yut) bilong Gerehu stet 5 long Mosbi siti i soim gen ol i ken bung wantaim na oganaisim ol yet na mekim samting nau.

Las Sande (Epril 13) ol i bin holim gren fainal bilong tas ragbi bilong Kaputs yut tas resis. Tasol dispela i no progrem nating. Em wanpela ektiviti bilong bikplea strit yut rihabilitesen progrem bilong Kaputs yut Faundesin, Siman bilong Faundesin Vitor Soni tok.

Ol Kaputs i bin lonsim dispela rishabilitesen program bilong ol las yia (1996) long Septemba. Na ol i pes lain long siit long oganaisim na holim komyuniti yut so insait long Mosbi siti. Victor na ol komyuniti lida insait long Gerehu i amamas long ol yut.

Bikos ol soim olsem ol i ken oganaisim ol yut na bringim ol i kam bung wantaim. Amamas na bringim bel isi pasin ken i stap insait long komuniti. Stet 5 long Gerehu, em ples we polis na planti ol manmeri i save pretim. Ol i gat nem long raskal pasin long Mosbi siti. Tasol dispela i no tru. Nau ol yut yet traim bringim dispela nem nogut i kamap gutpela. Ol yut lida i gat wanwan wok long ranim wan wan ektiviti. Spot na sosal, yut len-skeping, projek, bend grup, drama na danis na lotu grup. Na long Sande, ol i save pilai ragbi tas, em sosal na spot progrem. Kelly John i go pas long em. Na yangpela Kelly i amamas long em i lukim kaikai i kamap long oganaisin bilong em.

"Mi amamas tru long lukim manki i harim tok, bung wantaim na mekim progem bilong mi i karim kaikai," em i bin tok.

Na Patrick Bai, Pater bilong St Paul Katolik sios i amamas long ol yut long stet 5. Em i stap insait long dispela taim na givim ol trophy.

Pater Patrick i save larim ol yut long yusim ol graun bilong sios long stet 5. "Mi amamas long wok wantaim yupela," em bin tokim moa long 5000 ol yut na papa/mama husat i bing bung long lukim dispela pilai.



• Ol meri A B bears i binn soim amamas bilong ol bihain long winim Pot Mosbi taitel long las wikend. Ol bin nekim Wantok 5-4. Foto: Herry Kombega.

Rapatona winim PMSA pri-sisen taitel long namba tu taim gem

WATSON GABANA i raitim

BIHAIN long foapela wiken pri sisen gem bilong Pot Mosbi soka asosesen, Rapatona i bin kamap sampion long sainim nem bilong ol i go antap long nambawan Coca Cola sil.

Rapatona i bin winim bek dispela taitel bihain long ol i bin rausim tiket bilong Babaka 2-1 long las wik Sande long Bisini soka pak. Rapatona i bin winim Universiti long wanpela golden gol long penelti sut aut na ol Babaka i bin dastim Hoods 3-1 long pilai insait long dispela pri sisen fainel.

Long dispela gren fainel pilai, tupela tim wantaim i bin kamapim strongpela pilai tru. Tupela tim wantaim i bin strongim sait bilong tupela gut tru. Taim ol manki Rapatona i laik brukim banis bilong Babaka na laik skoa, hariap tru, ol boi nogut bilong Babaka i rausim bal long lek bilong birua. Ol mekim olsem i go inap hap taim. Long hap taim, tupela tim wantaim i bin stap nogat gol yet. Tasol taim ol i bin kam bek long seken hap, tupela tim wantaim i bin sanisim gem plen bilong tupela na salim bal i go i kam na kirap nogut, Rapatona i bin fes tim long skoa. Experiens pilai bilong Rapatona, Geoffery Emang i bin pairapim nambawan gol bilong dispela pilai long 20 mita mak we kipa bilong Babaka i no bin lukim na bal i bin danis antap long net.

Tasol kwik taim, ol manki nogut bilong Babaka i kam bek gen long pilai na bihain long wanpela kona kik, gol-

putim wanpela gol tasol taim i bin sot.

Long divisen bilong ol meri, Telikom i bin nekim ol meri TST Star long kamap kwin bilong PMSA pri sisen long sem de. Ol meri telepon waia i bin kukim ol meri TST Star, 2-0 long kamap fes tim long sainim nem bilong ol dispela Coca Cola pri sisen sil.

Long lusas kompetisen, ol Guria i bin winim Defence long kamap wina bilong plat. Dispela gem i bin winim sapota bilong planti manmeri. Tupela tim wantaim i bin pilai i

go na dro long ful-taim. Olsem na ol i bin i go insait long extra taim na bihain ol i go insait long penalti sut aut. Guria i bin winim dispela taitel bihain long Defence i bin popai long skoa.

Propa sisen bilong PMSA bai kik ov long dispela wiken. Nau yet, presiden bilong PMSA, Mark Kelep i bin askim olgeta klap long givim olgeta risit bilong ol afiliasen na rejistresen fi bilong ol i go long em hariap. Dispela bai mekim isi long em i ken putim nem bilong ol long dro.

Long lusas kompetisen, ol Guria i bin winim Defence long kamap wina bilong plat. Dispela gem i bin winim sapota bilong planti manmeri. Tupela tim wantaim i bin pilai i



• Ol meri Telikom wantaim TST Stars long las wik pri-sisen gred fainel. Telikom bin winim TST Stars 2-0.

LAHI SOCCER ASSOCIATION
WEEK THREE
Sik Stadium

Saturday

8.00	U/19	S/striders v M/Bay Utd
9.15	W1	Asiawe v Sunstriders
10.30	W1	Gaziga v Sobou
12.00	First	S/striders v M/Bay Utd
2.00	P1	Gaziga v Unitech
4.00	P1	Morobe United v Guria

Sunday

8.00	U/19	Morobe Utd v Elcom
9.15	W1	Guria v Unitech
10.30	W1	Elcom v Rapatona
12.00	P1	Sobou v Elcom
2.00	P1	Asiawe v Telekom
4.00	P1	Rapatona v Sikambu

Uni 1

Saturday

11.00	W2	L/Biscuit v E/Stars
12.15	W2	Sikambu v Telekom
1.30	2	Sobou v Elcom
2.45	P2	Asiawe v Telekom
4.00	P2	Rapatona v Sikambu

Sunday

11.00	W2	North West v Defence
12.15	P2	Unitech v Gaziga
1.30	P2	Morobe Utd v Guria
2.45	D2	Kurti Andra v Bugandi
4.00	D2	S/Blues v Lae Biscuits

Uni 2

Saturday

11.00	W1	M/United v Waliya
12.30	D2	Kalem Utd v Dal Labu
2.00	D1	Muna v Late Funzun
4.00	D1	Mungkas v Lae Biscuit

Sunday

11.00	D2	Eastern Stars v Notnas
12.45	D2	Sunstriders v Kuac
2.00	D1	Wullet v North West
4.00	D1	Defence v Gee Otton

Uni 3

Saturday

10.00	U/19-1	Bugandi v Sobou
11.15	U/19-1	Telekom v Rapatona

Sunday

10.00	U/19-2	Guria v Lae Biscuits
11.15	U/19-2	Guria v Eastern Stars

PORT MORESBY SCHOOL SOCCER ASSOCIATION

WEEK FOUR DRAW (12.04.97)

Under 7

8.00	Murray 1 vs Korobosea 0	3 1 7.010
8.40	Pom Int'l 2 vs Ela Beach 1	3 1 7.01
9.20	St. Joseph's 1 vs Gordons 4	3 1 7.012

Under 8

8.00	Korobosea vs Vacant	8 1 8.012
8.40	Pom Int'l 1 vs Gordons 0	8 1 8.013
9.20	Ela Beach 5 vs St. Joseph's 0	8 1 8.014
10.00	Murray 0 vs Ela Beach B 0	8 1 8.015

Under 9

8.00	Pom Int'l vs W.S. Demo	5 1 9.013
8.40	Korobosea 1 vs Gordons/Koro 0	5 1 9.014
9.20	Murray 0 vs St. Joseph's 2	5 1 9.015
10.00	Ela Beach 1 vs Philip Aravure 1	5 1 9.016

Under 10

8.00	Ela Beach 1 vs De La Salle 0	10 1 10.013
8.50	Korobosea 8 vs Gordons 0	10 1 10.014
9.40	Pom Int'l 0 vs St. Joseph's 1	10 1 10.015
10.30	Murray 3 vs Ted Diro 1	10 1 10.016

Under 11A

8.00	Pom Int'l vs Vacant	11 1 11.012
8.50	Murray 1 vs Gordons A 0	11 1 11.013
9.40	Korobosea 4 vs Sacred Heart 0	11 1 11.015

Under 11B

8.00	Ela Beach B 1 vs Philip Aravure 0	2/1 1 11.110
8.50	Gordons B 3 vs St. Peters 0	2/1 1 11.111
9.40	Korobosea B 4 vs W.S. Demo 0	2/1 1 11.112

Under 12A

8.00	Pom Int'l 2 vs Korobosea A 1	2/2 1 12.011
8.50	St. Joseph's 1 vs Ela Beach 1	2/2 1 12.012
9.40	Murray 2 vs Gordons 0	2/2 1 12.013

Under 12B

10.30	St. Peters 1 vs W.S. Demo 0	2/2 1 12.111
11.20	Philip Aravure 0 vs Korobosea B 1	2/2 1 12.112
10.30	Kila Kila Prim. vs Ted Diro 0	2/1 1 12.113

Under 13

8.00	Pom Int'l 1 vs St. Peters 2	6 1 13.013
9.00	St. Joseph's 6 vs Sacred Heart 0	6 1 13.014
10.00	Ela Beach 6 vs Philip Aravure 0	6 1 13.015
11.00	Pom Grammar 1 vs Gordons 4	6 1 13.016

Under 14A

8.00	W.S. Demo 0 vs Bavaroko A 1	7 1 14.011
9.00	Korobosea 0 vs St. Peters 5	7 1 14.012
10.00	Pom Int'l 5 vs Philip Aravure 0	7 1 14.013

Under 14B

11.00	Kila Kila Prim 0 vs Bavaroko 2	7 1 14.111
12.00	Pom Grammar 2 vs Holy Rosary 3	7 1 14.112
12.00	Ted Diro 0 vs De La Salle 11	8 1 14.113

Under 15A

8.00	De La Salle 2 vs Gerehu High 1	1 1 15.013
9.00	Sacred Heart 1 vs Holy Rosary 2	1 1 15.014
10.00	Don Bosco 0 vs Coronation 1	1 1 15.015
11.00	Hohola Youth 0 vs Ted Diro 2	1 1 15.016

Under 15B

12.00	St. Theresa 0 vs Kila Kila High 1	1 1 15.111
12.10	W.S. Demo 0 vs Ted Diro B 2	2 1 15.112
1.10	Pom Grammar 0 vs Bavaroko 1	2 1 15.113

Under 16A

8.00	De La Salle A 2 vs Bavaroko 1	1/5 1 16.012
9.00	Pom Int'l 2 vs St. Theresa 2	1/5 1 16.013
10.00	Don Bosco 5 vs Maino Heduru 0	1/5 1 16.014
11.00	Sacred Heart 0 vs Kila Kila High 3	1/5 1 16.015

Under 16B

12.00	Hohola Youth 2 vs Maino Heduru 0	1/5 1 16.110
1.00	Coronation 1 vs De La Salle B 0	1/5 1 16.111
1.00	St. Peters 2 vs Pom Grammar 0	7 1 16.112

1997 LEAGUE LADDER (After Week 4)




TEAM	P	W	L	D	FF	NR	FA	PT
UNDER 7								
Pom Int'l	4	4	0	0	0	0	10	12
Murray	4	2	2	0	0	12	13	6
Ela Beach	4	2	2	0	0	11	12	6
Gordons	4	2	2	0	1	0	10	6
St. Joseph's	4	2	2	0	0	10	10	6
Korobosea	4	0	4	0	0	2	6	0
UNDER 8								
Pom Int'l	4	4	0	0	0	0	7	12
St. Joseph's	4	3	1	0	0	0	4	9
Ela Beach A	4	2	2	0	0	0	9	6
Korobosea	4	2	2	0	0	2	5	4
Murray	4	1	2	1	0	0	2	4
Ela Beach B	4	1	1	1	1	0	2	4
Gordons	4	1	3	0	2	0	1	3
Vacant	4	0	3	0	4	0	0	0
UNDER 9								
St. Joseph's	4	4	0	0	0	0	5	12
Ela Beach	4	2	0	1	0	1	7	7
Philip Aravure	4	2	1	1	0	0	4	7
Korobosea A	4	2	0	0	2	2	0	6
W.S. Demo	4	1	2	0	2	1	2	3
Murray	4	0	3	0	1	1	0	0
Pom Int'l	4	0	1	0	0	3	0	0
Gordons/Koro B	4	0	4	0	2	0	0	0
UNDER 10								
Korobosea	4	3	1	0	0	0	11	9
Ela Beach	4	3	0	0	0	1	4	9
St. Joseph's	4	3	0	0	0	1	3	9
Gordons	4	2	1	0	0	1	2	8
Murray	4	1	2	0	0	1	3	3
Pom Int'l	4	1	3	0	1	0	3	3
Ted Diro	4	0	3	0	3	0	1	0
De La Salle	4	0	3	0	4	0	0	0
UNDER 11A								
St. Joseph's	4	3	0	1	0	0	9	10
Korobosea A	4	2	0	2	0	1	1	8
Ela Beach A	4	2	0	2	0	0	1	8
Gordons A	4	2	2	0	0	0	6	6
Murray	4	2	2	0	0	0	5	6
Pom Int'l	4	1	2	1	0	0	4	4
Vacant	4	0	3	0	4	0	0	0
Sacred Heart	4	0	3	0	2	0	0	0
UNDER 11B								
Korobosea B	4	3	0	1	0	0	9	10
Gordons B	4	3	0	1	0	0	1	10
St. Peters	4	2	2	0	0	0	7	6
Ela Beach B	4	1	1	2	0	0	2	5
W.S. Demo	4	1	3	0	1	0	3	3
Philip Aravure	4	0	4	0	0	0	4	0
UNDER 12A								
Pom Int'l	4	3	0	1	0	0	6	10
Korobosea A	4	3	1	0	0	1	2	9
Ela Beach	4	2	1	0	0	1	2	3
Murray	4	1	2	0	1	1	2	3
St. Joseph's	4	0	2	2	1	0	2	2
Gordons	4	0	2	2	0	1	7	2
UNDER 12 B								
St. Peters	4	4	0	0	1	0	8	12
Korobosea B	4	2	1	0	1	0	3	6
W.S. Demo	4	1	1	0	1	1	1	3
Kila Kila Prim.	4	1	2	0	3	0	1	3
Philip Aravure	4	0	1	0	2	2	0	0
Ted Diro	4	0	2	0	2	1	2	0
UNDER 13								

St. Joseph's	4	4	0	0	0	0	19	12
Gordons	4	3	0	1	0	0	15	10
Ela Beach	4	3	1	0	0	1	14	9
St. Peters	4	2	0	2	0	0	8	8
Philip Aravure	4	1	2	1	0	0	14	4
Pom Int'l	4	1	3	0	0	0	4	3
Pom Grammar	4	0	4	0	1	0	12	0
Sacred Heart	4	0	4	0	0	2	15	0
UNDER 14A								
Pom Int'l	4	4	0	0	0	0	24	12
Philip Aravure	4	3	1	0	0	0	13	9
St. Peters	4	2	1	0	0	1	6	7
Bavaroko A	4	1	1	2	0	5	5	5
W.S. Demo	4	1	3	0	0	3	10	3
Korobosea	4	0	3	1	0	4	21	1
UNDER 14B								
De La Salle	4	2	1	1	0	1	14	7
Holy Rosary	4	2	1	0	0	0	8	7
Bavaroko B	4	2	2	0	1	0	4	6
Ted Diro	4	1	2	0	1	1	13	3
Pom Grammar	4	0	4	0	2	0	7	0
Kila Kila Prim.	4	0	3	0	2	1	0	0
UNDER 15A								
Holy Rosary	4	4	0	0	0	0	17	12
De La Salle	4	3	1	0	1	0	10	9
Sacred Heart	4	3	1	0	0	0	5	9
Coronation	4	2	1	1	0	0	11	7
Don Bosco	4	1	3	0	0	0	5	3
Hohola Youth	4	0	4	0	1	0	10	0
UNDER 15B								
Kila Kila High	4	2	0	1	0	5	3	7
Bavaroko	4	2	0	1	1	0	6	6
Ted Diro B	4	2	0	1	1	0	6	6
St. Theresa	4	1	2	0	1	1	2	3
W.S. Demo	4	0	2	1	0	2	6	1
Pom Grammar	4	0	2	1	1	3	13	0
UNDER 16A								
Kila Kila High	4	3	0	1	0	7	0	0
Don Bosco	4	3	1	0	0	7	1	9
De La Salle A	4	2	1	1	0	5	7	7
Bavaroko -	4	2	1	0	1	0	6	6
Pom Int'l	4	1	1	2	0	6	5	5
St. Theresa	4	1	2	0	3	4	4	4
Sacred Heart	4	1	3	0	0	2	8	3
Maino Heduru	4	0	4	0	0	0	13	0
UNDER 16 B								
St. Peters	4	3	0	0	1	7	1	9
Coronation	4	2	0	2	0	5	2	8
Hohola Youth	4	2	1	0	0	5	7	7
Maino Heduru	4	1	3	0	0	2	6	3
Pom Grammar	4	0	2	2	1	0	2	2
De La Salle B	4	0	2	1	0	2	4	1
UNDER 17A								
De La Salle	4	2	0	1	0	1	2	7
Hohola Youth	4	2	1	0	0	1	8	6
Gerehu High A	4	2	2	0	0	6	6	6
B.V. Center	4	2	2	0	0	6	4	6
Don Bosco	4	1	2	1	0	6	4	4
Maino Heduru	4	0	4	0	0	0	14	0
UNDER 17B								
Coronation	4	3	0	1	0	1	2	10
Kila Kila High	4	2	1	0	1	3	4	5
Pom Int'l	4	2	1	0	1	1	2	6
Gerehu High B	4	1	0	1	1	1	4	4
Pom Grammar	4	1	2	0	1	0	7	3
Badihagwa High	4	0	3	0	4	0	3	0

PORT MORESBY PUBLIC SERVANTS VOLLEYBALL ASSOCIATION DRAWS

Grandfinals

Sunday March 20, 1997.



FIFA skelim strong bilong ol soka kantri

...Australia stap long Wol Kap mak

SOLOMON Ailan i sanap antap long ol Pasifik kantri insait long lukluk na strong bilong soka insait long rijen. Dispela em wanpela ripot bilong FIFA, mama bodi bilong soka insait long wol.

Ripot bilong FIFA i sanapim planti soka kantri insait long wol long antap level tru i go daun olgeta long las kantri we soka i no strong yet long ol.

Insait long Pasifik rijen, FIFA i sanapim Solomon Ailan olsem wanpela strongpela soka kantri insait long Pasifik rijen. Namba tu long Solomon Ailan em Fiji. Fiji tu em wanpela strongpela kantri insait long rijen bikos em i stap nau long pilai insait long Wok Kap soka kwalifai egensim Australia. Na tu em i save oltaim winim ol bikpela soka tonamen insait long Pasifik rijen olsem Melenensian Kap soka salens.

Namba tri kantri FIFA i skelim em olsem namba tri long soka insait long Pasifik rijen em Tahiti. Tahiti i bin winim Saut Pasifik Gems soka taitel long 1995. Dispela i bin wanpela strongpela salens tru Tahiti i bin go insait long en na winim SP Gems soka taitel. PNG tu i bin go tasol em i lus long nokaut.

Bihain tasol long Tahiti em Tonga wanpela kantri long wansolwara yet bilong Pasifik rijen. Tasol ol i stap long Polinesia long sait bilong Osenia rijen. Tonga i stap namba 4 long soka level na PNG i kamap 5 long Tonga insait long Pasifik rijen. Bihain long PNG em Westen Samoa, Vanuatu na Cook Island.

Dispela ripot em FIFA i bin sanapim taim em i laik skelim na glasim olgeta soka kantri husat i memba long wol soka bodi.

Tupela bikpela kantri insait long Osenia rijen em Nu Silan na Australia. Nu Silan i stap antap liklik olgeta dispela kantri long Pasifik rijen na ol dispeal Polinesia kantri.

Tasol bikpela ailan bilong rijen, Australia i wokim bikpela nem tru long go antap olgeta klostu long mak bilong go insait long bikpela soka resis bilong wol kap.

Australia husat i stap long namba 55 i kalap i go antap tru long namba 33 nau insait long olgeta kantri husat i memba long FIFA. Dispela em bikos long bikpela senis Australia i kamapim long kisim nupela soka kosa i kam long Inglen long kosim nesanel tim bilong ol long gispela yia.

Dispela mak Australia i stap long en i no nogut. Bikos mak bilong FIFA long katim ol tim o kantri long kisim i go insait na kik long Wol Kap soka resis olgeta 4-pela krismas em long wan i go long 32. Na Australia i stap tasol nau long 33. Sapos Australia i winim liklik sans moa, em bai wokim nem long Wol Kap kik long yia 20002 long Japan.

Ol kantri i stap namba wan na antap tru long lista bilong ol wol soka kantri em; namba wan em Brasil. Brasil em biknem kantri bilong Saut Amerika we biknem wol soka pilaia olsem Pele i bin kam long en. Namba tu long en em, Jemeni. Jemeni tu i gat nem long planti Wok Kap soka resis long bipo yet i kam. Planti taim em i save go long gren fainel na lus. Tasol sampela, em i win na kamap Wol Kap sempion.

Namba tri long tupela em Frans na namba 4 em Spein na Denmark. Bihainim i go em planti arapela kantri moa yumi save lukim na harim nem bilong ol.

Mommers ting PNG inap win long Mosbi

YAKAM KELO i raitim

PNG SOKA tim bilong ol man bai bung tude long Insevis Koles long Mosbi long statim namba wan trening kem bilong ol long Wol Kap kwalifai gem bilong ol egens Nu Silan na Fiji.

Presiden bilong PNG Futbol Asosiesen (PNGFA) Peter Mommers i tokaut olsem bai skwat long PNG i ken go het long trening bilong ol long bungim gen ol pilaia na kamapim trening bilong ol.

Dispela trening bai i stap olsem wanpela wik samting.

Tasol em i tok arapela hap bilong holim gen namba tu trening kem em ol i no klia yet. Tasol bai PNGFA i holim eksekutiv bung long dispela wiken tu long Mosbi olsem na bai ol i stretim dispela samting.

Mommers i tok de bilong PNG i pilaim Nu Silan na Fiji i senis bikos FIFA, mama bodi bilong soka i mekim senis long olgeta program bilong ol. Bikos FIFA i oraitim gem bilong Australia egensim ol lain long Asia, dispela i pusim gem bilong PNG, Nu Silan, Fiji na Solomon Ailan long kam fowet.

Tasol Mommers i tok em i wetim yet bekim bilong Nu Silan long dispela ol i ken

mekim gen wanpela nupela taim.

Nu Silan i askim long PNG i mas pilaim tupela gem bilong em long Brisben Australia. Tasol PNGFA i no wanbel long dispela.

PNGFA i ting wanpela gem i mas kamap long PNG long Mosbi. Dispela inap givim moa sapot long tim bilong mipela yet. Na tu Nu Silan i gat sans long lus long PNG sapos em i pilai long Mosbi bikos ples bai hot na PNG i ken wiim sans long dispela, Mommers i tok.


"Ol Vipers i wok long i winim olgeta ragbi gem bilong em egensim ol Kwinslen tim long

Mosbi bikos Mosbi em ples hot".

Mommers i ting PNG bai i gat bikpela sans long winim ol gem bilong em egens Nu Silan na Fiji. Olsem na em i strong long makim gutpela hap bilong gem i mas stap long en.


Mommers i tok olgeta menesmen tim bilong PNG soka tim i stap yet na i nogat senis long en. Nesanel kosa em Richard Nagai, asisten kosa em Robert Popat na tim menesa em Philip Pakop.

Olgeta pilaia tu i stap wankain yet tasol kosa yet bai tokaut sapos i gat sampela senis long ol pilaia o nogat.



Klia long mi ... • Strongpela ragbi lig salens long las wiken long Mosbi namel long PNG NRL Vipers tim na Brisbane Brothers. Vipers bin winim ol 40 - 24. Foto IVAN BAYAGAU.

insait: • 8 pes Ragbi Lig nius



• Trangu bai yumi no inap lukim pes bilong ol dispela manki bilong Madang gen long dispela SP Inta Siti resis.

Kumuls trial gem long dispela wiken long Lae

Papua Niugini Ragbi Futbal Lig i kamap pinis wantaim tupela tim bilong long pilai dispela wiken. Bihain long dispela gem bai ol i kamap wantaim Kumuls tim bilong pilai wantaim Niu Silan long Ocenia sem-piosip.

PNG KUMULS TRAIM GEM:

POSSIBLES

- 1 Robert Sio Crushers
- 2 James Kops Eagles
- 3 Andrew Norman Bombers
- 4 Joe Lema Cowboys
- 5 Jackery Kipsy Cowboys
- 6 Fatty Buko Lahanis
- 7 David Glipu Bombers
- 8 Raymond Karl Muruks
- 9 Max Tiri Eagles
- 10 Peter Walters Guria
- 11 Cedric Kengi Muruks
- 12 Main Pagau Warriors
- 13 Billy Aki Cowboys
- 14 Michael Pagau Warriors
- 15 Billy Kinsim Bombers
- 16 Thomas Neali Mioks
- 17 Willie Gabriel Muruks

- Kosa: Leva Tete
- Menesa: Marco Corrigan
- Treina: Willie Gabriel
- PROBABLES:**
- 1 Ruben Ruing Muruks
- 2 Charlie Ombi Warriors
- 3 Joseph McConnor Gurias
- 4 Ivan Mosoka Lahanis
- 5 Petrus Thomas Bombers
- 6 Stanis Kale Guria
- 7 Mark Mom Lahanis
- 8 Steven Kale Cowboys
- 9 Daniel Lucas Bombers
- 10 Micky Culligan Eagles
- 11 Paul Minapi Mioks
- 12 Eremas Bakti Gurias
- 13 Charlie Guambo Gurias
- 14 Moses Vicky Warriors
- 15 Randal Kaupa Warriors
- 16. Jacob Kipongi Mioks
- 17. Oscar Zulu Lahanis
- Kosa: Bal Numapo
- Menesa: Jim Kari
- Traina: Levite Abuzo

Madang Globe Trotters aut long SP Inta Siti resis

WATSON GABANA i raitim

PLANTI bikman bilong ragbi lig long Madang i bin sutim tok long ol politisen bilong Madang olsem, ol i no bin helpim ragbi. Long dispela as, bai Madang nogat tim long SP Inta siti resis long dispela yia.

Kosa bilong Madang Globe trotters, John Jacob i bin tok olsem; em sori tru long harim olsem, Madang bai nogat wanpela tim insait long dispela yia. Em tok moa: "Sapos Madang bai lusim planti sapota bilong ol i stap nabaut long kantri na tu kompetisen hia bai i no inap olsem bipo, bikos ol pilaia i no inap pilai strong. Long dispela rot, bai yumi kilim i dai spirit bilong ragbi hia long Madang."

Wanpela risen, Mista Jacob i bin ting em as bilong Madang bai nogat tim long dispela yia em bikos, ol pesman bilong Madang long gavman i no sapatim ragbi long Madang. "Long stat bilong ragbi lig long Madang, ol politisen i no bin tingting long sapatim

mipela. Dispela em wanpela risen watpo na bai yumi no inap gat wanpela tim long dispela yia," kosa Jacob i bin tok.

Narapela samting Mista Jacob i bin tok, em ol sponsa bilong Globe trotters long las yia. Em i bin tok, long las yia, James Barnes i bin stap olsem mein sponsa bilong ol Trotters. Tasol nau dispela tri yia kontrak bilong ol i pinis. Em tok ol i bin traim long painim ol arapela sponsa long dispela sisen tasol nogat wanpela kampani i bin tingting long sapatim ol. Olsem na long dispela sisen, Madang Trotters i no bin raun long pilai insait long salens kap kompetisen.

Narapela bikman bilong Madang lig, Noki Kopi i bin tokim RLN tu olsem, les bilong planti bikipela kampani hia long Madang tasol long sponsarim Trotters.

"Dispela pasin i soim olsem, ragbi long Madang bai lus olgeta na olgeta gutpela pialai bilong Madang bai i stap bilas tasol long hia," kosa John Jacob i bin tok.

INSAIT

• Ol biknem tim long PRL i paia lait.

P2

• Kumul kosa i putim ai long yang-pela Batki.

P3

• Sidni lig nius.

P4/5

• Ragbi lig potu.

P6

• Ragbi lig dro.

p7



STORI BILONG PILAIA

ROBERT KANABOTE i raitim



Nem: George Nou-Bhatia

Niknem: Geno Boby

Taim Mama karim yu: 27
Septemba 1975Ples mama karim yu:
Kavieng, Niu ailen provinsFeveret kaikai: Rais na Ox
& Palm

Marit o i no marit: I no marit

Provins: Sentral na Niu
AilenKlap: Koiari Gorea, POM SP
Op-sisen lig. Dobo Warriors,
PRL.Yu pilai wanem kain spot:
RagbiYu save pilai long wanem
posisen: Prop o Dami hav
(10,9).Yu pilai long sampela
bikpela gem pinis o nogat?
1992 Mendi Haiskul tas tim.
Mipela i bin pilai wantaim
Mogol Haiskul.Yu gat sampela driman:
Yes, Ranim bisnis bilong mi
yet.Wanpela samting yu bin
mekim bipo we yu no inap
lus tingting: Mi bin putim
faipela trai long wanpela
gem taim mipela i bin pilai
wantaim Mogol haiskul. Mi
bin pilai winga dispela taim.Feveret kosa bilong yu:
Francis Rochus (Dobo
Warriors A-gret kosa)>Feveret pilaia bilong yu:
Obert BhatiaDriman bilong yu long ragbi
lig: Mi ting long makim PNG
long ol ovasis pilai.

Ol biknem tim long PRL i paia lait

WATSON GABANA i raitim

LONG namba tu raun bilong Pot Mosbi ragbi lig propa sisen gem, Magani i bin ranawe long maus bilong ol Hawks insait long wanpela strongpela piai long las wik Sarere.

Tupela tim wantaim i bin soim sampela smatpela pilai. Ol i bin karim bal na ran strong tru long brukim defens bilong narapela tim tasol, tupela sait wantaim i bin strongim sait bilong tupela na sanapim strongpela brik wol. Ol pilai i go na klostu long pinis bilong fes hap, winga bilong Magani Vagi Vele i putim nambawan trai bilong dispela pilai. Em yet i bin kikim i

go insait long helpim tim bilong em i go pas long skoa wantaim 6 pions. Wanpela piai pilai, hap-bek bilong Poreporena Hawks i mekim insait long 20 mita lain bilong em yet i mekim isi long Vele i skurim skoa i go antap long 8 pions. Long hap taim, ol manki Magani i bin go pas wantaim 8-o skoa lain.

Taim ol i bin kam bek long seken hap, Hawks i sanisim stail bilong pilai bilong ol hariap tru long paulim Magani na ol i bin skoa long daunim skoa lain i kam daun long 4 pions. I no longtaim, Vagi Vele i siksti i go pundaun antap long trai lain bilong Hawks long skurim poin bilong tim bilong em.

Tasol ol manki Hawks i no bin wari long dispela. Ol pait bek i kam gen wantaim narapela trai long skurim skoa i go antap long 12 pions. Tupela tim wantaim i bin lok long 12-12 i go na long las minit stret, Willie i bin ran na abrusim trai lain bilong Magani long bringim skoa i go antap long 16 pions. Long laspela wisel, Magani i bin kisim 2 pions bilong ol taim ol i bin winim Hawks 16-12.

Olpela senta bilong Kumuls, Philip Boge i bin trai hat strong tru long apim skoa bilong ol manki Hanuabada i go levol wantaim Magani, tasol sori tru em i bin leit. Kepten, Boge i no bin i gat inap taim yet long levolim skoa. Long

dispela taim tu, tripela biknem pilaia bilong ol i bin stap insait long Vipers tim long pilai wantaim ol Brisbane Pine Brothers. Kain stail pilaia bilong ol olsem: Pipi Gari husat i bin mekim nem stret taim em i bin pilai wantaim ol Brothers long Sande.

Long arapela lig gems: Kone Tigers i bin winim Post Puma 23-16, Tarangau i bin ranawe long bom bilong ol Defens 18-16, Souths i bin bagarapim tru sindaun bilong Gerehu United 20-6, West i wiliwilim Brothers 22-12, Dobo Raiders i bin kisim bikpela taim long han bilong ol manki Paga Panthers 32-18 na Royals i bin sutim daun ol Waliya 34-20.

Koiari Gogea Ragbi lig tim long Mosbi ov sisen ragbi resis



Baksait L-R Andrew Belo, Graham Agisi, Jones Agisi, George Nou-Bhatia, Obert Bhatia, Douglas Auti, Cedrick Belo, Patrick Belesi, George Niest.

Namel L-R Dickson Yoki, Joel Tatate.

Fran L-R Thomas Eiomi, Jacob Kenosi, Silas Eiomi, Jeffrey Habba, Maineti Umars, Ruben Dibaia.

Killa long ol boi Koiari

Dispela em ol boi Koiari antap long Sogeri husat i filai long ov sisen ragbi long Hohla long olgeta wiken. Wanpela long ol nupela tim we i bin stat tasol long las yia aninit long was bilong olpela Kauboi filai Obert Bhatia na Bob Eiomi, dispela tim i kamap olsem wanpela strongpela tim tru long dispela yia.

Kain stail na we bilong ol long holim bal na ron tasol i mekim na ol i kam kamap long gran fainel. Dispela gem bai kamap long dispela wiken. Ol i gat olgeta samting we ol gutpela tim i save gat na ol i bilip olsem ol bai hamasim stret ol sapota na ol lain hsuat i stap wantaim ol long stat bilong sisen i kam inap nau.

Vipers holimpas gutpela rekot win long asples

POT MOSBI Vipers i bin putim tupela poin bilong ol i go antap long lada bilong Kwinslen Sanel 9 Kap kempen bihain long ol i bin winim Brisbane Pine Brothers 40-24 long Lyold Robson ovel las wik Sande. Dispela win bilong ol tu i bin soim gutpela rekot bilong ol long pilai long asples bilong ol yet.

"Em i bin wanpela gutpela pilai tru, tasol mipela i gat bikpela hevi long defens bilong mipela yet."

olpela kepten bilong Kumuls, Kera Ngaffin i bin tokaut.

Tupela tim wantaim i bin paia lait long nambawan wisel. Bihain long 15-pela minit, tupela tim wantaim i bin painim rot bilong abrusim trai lain bilong birua. Ol i bin wok hat i go na long namel bilong nambawan hap, Aquila Emil i bin painim wanpela liklik hul na siksti abrusim olgeta pilaia bilong Brothers na pundaun antap long trai lain long

nambawan trai bilong dispela apinun. Em yet kikim i go insait na apim skoa i go antap long 6 pions.


Ol Vipers i no bin givim liklik spes long ol manki Brisbane long go na skoa. Ol salim bal i go i kam, na kwik taim Mek Gele brukim defens bilong ol birua na setim nupela hap-bek Heni Owen long skurim skoa i go antap long 12 pions. Narapela nupela pilaia husat i bin pilai gut tru long dispela taim em, yangpela fulbek,

Oliver John bilong Goroka Nokondis. Em bin pilai stail stret long ol taim nogut i go na salim Hawks pilaia ov yia, Pipi Gari long pundaun aninit long pos. Dispela trai i bin apim skoa i go antap long 18 pions.

I no longtaim, wanpela pilaia bilong Brothers i kisim bagarap long skru bilong em na ol karim em long stressa i go autsait. Bihain tasol long dispela taim, ol manki Brisbane i bin statim ejin gen long

salim Andrew Grant pundaun antap long trai lain. Kepten Scott Maguire kikim i go insait na ol kam bihain tru wantaim 6-22 skoa lain long pinis bilong fes hap.

Long seken hap, tupela tim wantaim i bin putim tripela tripela trai. Aquila Emil i bin kikim tripela gol wantaim, tasol Brothers i bin kikim wanpela gol. Long pinis bilong pilai, Vipers i kam aut wina wantaim 26 skoa lain (40-24).





• Rabaul Guria tim bilong las yia. Ol i gat planti yangpela pilaia long dispela sisen. Ol i bin rausim tiket bilong Bombers 14-10.

Gutanbag tas asosesin bai afiliate wantaim Madang Spot Opis

PAULUS TALI i raitim

GUNTABAG tas asosesin i stap insait long namba tri wik bilong en na sikspela tim wantaim i wok long pilai strong long i stap insait long top foa ples. Long las wiken gem, planti ol klap i bin soim tru kala na stail bilong pilai tas, we olgeta sapota husat i bin kam long dispela taim i bin sanap tasol na i go.

Presiden bilong Guntabag tas asosesin Lawrence Pitok i bin tok olsem, ol pilaia i pilai gut tru winim planti tim bilong taun. Em tok, ol pilaia i salim salim bal i go i kam na mekim gem i kamap naispela. Long dispela as, planti bikman bilong Madang taun i save kam olgeta apinun long lukim ol manki long ples i pilai. Planti bilong ol dispela manki em long Nobnob, Amron, Rivo, na sampela ol liklik ples long Not Kos rot bilong Madang.

Risult bilong las wiken gem i sanap olsem: Long A-gret; Daga Tigers i bin dro 4-4 wantaim Kamba Raiders, Roosters i bin bagarapim tru ol Broncos 12-0 na Knights i bin winim Souths 12-4. Na long B-gret, Daga Tigers i bin dro tu wantaim Kamba Warriors 4-4, Roosters i bin winim ol Broncos 8-4 na Knights tu winim Souths 8-4.

Presiden Pitok i bin tok moa olsem, olgeta dispela klap bai afiliate i go long Madang tas asosesin na tu long Madang spot opis taim ol painim sampela moni. Long dispela rot, bai ol traime long mekim tas i kamap wanpela strongpela gem insait long Madang. Madang Spot Opis i tok orait pinis long Guntabag i ken afiliate wantaim Spot opis. Taim ol afiliate, bai Madang Spot kaunsel i luk luk long helpim ol liklik moni.

Kumul kosa i putim ai long yangpela Batki

Guria winim Bombers 14-10

WATSON GABANA i raitim

FES TAIM bilong Spear Island Guria long pilai dispela sisen long salens kap resis na ol i bin bomim Lae siti Bombers 14-10 las wiken. Long dispela pilai, wanpela pilaia bilong Guria i bin pilai gut tru na opim ai bilong Kumuls selekta.

Seken lowa bilong Guria, Eremas Batki i bin pilai gut long dispela salens kap gem las Sande na helpim ol boi bilong em kamap wina long dispela apinun. Planti yanpela pilaia i bin stap insait long tim bilong ol Guria tasol dispela i no bin stapim ol. Olgeta i bin bungim bet was

taim long winim dispela nambawan pilai bilong ol long dispela sisen.

Ol yangepa pilaia olsem, William Tale, Johnny Mek, na hap-bek Benjamin Kakadap i bin putim presa long ol pilaia bilong kosa Joe Katsir long winim dispela gem. Planti sapota long dispela gem i no bin bilip long lukim ol manki Rabaul i kamap wina bilong dispela gem.

Bihain tasol long gem, kosa bilong kumuls, Bob Bennett i bin givim bikpela tok amamas i go long ol manki Rabaul Guria long dispela smatpela pilai ol i bin putim kamap. Em olsem wanpela grem

bin lukim hau seken lowa, Batki i bin pilai na tok olsem, tru tumas em bai stap insait long Kumul skwat dispela yia.

"Dispela yangpela man i gat olgeta teknik bilong pilai na long dispela pilai, em i bin kamapim olgeta.

"Bai mipela makim em i go insait long kumuls tim long pilai wantaim Niu Silen long Osenia gem dispela yia," Bennett i bin tok bihain long em i bin lukim hau Batki i bin pilai.

Dispela pilai i bin stap namel long wanpela taim we ol sapota i bin singaut i go na klostu i go longlong. Tupela tim wantaim i bin kamapim bikpela paia wok na pilai Bombers, Katsir i no

fainel. Tupela tim wantaim i bin putim strongpela defens na brokim ol birua long kam na skoa. Tasol klostu long fultaim, ol Guria i bin salim Kundiawa rekrut, Stanis Kale long skoa, bihain tasol long winga bilong Bombers Philip Erika i bin putim fes trai bilong dispela pilai.


Taim ol i bin kam bek long hap-taim, tupela tim wantaim i bin strongim sait bilong tupela long kamap wantaim sampela stail pilai. Bombers i bin fes long skoa long seken hap bihain long wanpela gutpela bol wok. Long las wisel, ol Guria i bin stap antap wantaim 4 poin (14-10).

Kosa bilong Guria, Dennis Reynolds na kosa bilong Bombers, Katsir i no

bin amamas long sampela disisin bilong refiri. Tasol em i bin leit pinis. Reynolds i bin kisim olgeta tok amamas long gutpela pilai tru ol bois bilong em i bin putim kamap.

"Mipela i no bin gat planti bikpela trening gem olsem Bombers, husat i bin pilai wanpela gem pinis wantaim ol Ramu Crushers... tasol mipela i pilai gut tru," kosa Reynolds i bin tok. "Dispela em sain bilong gutpela samt-ing bai kam long ol manki bilong mi," em tok moa.

Long narapela pilai namel long Ramu Sugar Crushers na Wabag Mioks, ol manki awi bilong Wabag i bin bagarapim sindaun bilong suka taun 24-10.



STORI BILONG PILAIA

BRAD THORN Brisbane

Posisen: Seken Rowa.

D.O.B: Februari 3 1975

Hevi: 111 kilo. **Longpela:** 196 cm.

Wok: Pilai ragbi na kisim moni.

Oi biknem ragbi pilaia yu save laikim: Wally Lewis na Gene Miles. **Yu save mekim wanem taim yu no save pilaia?** Slip, pilai tenis na skwas, go waswas long nambis na harim musik.

Husat biknem pilaia yu bin lukim taim yu manki yet? Mi bin bungim olupela winga bilong All Blacks, Donny Clark. Em i bin kosa bilong mi long Cromwell long Niu Silen.

Taim yu bin sainim kontrak wantaim Broncos pinis, i bin gat arapela klap askim yu long pilai wantaim ol tu o? Penrith wantaim Canterbury i bin askim mi long pilai wantaim ol. Tasol mi gat wanpela disisen tasol long mekim.

Yu bin tubel liklik taim yu bin sainim kontrak wantaim Supa Lig o? Olgeta tim wantaim i bin wanbel long mekim wok. Taim wanpela man sainim kontrak, mipela olgeta i bihainim tasol.

Strongpela salensa bilong yu: Tenkyu tru, mi no bin pilai agensim Gavin Allen, bikos em strongpela man tru, mi bin lukim em long fil. Mi ken tingim yet, taim em i bin kam bek long Stet ov Origin pilai na go het gen long pilai long Sande, olsem em i bin pait 10-pela raun olsem Mike Tyson.

Wanem samting yu save les long taim bilong pilai ragbi? Mi save les tru long raun raun planti. Kalap long balus na bihain gen i go kalap bas o trein na westim planti taim tru. **Yu ting wanpela taim bai yu pilai long All Blacks tim bai kamap tru?** Askim mi dispela kwesten gen 10-pela yia bihain. Bai yu kisim ansa bilong yu.

Sapos yu gat tingting long rausim wanpela aua long olgeta de.

Wanem dispela aua? Bai mi rausim laspela aua bipo long wanpela pilai. Mi save pret nogut tru. **Wanem gupela samting long pilai wantaim Broncos?** Mi stap klostu long papa/mama na ol pren bilong mi.

Husat em pren tru bilong yu? Brata bilong mi Aaron. Em i save pilai ragbi long GPS.

Yu bin pilim wanem long dispela taim, yu bin les long kisim pes bilong Niu Silen long 1995 taim yu bin 19 yias tasol? Mi no inap tokaut long dispela. Nau yet, mi no save mi bin mekim wanpela rait desisen o nogat.

I no longtaim i go pinis, yu bin baim wanpela hap graun long Niu Silen. Bai yu mekim wanem long dispela hap graun? Bai mi lukautim sipsip antap long em.

Sapos yu no bin kamap olsem wanpela ragbi pilaia, yu ting wanem bisnis bai yu inap mekim? Sapos mi no bin kamap wanpela ragbi pilaia, bai mi salim su, bikos mi save laikim tru wok bilong Al Bundy. **Wanem feveret kaikai bilong yu?** Steaks, sampela kumu na wanpela peket sips.

YANGPELA BLUT WINIM TRI-SERIES SUPA LIG GEM

**Niu Saut Wales 38,
Kwinslen 10.**

Niu Saut Wales supa lig tim i bin kam aut sempion long las wik Fride taim ol i bin nekim Kwinslen, 38-10 long nambawan pilai bilong origen supa lig gem.

Oi i bin go insait long pilai graun wantaim planti yangpela pilaia husat i no bin pilai long kain bikpela gem olsem, tasol dispela i no bin stapim ol. Stat long kik ov i go inap long laspela wisel, ol manki Niu Saut Wales i no bin malolo long putim trai. Eitpela minit tasol long kik ov, fulbek bilong Cronulla, David Peachey i bin daiv long bal antap long trai lain bihain tasol long wanpela kik bilong Greg Alexander. Dispela trai bilong Peachey i bin opim rot.

Experiens pilaia insait long Niu Saut Wales tim em: Laurie Daley, Glenn Lazarus na Andrew Ethinghausen. Narapela pilaia husat i bin wanpela stail manki bilong pilai, tasol i bin lusim pilai na stap nating 6-pela yia nau long dispela sisen tasol em i bin stat gen long pilai em Greg Alexander. Alexander i bin paia lait long stat bilong pilai i go inap long pinis. Em i bin putim namba tu trai bilong NSW na long olgeta arapela trai, em i bin masta mainim. Namba tri trai bilong NSW i bin kamap long han bilong kepten bilong Cronulla Sharks, Andrew Ethinghausen (E.T). Trai i bin wara raun long nambawan hap bilong pilai. Ken Nagas i bin pasim dua bilong fes hap wantaim wanpela trai gen tupela minits tasol long pinis bilong pilai. Ryan Girdler i bin kikim tripela gols long foa attems.

Long fes hap yet, Wendell Sailor i bin putim wanpela trai tasol bilong Kwinslen. Long pinis bilong fes hap, NSW i bin go pas wantaim 18 points (22-4).

Kwinslen, husat i gat planti experiens pilaia na tu, 10-pela pilaia bilong Brisbane Broncos i bin stap insait long tim, i no bin pilai long mak kosa bilong ol Wayne Bennett i bin laikim. Oi i bin mekim planti paul pilai na i dispela i bin givim prais bilong ol long Fraide nait. Trangu, pilai-meka bilong ol Allan Langer i bin traim kain kain stail bilong em long abrusim trai lain bilong NSW tasol ol manki NSW i bin pasim olgeta hul gut tru.



Taim ol i bin kam bek long las 40 minit bilong pilai, foapela minit tasol, na ET i siksti abrusim trai lain bilong Kwinslen long apim skoa i go antap long 26 points. Masta main pilai bilong Penrith kepten, Greg Alexander i mekim ol Kwinslen i ran longlong insait long pilai graun na fosim ol long mekim kain kain liklik mistek. Dispela i opim rot bilong NSW long skurim skoa gen i go antap long 34 points. Dispela i bin nambatu trai bilong Nagas. Tenpela minits i stap long pinis bilong pilai na Peter Ryan i bin pundaun antap long trai lain long apim skoa bilong ol Kwinslen i go antap long 10 points. Tasol dispela i bin stapim ol NSW tim long mekim ol liklik teknik bilong ol insait long fil. Oi stailim bal wok bilong ol na salim bal long wanpela sait bilong pilai graun i go long narapela sait ol i givim tiket long ET long karapim trai lain bilong Kwinslen long namba tri trai bilong em long dispela nait.

Long laspela wisel, NSW supa lig tim i bin kam aut wina wantaim 38 points winim Kwinslen 10 points tasol. Trai skoara bilong NSW em: David Peachey, Greg Alexander, Ken Nagas (2-trais), Andrew Ethinghausen (3-trais). Ryan Girdler i bin kikim 5/7. Kwinslen: Wendell Sailor na Peter Ryan trai. Mat Rogers i bin kikim 1/2.



Bradley Clyde — facing a major challenge when the Tri-Series kicks off against Queensland

• Bradley Clyde i wok strong long pilai long dispela tripela gem wantaim ol Kwinslen tim.



• Roosters na Manly i kukim paia long wanpela gem bilong ol long wanpela Fraide i go pinis.




• PRL i stap long namba tu raun bilong propa eisen. Dispela poto i soim wanpela strongpela pilai namel long ol Tarangau na Defence. Tarangau i bin ranawe long bom bilong ol Defence long winim ol 18-16. Poto: Ivan Bayagau.



• ANTAP: Ragbi lig eksen namel long Royals na Waliya. Klostu long mak bilong long dai.

• RAITHAN: Rocko Vanua long raithan bilong Royals traim long stopim wanpela pilaia bilong Waliya long pilai bilong ol. Royals bin Waliya 34-20. Poto: Herry Kombega.



Teams for round eight Super League matches on April 18, 19, 20 and are as follows:

FRIDAY:

HUNTER V PERTH at Breakers Stadium (7.30pm)

MARINERS: Robbie Ross, Keith Beauchamp, John Carlaw, Nick Zisti, Gavin Thompson, Scott Hill, Noel Goldthorpe (c), Richard Swain, Neil Piccinelli, Tony Iro, Anthony Brann, Robbie McCormack, Troy Stone. res: Tim Maddison, Darrien Doherty.

REDS: Julian O'Neill, Matthew Daylight, Paul Bell, Greg Fleming, Eamonn Edgar, Scott Wilson, Matthew Rodwell, Dale Fritz, Jon Grieve, Peter Shiels, Rodney Howe, Matthew Fuller, Robbie Kearns. res: Brett Green, Darren Higgins.

SATURDAY:

CRONULLA V ADELAIDE at Shark Park (7.30pm)

SHARKS: David Peachey, Mat Rogers, Andrew Ettingshausen (c), Geoff Bell, Richard Barnett, Mitch Healey, Paul Green, Tawera Nikau, Nathan Long, Sean Ryan, Craig Greenhill, Dean Treister, Danny Lee. res: Chris McKenna, Adam Dykes.

RAMS: Rod Maybon, Wayne Simonds, Chris Quinn, Luke Williamson, Joe Tamani, Kurt Wrigley, Stuart Topper, Cameron Blair, Andrew Pierce, Kevin Campion, Andrew Hick, Kerrod Walters (c), Mark Corvo. res: Bruce Mamando, Dean Schifilliti, Steve Stone, Michael Maguire.

SUNDAY:

AUCKLAND V CANTERBURY at Ericsson Stadium (12.30pm)

WARRIORS: Marc Ellis, Sean Hoppe, Anthony Swann, Tea Ropati, Iva Ropati, Gene Ngamu, Stacey Jones, Tony Tuimavave, Stephen Kearney (c), Denis Betts, Mark Horo, Syd Eru, Grant Young. res: Joe Vagana, Bryan Henare.

BULLDOGS: Rod Silva, Hazem El Masri, Matt Ryan, John Timu, Daryl Halligan, Craig Pollamounter, Duncan McRae, Glen Hughes, Steven Price, Simon Gillies (c), Mitch Newton, Jason Hetherington, Solomon Haumono. res: Robert Reif, Barry Ward.

CANBERRA V NORTH QUEENSLAND at Bruce Stadium (2.30pm)

RAIDERS: Ken Nagas, Royston Lightning, Brett Mullins, Ruben Wiki, Geoff McNamara, Laurie Daley, (Ricky Stuart (c), Bradley Clyde, David Fumer, Ben Kennedy, David Westley, Luke Priddis, Luke Davico. res: Jason Burnham, Simon Woolford, Quentin Pongia.

COWBOYS: Scott Mahon, Luke Phillips, Mark Shipway, Paul Bowman, Justin Loomans, Ian Dunemann, John Doyle, Owen Cunningham, Luke Scott, Peter Jones, Martin Locke, Steve Walters (c), Ian Roberts. res: Kris Tassell, John Buttigieg, Glen Murphy, Tyran Smith, Adam Warwick (one to be omitted).

MONDAY:

PENRITH V BRISBANE at Penrith Football Stadium (7.30pm)

PANTHERS: Peter Jorgensen, Jason Williams, Sid Domic, Bobby Thompson, Andrew Hinson, Ryan Girdler, Steve Carter (c), Darren Brown, Matt Adamson, Duncan MacGillivray, Carl MacNamara, Craig Gower, Paul Johnson. res: Phil Adamson, Danny Farrar, Garen Casey.

BRONCOS: Darren Lockyer, Michael Hancock, Darren Smith, Tonie Carroll, Wendell Sailor, Kevin Walters, Allan Langer, Peter Ryan, Shane Webcke, Brad Thorn, Andrew Gee, Peter Driscoll, Glenn Lazarus. res: John Plath, Phillip Lee, Michael Devere.

AAP

Teams for round seven Australian Rugby League matches on April 18, 19 and 20 are as follows:

FRIDAY:

BALMAIN V NORTH SYDNEY at Leichhardt Oval (7.30pm)

TIGERS: Tim Brasher, James Langaloo, William Kennedy, Jason Webber, Michael Withers, Michael Gillett, Steven Jolly, Glen Morrison, Mark O'Neill, Mark Stimson, Paul Sironen (c), Darren Senter, Shane Walker. res: Adam Starr, Hudson Smith, Chris McPherson.

BEARS: Matt Seers, David Hall, Ben Ikin, Greg Florimo, Brett Dallas, Michael Buettner, Jason Taylor (c), Billy Moore, David Fairleigh, Gary Larson, Steve Trindall, Mark Soden, Josh Stuart. res: Darren Fritz, Scott Pethybridge, Chris Caruana, Nigel Roy (one to be omitted).

SATURDAY:

ST GEORGE V WESTERN SUBURBS at Kogarah Oval (3pm)

DRAGONS: Damien Smith, Mark Bell, Mark Coyne (c), Jamie Ainscough, Adrian Brunner, Shane Kenward, Gavin Clinch, Wayne Bartrim, Darren Treacy, Lance Thompson, Colin Ward, Nathan Brown, Tony Hearn. res: Corey Pearson, Brad Smith, Jeff Hardy.

MAGPIES: Andrew Leeds, Darren Willis, Ken McGuinness, Brandon Pearson, Aseri Laing, Kevin McGuinness, Steve Georgallis, Paul Langmack (c), Bill Dunn, James Smith, Harvey Howard, Ciriaco Mescia, John Skandalis. res: Adam Doyle, Des Hasler, Damian Kennedy, Shane Millard.

ILLAWARRA V PARRAMATTA at WIN Stadium, Wollongong (7pm)

STEELERS: Brendon Reeves, Brendon Hauville, Shaun Timmins, Paul McGregor (c), Wayne Clifford, Trent Barrett, Glen Air, John Cross, Brad Mackay, Scott Cram, Craig Smith, Dean Callaway, Darren Bradstreet. res: Adam Bristow, Brendon Tunbridge, Maea David.

EELS: David Riolo, Ian Herron, Paul Carige, Stuart Kelly, Shane Whereat, Jason Bell, John Simon, Jim Dymock, Jarrod McCracken, Jason Smith, Dean Pay (c), Daniel Brown, Peter Johnston. res: Steve Collins, Karl Lovell, Troy Campbell, Justin Morgan.

GOLD COAST V SYDNEY CITY at NBN Stadium, Carrara (7pm)

CHARGERS: Andrew King, Matt Dwyer, Graham Mackay (c), Kris Currie, Darren Anderson, Chris Orr, Wes Patten, Jeremy Schloss, Brendan Hurst, Tony Durheim, Damian Driscoll, Jamie Goddard, Martin Bella. res: Tom O'Reilly, Chris Nahi, Scott Sattler, Brett Plowman.

ROOSTERS: Damien Mostyn, Jack Elsegood, Matt Sing, Shane Rigon, Ivan Cleary, Andrew Walker, Nathan Wood, Brad Fittler (c), Luke Ricketson, Scott Gourley, Terry Hermansson, Sean Garlick, David Barnhill. res: Jason Lowrie, Julian Troy, Dale Shearer, Nigel Gaffey.

SUNDAY:

MANLY V NEWCASTLE at Brookvale Oval (3pm)

SEA EAGLES: Craig Hancock, Danny Moore, Craig Innes, Terry Hill, John Hopoate, Geoff Toovey (c), Craig Field, Nik Kosef, Daniel Gartner, Steve Menzies, Mark Carroll, Scott Fulton, Neil Tierney. res: Billy Weepu, Andrew Hunter, Cliff Lyons.

KNIGHTS: Robbie O'Davis, Darren Albert, Adam MacDougal, Owen Craigie, Matthew Gidley, Matthew Johns (c), Leo Dynevor, Marc Glanville, Adam Muir, Bill Peden, Wayne Richards, Lee Jackson, Jutterfield. res: Paul Harragon, Troy Fletcher, Jason Moodie.

SOUTH SYDNEY V SOUTH QUEENSLAND at Sydney Football Stadium (3pm)

RABBITOHS: Brendan O'Meara, Marty Moore, Don McLeod, Phil Howlett, Dean Amos, David Penna, Darrell Trindall (c), Darren Burns, Paul Quinn, Michael Ostini, Matthew Parsons, Cole Skelly, Ian Rubin. res: Peter Driscoll, Michael Francis, Craig Simon.

CRUSHERS: Dave Watson, Jason Hudson, Matt Toshack, Michael Eagar, Jason Wendt, Shane Cairns, Nathan Antonik, Craig Wilson, Andrew Hamilton, Steele Retchless, John Jones, Craig Teevan (c), Clinton O'Brien. res: Mark Protheroe, Danny Nutley, Mark Tookey, Dan Saunders.

AAP

CHALLENGE CUP**Results**

13/4 Tumbe 22 v Warriors 22
13/4 Mioks 20 def Crushers 10

Table

	P	W	D	L	F-A	
Pts						
Mioks		5	3	-	2	74-67
Crushers	5	2	-	3	56-68	4
Tumbe	4	1	1	2	70-80	3

Draw

20/4/97 Mioks v Tumbe (Wabag)

PORT MORESBY RUGBY FOOTBALL**MUTURS CUP DRAWS****Round 4**

Lloyd Robson Oval

9.30am U/21 Defence vs Magani
10.45am U/21 vs Tarangau
12.00noon Res Gerehu Utd vs Wests
1.15pm Res Royals vs Kone Tigers

Saturday April 19, 1997.

9.00am U/21 Royals vs Kone

11.00am Reserve Paga vs

Tarangau

12.30pm "A" Post Puma vs

Souths

2.00pm "A" Royals vs Kone

Tigers

3.00pm "A" Paga vs

Tarangau

Sunday April 20, 1997.

9.30am Res Brothers vs

Dobo

11.00am "A" Gerehu Utd vs

Wests

12.30pm "A" Brothers vs

Dobo

2.00pm "A" Defence vs

Magani

3.30pm "A" Hawks vs

Waliya

PRL Oval 2

Saturday April 19, 1997.

9.30am U/21 Hawks vs
10.45am U/21 Brothers vs
12.00noon Res Defence vs
1.15pm Res Hawks vs
Waliya

PRL Oval 3

Saturday April 19, 1997.

9.30am U/21 Post Puma vs
10.45am U/21 Gerehu Utd vs
12 noon Res Post Puma vs
Souths

LAE RUGBY LEAGUE SP CUP**Round 3**

Saturday April 19, 1997.

Outside Ground

9.00am U17 Fairdeal

Magani v MDC Royals

10.00am U19 Lae Bisket

Spider v Panthers

Inside Ground

9.00am U17 Tarangau v JT

Defence

10.00am U19 Brothers v KT

Morobe Tigers

11.00am B Fairdeal

Magani v MDC Royals

12.30pm B Tarangau v JT

Defence

2.00pm B Lae Bisket

Spider v Panthers

3.30pm A Tarangau v JT

Defence

Sunday April 20, 1997.

Outside Ground

9.00am U17 Lae Bisket

Spiders v Panthers

10.00am U19 Fairdeal

Magani v MDC Royals

Inside Ground

9.00am U17 Brothers v KT

Morobe Tigers

10.00am U19 Tarangau v JT

Defence

11.00am B Brothers v KT

Tigers

12.30pm A Magani v Royals

2.00pm A Lae Bisket
Spiders v Panthers
3.30pm A Brothers v KT
Morobe Tigers

Gate Fees

Adult: K1.00

Kids: 50 toea

Notes:

Round 1 matches for juniors are deferred and will be played at a later date.

Round 2 matches wins on forfeit awarded to the following teams.

Under 19 Under 17

Magani Magani

Royals Royals

Spiders

Tarangau and Panthers U17 and U19 matches Round 2 matches deferred and will be played at a later date.

The following teams were not registered and therefore forfeit their games and will continue to forfeit their matches until they have sufficient registered players.

Under 19 Under 17

Tigers Tigers

Brothers Brothers

Defence Spiders

Defence



Olgeta tim i bin dro long Minj

ROBERT BOMA i raitim

SALENS KAP RIPOT

Minj pilai graun i bin pas tru taim ol biknem ragbi lig sentas i bin bungim pes long namba faiv raun bilong SP Inta Siti pri sisen gem. Tasol nogat wanpela tim i bin lus.

Ol biknem tim olsem, Goroka Lahanis, Mendi Muruks, Pot Mosbi City Cowboys, Maut Hagen Eagles, Kundiawa Warriors na asples tim Waghi Tumbe i bin soim kai kai stail bilong pilai long dispela de. Olgeta tim i bin pilai gut tru na long pinis bilong wan wan gem, nogat wanpela tim i bin kamap lusa. Nambawan pilai bilong dispela de i bin stap namel long Capital City

Cowboys na Maut Hagen Eagles. Ol manki POM siti i bin fes taim bilong ol long pilai insait long dispela salens kap long dispela yia.

Ol i no bin pilaim sampela gems bilong ol pastaim long wanem, ol i no bin kisim hari-ap moni bilong raun na tu ol dro i no bin stat stret. Tasol dispela i no bin stapim ol. Nambawan taim bilong testim ragbi bal long dispela wantaim wanpela biknem tim olsem Maut Hagen Eagles i no bin isi. Ol i bin pilai gut tru i go na dro 22-22 long laspela kraik bilong wisel.

Long narapela gem, wanpela strongpela tim bilong SP Inta siti kap resis na tu sempion bilong las yia, Mendi Muruks i bin painim ol yet i hagap long bilum bilong ol manki apaso bilong Goroka Lahanis. Tupela tim tu i bin pilai gut tru i go na kirap nogut, tupela tu i bin dro 20-20 long ful taim.

Muruks i bin gat planti sans long skurim poin i go antap, tasol, sori tru, taim i bin sot pinis.

Long mein gem bilong dispela de i bin stap namel ol sista taun, Kundiawa Warriors na Waghi Tumbe. Tupela tim i no bin wari long ol tambu o wantok ol i gat. Nogat, ol i go het long putim kamap wanpela stail pilai tru, planti manmeri husat i bin kamap long dispela taim bai i no inap lusim tingting.

Warriors i bin fes long putim skoa i go antap long bod, bihain tasol long wanpela gutpela bal wok long bek-lain. Ben Ezekiel i bin kikim i go insait long mekim ol angla bilong Kundiawa i go pas wantaim 6 poin. Warriors skurim skoa i go antap long 10 poin bihain long narapela trai gen, we Ben i no bin kikim i go insait. Waghi i bin paik bek strong tru na fosim ol Kundiawa Warriors long mekim wanpela paul pilai

insait long eria bilong ol yet. Kepten Thomas Tumbe kikim 2 poin bilong ol manki asples long skurim skoa lain i kam liklik gen. Ol manki Tumbe mekim narapela raun bilong ol gen i go long trai lain bilong ol Warriors long skurim skoa i kam daun. Tumbe kikim gen dispela gol na i no longtaim tupela tim i bin stap 10-8. Tasol ol Warriors i pundaun antap long trai lain bilong ol manki Waghi long apim skoa bilong ol i go long 14 poin. Long hap taim, skoa tupela tim i bin stap olsem, 14-8.

Taim ol i bin kam bek long seken hap, tupela tim wantaim i bin sanapim strongpela brik wol na salim ol beklain bilong ol mekim planti bal wok. Ol strongim sait bilong ol i go na taim laspela wisel i bin kraik, tupela tim wantaim i bin lok 22-22. Tasol em i bin leit pinis.

Greg Teine i lusim Kundiawa Warriors na joinim Tarangau tim bilong Mosbi

ANTON NAIME i raitim

PROP fowat bilong Simbu, Kundiawa Warriors na Hailans jon, Greg Teine bai joinim Tarangau ragbi lig tim bilong Pot Mosbi long dispela sisen 1997.

Ol opisel, kosa na pilaias bilong Tarangau i wet yet long wanem taim em bai i kam joinim tim. Greg bai i strongim Tarangau tim long dispela sisen. Wanpela opisel bilong Tarangau i bin tok olsem em bai sapatim James Naipao, Billy Kambao, Francis Poka, Mek Gele, Saimon Kitingi na Mark Kali, long wok strong antap long fowat na bai traime long bringim tim i go long fainel faiv long dispela yia.

Greg Teine em i wanpela strongpela pilai husat i bin pilai insait long SP Inta siti kap resis wantaim Simbu Kundiawa Warriors. Kain strongpela takol na ran bilong em bai givim sapat long ol dispela pilai bilong Tarangau long dispela sisen.

Em bai lusim tim bilong em Simbu Warriors na joinim Tarangau sampela taim dispela wik. Taim em pilai wantaim Tarangau, em tingting long stap insait long Vipers tim.

Nau yet, Tarangau i taitim tit long winim dispela 1997 sisen. Wantaim dispela hait ting ting, ol i bin winim Defence long las wiken gem.



• Pilai namel long Pot Mosbi Vipers na Brisbane Brothers long las wik Sande. Vipers i bin winim Brothers 44-24. Foto: Ivan Bayagau.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.